



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

«ԵՐԻՏԱՍԱՐԴԱԿԱՆ ԳՐԱԴԱՐԱՆ» ՄԱՏԵՆԱՇԱՐ ԹԻՎ 1

**ՆԻԿՈԼ ԱՂԲԱԼՅԱՆ
(Ն. ԴԱՆԳՈՒՅՑ)**

**ՄՏԱԾՈՒՄՆԵՐ
Ք. Յ. ԴԱՇՆԱԿՑՈՒԹՅԱՆ
ՄԱՍԻՆ**

**Հրատարակություն ՀՀԴ Բյուրոյի
Երիտասարդական գրասենյակի**

ԵՐԵՎԱՆ 2005

ՆՎԻՐՎՈՒՄ Է
ՀՅԴ 115 ԱՄՅԱԿԻՆ

ԵՐԿՈՒ ԽՈՍՔ
ԱՅՍ ՀՐԱՏԱՐԱԿՈՒԹՅԱՆ ԱՌԻԹՈՎ

ՀՅԴ Բյուրոյի Երիտասարդական գրասենյակը սույն հրատարակությամբ հիմք է դնում «Երիտասարդական գրադարան» մատենաշարի:

Մատենաշարի նպատակն է դաշնակցական ուսանողությանն ու երիտասարդությանը զինել քաղաքական եւ կազմակերպական գիտելիքներով, նրանց ծանոթացնել դաշնակցական գաղափարական մտքին, հայացքներին ու դիրքորոշումներին եւ արդի քաղաքական աշխարհում առկա հարցերին:

Այլ խոսքով՝ սատարել դաշնակցական ուսանողության եւ երիտասարդության գաղափարաբանական ու քաղաքական մտքի բյուրեղացմանը, որպեսզի քաղաքական աշխարհի վայրիվերումների մեջ կարողանան անվարան կերպով կողմնորոշվել ու ցուցաբերել հստակ, սկզբունքային ու դաշնակցականավայել կեցվածք:

Նկատի ունենալով, որ դաշնակցական երիտասարդ մտավորականությունն է կուսակցության գաղափարական շարունակականության երաշխավորը, հույժ կարեւոր է երիտասարդների ու ուսանողների ծանոթությունը կուսակցական ավանդին:

Ահա այդտեղից է ծագում մեծանուն մտավորական Նիկոլ Աղբալյանի «Մտածումներ Հ.Յ.Դաշնակցության մասին» աշխատությունը վերահրատարակելու միտքը: Ի՞նչ է Դաշնակցությունը: Ո՞վ է դաշնակցականը: Ի՞նչ պարտականություններ ունի նա:

«...Բայց ո՞րն է Դաշնակցությունը. ոչ թե կուսակցությունը, այլ Դաշնակցությունն իր էության մեջ: Բոլոր հին ու նոր ընկերները, բոլոր հին ու նոր մարմիններն իրենց գործերով միասին կազմում են մեր կուսակցությունը: Եւ նրանք, որ նահատակված ու մեռած են վաղուց,

ե՛ն նրանք, որ բանտ ու աքսորի մէջ են այսօր կամ ազատ գործում են աշխարհի հեռավոր կողմերում. ե՛ն այն գործերը, որ ծրագրված են. ե՛ն այն ձեռնարկները, որ կան, ե՛ն այն կուսակցական կյանքը, որ եռում է ամենուր - այս ամենը մեր կուսակցությունն են կազմում...»:

Գրում է մեծ տեսաբանը:

«...Դաշնակցությունը համամիտ մարդկանց մի պատահական խմբակցություն չէ, այլ մի կազմակերպություն է. այսինքն մի մնայուն մարմին է, որ ամեն օր եւ ամեն ժամ իր գործն ունի եւ հետապնդում է իր ծրագիրը...»:

Դաշնակցությունն ունի իր գործը եւ հետապնդում է իր ծրագիրը, ուստի եւ անհրաժեշտ է, որ դաշնակցական գործը առաջ տանող երիտասարդությունը՝ Դաշնակցության վաղվա դեկավարությունը քաջածանոթ լինի այն հիմնարար սկզբունքներին ու արժեքներին, որոնց վրա կառուցվել ու գոյատևել է Դաշնակցությունը, որպեսզի կարողանա քաղաքական այս խայտաբղետ աշխարհում ճիշտ կողմնորոշվել:

Սույն հրատարակությունն ընդգրկում է Նիկոլ Աղբալյանի «Մտածումներ Հ.Յ.Դաշնակցության մասին» (1929-1930 թ.թ.), «Մեր կանոնագիրը» (1937 թ.) եւ «Կրկին մեր կանոնագիրը» (1937 թ.) աշխատությունները: Նշենք, որ Աղբալյանն իր աշխատություններն ստորագրել է Ն.Հանգույց անունով:

Այս նախաձեռնությունը փորձ է՝ մեր երիտասարդությանը մատուցելու հիմնական գիտելիքներ Հ.Յ.Դաշնակցության մասին:

Պիտի փորձենք շարունակել այս աշխատանքը՝ պարբերաբար հրատարակելով ճանաչողական արժեք ներկայացնող կամ այժմեական նյութերի առնչությամբ գրքեր:

Հուսանք՝ այն կծառայի նպատակին:

ՀՅԴ Բյուրոյի
Երիտասարդական գրասենյակ

Շատ անգամ առիթ եմ ունեցած մտածելու մեր Կանոնագրին առաջին երկու կետերի մասին, որ ասումն են. «Հ. Յ. Դաշնակցութեան անդամ կրնա ըլլալ ամեն քաղաքացի, որ կընդունի կուսակցութեան ծրագիրն ու գործելակերպը, կենթարկվի անոր կանոնագրին եւ որոշումներուն եւ ամեն ջանք կթափի իրականացնելու դանոնք»: - «Յուրաքանչյուր դաշնակցական պարտավոր է մտնելով խմբի մը մեջ՝ վճարել կուսակցական տուրք Երջանային ժողովի որոշած սակի համաձայն»: Որքան խորամուխ եմ լինում այս հոդվածների ներքին իմաստին, այնքան ավելի համոզվում եմ, որ նրանց կանոնադրական չոր ու ցամաք խոսքերի մեջ լիովին ուրվագծված է կենդանի դաշնակցականի գաղափարական տիպարը: Շատ հրահանգիչ դաս կլինեն Հետնորդների համար, եթե մեկն առներ եւ ուսումնասիրեր մեր Կանոնագրի փոփոխությունները՝ ժամանակի ընթացքին: Դա կլինեն Հ. Յ. Դաշնակցութեան պատմութեան Հետաքրքրական զուգահեռներից մեկը, ուր պարզ կերեւար դաշնակցական սերունդների ըմբռնումն իրենց գործի կազմակերպութեան եւ գործոն դաշնակցականի մասին: Ես նպատակ չունեմ այդ պատմութեանն անելու: Ես կուզեի այդ հոդվածների թելադրանքները ձեւակերպել եւ դաշնակցականի գաղափարական տիպարն ուրվագծել ավելի պարզ ու մեկին, քան կարելի է տեսնել վերը բերած հոդվածների հարեւանցի ծանոթութունից, ուրիշ խոսքով՝ ես կուզեի մեկնել այդ հոդվածները, լուծել ու մանրել նրանց խտացած իմաստը:

Այսպես ուրեմն, Կանոնագիրը Հինգ պահանջ է դնում ամեն մի քաղաքացու առջեւ, որ ցանկանում է անդամ դառնալ Հ. Յ. Դաշնակցության. ա) ընդունել Դաշնակցութեան ծրագիրն ու գործելակերպը. բ) ենթարկվել կուսակցութեան կանոնագրին ու որոշումներին. գ) ամեն ջանք թափել իրականացնելու «դանոնք», այսինքն կուսակցութեան ծրագիրը, Կանոնագիրն ու որոշումները՝ կուսակցական գործելակերպով. դ) որեւէ դաշնակցական խմբի անդամ դառնալ եւ ե) դրամական տուրք հատուցանել՝ Երջանային ժողովի որոշած սակի համաձայն:

Կարելի՞ է այս Հինգ պահանջներից որեւէ մեկը կատարել եւ «դաշնակցական» համարվել. կամ կարելի՞ է նրանցից մի քանիսը ընդունել եւ «դաշնակցական» նկատվիլ: Կանոնագրի տառն ասում է «ո՛չ». նա Հինգ պահանջ է դնում եւ Հինգին եւս գոհացում պարտադրում: Իսկ ես ասում եմ. ոչ միայն Կանոնագրի տառը, այլ, մանավանդ, ողբին պահանջում է, որ այդ բոլոր պայմանները լրացվին՝ «դաշնակցական» նկատվելու համար. եւ լրացվեն ոչ թե աստիճանաբար, այսօր մեկը, վաղը մյուսը, հետեւյալ օրը մնացածը, այլ բոլորը միաժամանակ: Եթե մերձուստ քննության առնենք իրական կյանքի պայմանները եւ կուսակցականի կոչումն ու դերը, մենք կտեսնենք, որ ուրիշ կերպ կարելի չէ. որ ուրիշ «կերպերը» մեզ կտան թերի դաշնակցականներ, մեր շուրջը կհամախմբեն համակիրներ, գործակիցներ, օժանդակներ, բայց բնավ «դաշնակցականներ» բառի բուն իմաստով եւ կանոնագրական առումով:

Առնենք, օրինակ, առաջին պահանջը, որ ասում է ընդունել կուսակցության «ծրագիրն ու գործելակերպը»: Նախ՝ ի՞նչ է «ծրագիր» ասածը: «Ծրագիրը» մի քաղաքական-տնտեսական բնույթ ունեցող մտահղացում է, որ ունի իմացական հիմնավորում: «Ծրագիրը» նախ պատճառաբանում է, հետո այդ հիման վրա կառուցանում մի քաղաքական եւ տնտեսական կենցաղի ուրվագիծ, որի իրագործումը համարում է ցանկալի եւ հնարավոր: «Ծրագիրն», ուրեմն, մի ցնորք չէ կամ երազանք, այլ մի իրագործելի հնարավորություն: Նա արդյունք է որոշ մտածման եւ որոշ տենչերի: Նա ենթադրում է, թե հնարավոր է հեղաշրջել տիրող քաղաքական եւ տնտեսական կացությունը եւ տենչալի է համարում այդ հեղաշրջումը: Նա կարծում է, որ մարդկային անջատ ճիգերը կարելի է համարել եւ այդ համարել ճիգերով հեղաշրջում առաջ բերել տիրող կացության մեջ: Նա մի որոշ կարծիք ունի հանրային ուժերի բնական ընթացքի մասին, ինչպես նաեւ անհատական եւ խմբական կամեցողությունների դերի մասին: Նա կարծում է, որ հանրային կյանքի «բնական» համարված ընթացքը կարելի է շեղել եւ կազմակերպված զանգվածների գրոհի տակ՝ նոր հունով վարել. եւ այն, եւ այլն: Մի խոսքով, նա ոչ միայն որոշ պահանջների հայտագիր է, այլեւ որոշ մտածումի հայտարար:

Արդ՝ երբ Կանոնագիրը պահանջում է ընդունել «ծրագիրը» (թողնենք առժամայես «գործելակերպը»), նա պահանջում է ոչ միայն հարել որոշ քաղաքական եւ տնտեսական պահանջների, այլ եւ որոշ մտածման: Այս հանգամանքը լավապես կպարզվի, եթե այստեղ ուրվագծենք ենթադրական թեկնածուների մի քանի տիպարներ:

«Ծրագիրն ու գործելակերպն ընդունելու» պահանջի հանդեպ կարող է երկու վերաբերում լինել. մեկը կարող է ընդունել «ծրագիրը», բայց չընդունել «գործելակերպը». եւ հակառակը – ընդունել ու հավանել «գործելակերպը», բայց մերժել «ծրագիրը»:

Իսկ «ծրագիրն» ընդունելու պահանջի հանդեպ նույնպես երկու վերաբերում կարելի է ենթադրել, մեկը, որ ընդունում է «ծրագիրն» իբր կառուցում, բայց մերժում է «մտածումը», որի արդյունքն է այդ ծրագիրը. եւ մյուսը, որ համամիտ է մտածման եղանակին եւ ընթացքին, բայց մերժում է «ծրագիրն» իբր հղացում: Այս չորս տիպարի «քաղաքացիները», որ «ընդունում են» մեր Կանոնագրի առաջին պահանջը մասամբ կամ լիովին, բայց չեն ենթարկվում կանոնագրին ու որոշումներին, անդամ չեն որեւէ խմբի, կուսակցական տուրք չեն վճարում եւ ջանք չեն թափում մեր ծրագրի, կանոնագրի եւ որոշումների յուրացման համար՝ կարելի՞ է սրանց «դաշնակցական» համարել:

Ենթադրածս չորս տիպարները մտացածին չեն. սրանք գոյություն ունեն կյանքի մեջ եւ շատ անգամ իրենց «դաշնակցական» են ծախում: Նրանցից ա՛յն մեկը, որ ընդունում է «ծրագիրն» առանց որդեգրելու դաշնակցական մտածումը՝ իր քաղաքական – ընկերային տենչերով մեզ հետ է, առանց մեր մտածումն ունենալու: Նա նույն կարծիքին է հայություն ասպագա բարեկեցություն մասին, բայց նույն համոզումը չունի հանրային ուժերի զարգացման, նրանց հոսանքի շեղման, նրանց կառուցողական կարողության եւ այլ խնդիրների մասին: Նա կարող է այն հավատավոր միամիտներից մեկը լինել, որ կարծում են, թե ամեն ինչ ընթանում է ճիշտ այն ուղղությունը, որ պետք է. եւ որ հանրային ուժերի զարգացումը ինքնաբերաբար եւ բնական ընթացքով տանում է դեպի «ծրագրի» իրացումը եւ, ուրեմն, մեր «ծրագիրը» նրա համար մի

ճշմարիտ գուշակութունն է գալոց օրերի, մի նախատեսութուն այն վախճանի մասին, ուր պիտի Հանգի ընկերային ուժերի «բնական» խաղը: Մեր «ծրագրով» նա լուսաբանված է Համարում ընկերային շարժումների ներկան եւ նրանց արդյունքի ապագան եւ, ուրեմն, որեւէ կազմակերպության եւ Հավաքական ճիգի կարիքը չի տեսնում: Սա մի լավատես, երազող է: Մեր «ծրագիրը» ուրվագծում է նրա երազը միայն, առանց խթանելու նրա կամքը եւ գործի մղելու: Ամենաշատը նա կարող է Համաձայնել, որ «ծրագիրը» լայնորեն քարոզվի, որպեսզի լայն լրանգվածներ Հույսով սպասեն... Կանոնագիրը այս տիպարների «դաշնակցական» չի ճանաչում եւ իրավունք ունի: Դաշնակցութունը լավատես երազողների խմբակցութունն է, այլ Հանրային պայքարի կազմակերպություն: Նա ճիգի եւ աշխատանքի կուսակցություն է, որ կարծում է, թե Համագիր ճիգով ու աշխատանքով Հնարավոր է կյանքի կերպարանքը փոխել՝ «ծրագրի» իրացման ճամփով: Նրա Համար «ծրագիրը» մտամարզանք է, կամ մարգարեացում գալիք օրերի, այլ ցանկալի ապագայի Հորինվածք եւ պայքարի ուղեցույց: Նա չի վստահում իրերի «բնական» ընթացքին. իր վճիռն ու կամքը նա Համարում է պատմակերտ մի ազդակ, որ կարող է այդ ընթացքը փոխել:

Կամ այն մյուսը, որ Համամիտ է մեզ, բայց մերժում է մեր ծրագիրը: Սա Հավատում է անհատի դերին եւ զանգվածների կազմակերպած ուժին: Փոփոխելի է Համարում Հանրային զարգացման հունը՝ գիտակից ճիգերի ազդեցության տակ: Պատմական շարժումների Հանդիսատես չէ միայն, այլ Հետամուտ է իր դերը խաղալու այնտեղ եւ իր դրոշմը դնելու նրանց վրա՝ անձամբ կամ Համակիր ու Համամիտ ընկերների գործակցությամբ: Բայց Հայություն ապագան նա այլ կերպ է Հորինում իր մտածման մեջ եւ այլ տենչերի իրացման է ձգտում իր ճիգով: Նա մեզ նման է իբր մտածող եւ գործող, բայց ծրագրում է ուրիշ նպատակ ու գործ: Իբր տիպար նույնանում է մեզ, իբր ազդակ զարկվում է ուրիշ ուղղությամբ: Նա կարող է «դաշնակցական» Համարվել: «Ո՛չ», ասում է Կանոնագիրը, ով չէ ընդունում Դաշնակցության ծրագիրը նա «դաշնակցական» լինել չի կարող, թեկուզ եւ մտածե իբր «դաշնակցական» եւ իբր գործող տիպար նման լինի մեզ: «Ո՛չ», ասում

եմ ես. ոչ թե «դաշնակցական», այլ Հակառակորդ միայն կարող է լինել այդպիսի մեկը, որ մտքի նույն ուժով եւ մտածման նույն ուղղությամբ, կամքի նույն վճռականությամբ կոչված է Հետ մղելու ինձ իբր խոչընդոտ, երբ պայքարի ճամփին Հանդիպենք իրար. որովհետեւ մենք նույն տիպարներն ենք իբր մտային եւ բարոյական կառուցվածք, բայց գնում ենք դեպի տարբեր նպատակներ: Այն ուժերը, որ Հենարան են ինձ՝ խոչընդոտ են նրա Համար, որովհետեւ տարբեր «ծրագիրներ» Հետապնդելով, մենք տարբեր գնահատություն ենք տալիս եղած ազդակներին՝ մեր «ծրագրի» իրականացման տեսակետով: Ինչ որ կարծում եմ թե պետք է պահել իբր դրական արժեք իմ «ծրագրի» Համար, նա կարծում է, որ պետք է խորտակել իբր արգելիչ ուժ, որ խանգարում է իր «ծրագրի» իրացման: Մտածումի եւ տիպարի նույնությունն այսպիսով բավական չէ «դաշնակցական» լինելու Համար. պետք է նաեւ «ծրագրի» նույնություն: Մի «ծրագիր» «Հնարավոր» նկատել եւ «իրագործելի»՝ դեռ չի նշանակում «ցանկալի» Համարել. լինել տիպար Հանրային գործիչ, դեռ չի նշանակում Համամիտ լինել: Հակառակորդները կարող են նույնարժեք լինել իբր բարոյական եւ մտային կառուցվածքներ, բայց դրանով չեն դադարի Հակառակորդ լինելուց: Տարբեր «ծրագիրները» այդ տեսակ մարդկանց կարող են դարձնել ազնիվ եւ անողոք թշնամի, իսկ միեւնույն «ծրագիրը» - անձնվեր ընկեր:

Իսկ այն երրորդը, որ ընդունում է մեր «ծրագիրն» ամբողջովին, բայց մերժում է «գործելակերպը». այսինքն իր մտածումը նման է մերինին, ընկերային շարժումների մասին նույն կարծիքն ունի, պատմական անցյալին նույն գնահատությունն է տալիս եւ ապագայի Հանդեպ նույն տենչերն է անուցանում իր հոգում, բայց չի կարծում, որ Հնարավոր է այդ ցանկալի «ծրագիրն» իրացնել մեր ընտրած ճամփով: Որովհետեւ ի՞նչ է «գործելակերպը», եթե ոչ գործելու այն եղանակները, որ տանում են դեպի որեւէ նպատակի իրացում: Դաշնակցական թեկնածություն այս տիպարը Համամիտ է մեզ եւ Համատենչ: Նա կարող է պաշտպանել մեր տեսակետները եւ ապագայի մեր կառուցումը իբր տեսական խնդիրներ, բայց դժգոհ կմնա մեր գործի Հանդեպ: Նրա բանաձեւն է. «պետք է ձգտել

«ծրագրին», անշուշտ այդ «ծրագրին» ամենից ավելի լավ է լուծում հայուժյան կյանքի բոլոր հիմնական հարցերը, բայց այդ կարգի գործերով չէ, որ կարելի է հասնել «մեր նպատակին»: - Ուրիշ խոսքով նա ինձ հետ է, քանի դեռ գնահատում եմ ներկան եւ հորինում ապագան իբր մտահղացում, բայց թողնում է ինձ մենակ, երբ ես ծրագրեց ու խոսքից անցնում եմ գործի: Նա երազող մեկը չէ, եւ ոչ անտարբեր է հանրուժյան բախտին, բայց նա ինձ հետ չէ պայքարի ճամփին: Նա կարող է շատ օգտակար գործեր կատարել, որ նպաստավոր դառնան իմ աշխատանքին, բայց նա իմ գործը չէ, որ կատարում է: Լավագույն դեպքում նա գործնապես դեմ չէ ինձ. զուցե դեմ լիներ, եթե կարենար, համարելով իմ գործը չարիք: Բայց նա զստ է ինձանից. իմ ընկերը չէ: Նա կարող է լավ հայ լինել եւ ընկերավար մտածում ու տենչեր ունենալ, բայց կարծել, որ ընկերվար ծրագրի հասնել կարելի է ոչ հեղափոխական գործելակերպով: Նա կարող է կողմնակից լինել «Միացյալ եւ անկախ ընկերվար Հայաստանի» ստեղծումին, բայց մտածել, որ դա հնարավոր է միմիայն «դիվանագիտական» ճամփով կամ որեւէ ուրիշ եղանակով, սակայն, բնավ դաշնակցական գործելակերպով: Կարելի է այս տեսակ մեկին «դաշնակցական» համարել: Կանոնագիրն ասում է. «ո՛չ»: Նա, որ մտածում է ինձ նման, ծրագրում է ապագան ինձ պես, ընդունում է անհատի եւ գանգվածների ազդեցությունը պատմական իրադարձությունց ընթացքի վրա, բայց կուսակից է հոլովութեան գործունեության եւ հակառակ հեղաշրջական գործելակերպի, նա կարող էր զուցե լավագույն անդամներից մեկը լինել՝ Հայ Դաշնակցության, բայց բնավ անդամ Հայ Յեղափոխական Դաշնակցության: Ամենաշատը նա կարող է մեր գաղափարական համակիրների շարքում տեղ բռնել, բայց մեր բուն գործին մասնակից լինել չի կարող: Մինչդեռ Կանոնագիրը «դաշնակցական» է ճանաչում այն մարդուն, որ ոչ միայն նույն մտածումն ու ծրագիրն ունի, այլեւ նույն գործելակերպը: Դեռ չեմ ասում, որ այդքանն իսկ բավական չէ նկատում «դաշնակցական» կոչումը մեկին տալու համար. դեռ պետք է ենթարկվել Կանոնագրին ու որոշումներին, կուսակցական տուրք վճարել եւ այլն: Պետք է այսպիսով «համամիտը» տարբերել «անդամից»: Համամիտը գործակից եւ ընկեր չէ. նա պարզապես համամիտ է: Նա

քեզ հետ չէ պայքարի ծանր օրերին եւ պատասխանատվության բաժին չունի քո գործում: Նա մտածում ու ծրագրում է քեզ նման, բայց իր գործով զատ է քեզանից:

Վերջին թեկնածուն այն մեկն է, որ ընդունում է «գործելակերպը», բայց մերժում է «ծրագիրը»: «Ընդունել» ասածն երկու միտք ունի. կարելի է գործելակերպը ընդունել տեսապես, իբր մի խնդրի լուծում, եւ գործնապես՝ իբր հարկադրանք: Մշակվում է մի «ծրագիր». ենթադրվում է, որ այդ ծրագիրն իրագործելի է: Հարց է դրվում.՝ ի՞նչ ճամփով կարելի է իրացնել այս գործադրելի ծրագիրը: Մեկը կարող է այս հարցը լուծել իբր տեսական խնդիր. ուշադրության առնել հանրային գործունեության արտաքին պայմանները, ճանաչել ու գնահատել գործոն ուժերի չափն ու կշիռը եւ գալ այն եզրակացության, որ մշակած ծրագիրը կարելի է իրացնել հեղափոխական գործելակերպով: Կարող է այսպես լուծել խնդիրը եւ ... տեղը նստել: Սա նույնպես գործելակերպ «ընդունել» կոչանակե. այսինքն համամիտ լինել, որ այո՛, այս ինչ նպատակին կարելի է հասնել այս ինչ ձևի գործելակերպով: Հասկանալի է, որ Կանոնագիրն այս տեսակ «ընդունողներին» «դաշնակցական» ճանաչել չի կարող: Նա պահանջում է ոչ միայն ընդունել մեր ծրագիրն ու գործելակերպը, այլ եւ «ամեն շանք թափել իրականացնելու դանոնք»: Ուրեմն, Կանոնագիրը ոչ թե որոնում է տեսական լուծումների ընդունակ անդամներ, այլ գործնական ուղիներով աշխատող ընկերներ: Այս տիպարի թեկնածուն նման է «համամիտ» դաշնակցական թեկնածուներին այն տարբերությունով, որ նրանք «ընդունում են» «ծրագիրը», իսկ սրանք «գործելակերպը»: Բայց նրանք այն առավելությունն ունեն, որ աշխատում են նույն «ծրագրի» օգտին թեեւ տարբեր գործելակերպով, մինչդեռ սրանք միայն վկայում են մեր որդեգրած գործելակերպի ճշմարտությունը, ատանց մտահոգ լինելու ոչ «ծրագրով», ոչ նրա իրացման ճակատագրով: Սրանք «կարծիք» ունեն, առանց «գործ» ունենալու: Սրանք կարող են մեզ գնահատել, համարելով հանրային «ծրագրի» իրացման տանող շիտակ ուղիները գծողներ, առանց, սակայն, ներքուստ ապրելու մեր պայքարի տառապանքն ու վայելքը եւ առանց մասնակցելու մեր գործին ու պատասխանատվության:

Բայց կան ուրիշ տիպարներ, որ ընդունում են «գործելակերպը» ոչ իբր Հանրային գործունեություն տեսական լուծում, այլ իբր գործնական պարտադրանք. այսինքն ոչ միայն գործելու մեր կերպը համարում են շիտակ ու նպատակահարմար, այլ եւ պարտադիր իրենց համար: Այս տիպարները երկու տեսակ են. մեկն այն է, որ մեր «ծրագիրը» թեեւ չի ընդունում լիովին, բայց տենչացող է այնպիսի կարգերի, որ մեր «ծրագրի» մի մասն են կազմում: Կուզեր օրինակ, Միացյալ Հայաստան, բայց ոչ անկախ, համարելով անկախությունն անհնարին կամ անցանկալի. կամ կողմնակից է Միացյալ եւ Անկախ Հայաստանի, բայց դեմ է ընկերվար կարգերին. կամ գոհ կլինի լայն ռամկավար կարգերի՝ առանց անկախության ու միացման, եւ այլն: Միաժամանակ, «գործելակերպի» վերաբերմամբ նա մեր տեսակետն ունի, այսինքն կարծում է, որ այդ ամենին կարելի է հասնել հեղափոխական ճանապարհով: Ուրեմն, նա հեղափոխական է իր գործով եւ հետամուտ է հեղաշրջական նպատակներին, բայց դեմ է մեր ծրագրի ամբողջության: Կարո՞ղ է այսպիսի մեկը դաշնակցական համարվել: Կանոնագրի տառին նայելով պետք է ասենք՝ «ո՛չ»: Նաեւ ոգին ժխտական պատասխան է տալիս: Իսկ եթե նա կազմակերպության անդամ է, տուրք է վճարում եւ ենթարկվում է կանոնագրին. այսքանը բավ է, որ նա ճանաչվի «դաշնակցական».- «Ո՛չ», ասում է Կանոնագիրը. նա պետք է ենթարկվի նաեւ կուսակցության որոշումներին, եւ «ամեն կերպ աշխատե իրականացնել զանոնք»: Իսկ այդ որոշումները կարող են վերաբերել «ծրագրի» այն կետերին, որ ինքը չի ընդունում եւ, ուրեմն, նրանց իրացման համար «ամեն ջանք թափել» չի կարող: Ստեղծվում է մի կեղծ կացություն: Մենք ստանում ենք ոչ թե կարգապահ ընկեր, այլ անհնազանդ մի դաշնակցական: Այսպիսի մեկը կարող է ուղեկից լինել մեզ եւ գործակցել մինչեւ մի որոշ տեղ եւ մինչեւ մի որոշ ժամանակ: Նա կարող է մեզ սրտանց համակիր լինել եւ օժանդակ, քանի դեռ պայքարում ենք մեր ծրագրի իր ընդունած կետերի համար: Բայց կյանքի մեջ հաճախ են պատահում առիթներ, երբ հետապնդում ենք նույն ծրագրի ուրիշ կետերը. այն ժամանակ նա դադարում է ներքուստ մեզ հետ լինելուց: Նրա համար Դաշնակցությունը մի կազմակերպություն է, որին

մասնակցելով կարող է ծառայել իր գաղափարներին: Այսպիսով նա գտնում է իրեն կուսակցությունից եւ հարում է նրան իր գործի համար: Դաշնակցության գործերի տեսակից է կախված նրա գործակցությունը: Նա ոչ թե տան անդամ է համարում իրեն, այլ հյուր մի տեսակ: Նա ոչ թե իր անձն ու կորովը տրամադրում է Դաշնակցության, այլ օգտագործում է Դաշնակցությունը իր հանրային նպատակներին հասնելու համար: Նա շատ բանի մեջ համամիտ է մեզ, բայց ոչ մեր բոլոր որոշումները համարում է պարտադիր. եւ այնքան ժամանակ գործակից է մեզ, որքան ժամանակ համամիտ է մեզ: Շատ կլինի ասել թե նա մեր դաշնակիցն է. եւ այնքան վստահելի, որքան իր հավանած գործն ենք կատարում եւ այնքան անտարբեր, չասենք հակառակ, որքան հետամուտ ենք մեր ծրագրի իր չհավանած կետերին:

Սրանց համակրանքն ու աջակցությունը ընտրանքով է, ոչ անվերապահ: Սրանց չի կարելի վստահել կուսակցությունը. որովհետեւ նրանք զոգված չեն «ծրագրի» նույնությամբ, այլ կապված են այս կամ այն «գործով»: Այդ «գործն» իր կատարման համար կարող է տարիներ պահանջել, եւ սրանք մեզ հետ կլինեն տարիներ շարունակ ու մեր կողքին կկատարեն իրենց պարտականությունը կուսակցության հանդեպ, որ հնար ունենան նրա միջոցով ծառայելու իրենց նախընտրած եւ գերադասած խնդիրների լուծման: Այդ «գործը», սակայն կարող է մի հերթական խնդիր լինել, մի «հայ – թաթարական ընդհարում», մի եկեղեցական կալվածների գրավում, որ կարող է տեւել համեմատաբար կարճ ժամանակ: Այս կարգի տիպարներն այդ օրերին գունդազունդ մտնում են կազմակերպության մեջ. քանի որ համամիտ են կուսակցության եւ՝ գործին եւ՝ գործելակերպին: Կանոնագիրն իմաստությամբ նախատեսած է այս ամենը եւ՝ նա զլանում է «դաշնակցականի» կոչումը այս կարգի մարդկանց, որոնք ոչ թե անդամ են դաշնակցական մեծ ընտանիքի, այլ հյուրեր են նրա կոչունքին: Վերջանում է դինարբուքը, մարում են ջահերը, եւ նրանք քաշվում են իրենց տները, բոլոր թրմացքն ու մնացորդները թողնելով տան տերերին մաքրելու... Սրանք հոչակ ու փառք են ստեղծում Դաշնակցության եւ իրենց համար, բայց Դաշնակցության պահակները չեն եւ լինել չեն

կարող. որովհետեւ կուսակցութիւնը ոչ թե նրանց տունն է, այլ նրանց գործ Հայթայթողը: Նրանք «ծրագրով» չեն կապված, այլ գործելակերպով կամ «մի քանի» գործերով: Նրանք լավագույնն են համակիրներից, որովհետեւ ոչ թե խոսքով, այլ գործով են համակիր. բայց նրանք կուսակցական չեն բառի կանոնադրական առումով: Լիովին ընդունելով «գործելակերպը», նրանք մասամբ միայն ընդունում են «ծրագիրը». իսկ Կանոնագիրն ասում է. դաշնակցական կարող է լինել նա, որ ընդունում է կուսակցութեան ծրագիրն ու գործելակերպը ոչ թե ընտրանոք, այլ լիովին:

Գործելակերպն ընդունողների մյուս տիպարը շատ ուշադիր է «ծրագրին». մինչեւ իսկ բնավ մտահոգ է այն մասին թե կա՞ «ծրագիր»: Նա ընդունում է գործելակերպը ոչ թե նրա համար, որ նա տանում է դեպի մի որոշ ծրագրի գործադրութիւն, այլ որովհետեւ գործելու այդ կերպը դյուր է իր սրտին: Նրա համար «ծրագիրը» անարժեք է կամ սակավարժեք, գործն է նրան գրավում եւ գործելու եղանակը: «Դաշնակցական» գործը նա համարում է եռանդի սպառման մի միջոց, իսկ գործելու կերպը հարմար իր խառնվածքին: Նա ոչ թե հեղափոխական նպատակներ ունի, այլ հեղափոխական խառնվածք: Եթե «հեղափոխական» գործեր կատարելու համար թատերական տոմսի հետ անհրաժեշտ է, որը մեկը ծրագիր ընդունի, կանոնագրի որոշումների ենթարկվի եւ մինչեւ իսկ տուրք վճարեւ – նա պատրաստ է սիրով. բայց այդ ամենը անկարելի են նրա համար. կարելի է «գործն» էլ եւ գործելու եղանակը – մի ահաբեկում, մի արշավանք, ծպտված փախուստներ ու տիկանական հետապնդումից, ազատ կյանք լեռների վրա՝ արկածավոր եւ վտանգալից – սրանք են նրան գրավում: Այս «գործերն» անելու համար, այս կյանքն ապրելու համար արժե, որ մարդ «դաշնակցական» գրվի եւ «ծրագիր», Կանոնագիր ու որոշումներ ընդունի: Սա մի ուրույն տիպար է. մի մարդական, որ վտանգի եւ արկածի ճաշակն ունի եւ հաճույք է զգում կյանքի հետ խաղալով: Սովորաբար սրանք խիզախ ռազմիկներ են, համարձակ ահաբեկիչներ, հավատարիմ ընկերներ եւ կարգապահ զինվորներ, պատրաստակամ՝ վտանգավոր գործերի համար: Ակնածում են կուսակցական մարմիններից ու ղեկավարներից, բայց սիրում են իրենց ըն-

կերներին. իրենց մտքի մեջ նրանք են «իսկական դաշնակցականները». մյուսներն՝ ա՛յնպես... Կարելի՞ է սրանց «դաշնակցական» համարել: Լեզուս չի դառնում, որ ասեմ թէ՛ – «ո՛չ»: Բայց Կանոնագիրը ասում է համարձակ, «ո՛չ»: Եվ իրավունք ունի, եթե լավ մտածենք: Սրանք «գործ» են որոնում եւ թափանում են առանց «գործերի»: «Անգործութեան» շրջաններում նրանց թվում է, որ Դաշնակցութիւնը մեռավ. քաշվում են մի կողմ, քրթմնջում են շարունակ եւ խոսում են կուսակցական կյանքի չքացման մասին: Կամ դառնում են արկածախնդիր, ստեղծում են «գործեր», այս անգամ ոչ կուսակցական: Որովհետեւ նրանք կապված էին «գործով» եւ ոչ «ծրագրով», այսինքն ոչ իրենց մտածումով ու հեռավոր նպատակներով: Դադրում է «գործը», դադրում են եւ կուսակցական կապերը. մնում է միայն ընկերների սերն ու հիշատակը: Պետք է մի կուսակցութիւն լինի, «գործեր» ձեռնարկե, որ նրանք հանդես գան: Պետք է մեկը նպաստավոր ծրագիրներ մշակե՝ նրանց գործոն խառնվածքին կեր տալու համար: Նրանք կուսակցական չեն բառի բուն առումով, բայց կուսակցութեան լավագույն աշակիցն են ու գործակիցը: Այս կարգի տիպարները չեն որ կուսակցութիւն են ստեղծում ու պահում, բայց նրանց գործակցութեամբ է, որ կուսակցութիւնը դեր է խաղում եւ մեծանում: Սրանք «դաշնակցական» չեն հարատեւութեան տեսակետով, բայց «դաշնակցականն» իր գործի մեջ պետք է սրանց նման լինի, սրանց պես խիզախ, համարձակ, ընկերասեր, անձնվեր:

Թե նրանք, որ «ծրագիրը» մասամբ են ընդունում, բայց լիովին հարում են գործելակերպին եւ թե նրանք, որ «ծրագրին» կարելի որութիւն չեն տալիս, այլ միայն «գործելակերպն» են որդեգրում՝ որոշ տեսակետով նման են իրար՝ Դաշնակցութեան հանդեպ ունեցած վերաբերումով: Մեկն ուզում է «դաշնակցական» դառնալ, կազմակերպութեան ուժին կռթնած՝ իր հանրային նպատակներին ծառայելու համար, մյուսն ուզում է «դաշնակցական» համարվել իր հեղափոխական խառնվածքին ճարակ գտնելու համար: Ոչ մեկը եւ ոչ մյուսը «դաշնակցական» չեն դառնում կուսակցութեան «ծրագրի» համար, բայց երկուսն էլ կողմնակից են միայն «գործելակերպին եւ որոշ «գործերին»: Ոչ թե գալիս են ամեն ինչ զոհ-

լու կուսակցութեան նուստակներին, այլ ամեն ինչ առնելու իրենց նպատակների համար – մեկը՝ հանրային, մյուսը՝ ղրացական: Այն ուրիշ ինչեր է, որ թե մեկի եւ թե մյուսի «գործերից» շահում է կուսակցութունը, ծավալում է կազմակերպութունը, մեծանում է ազդեցութունը, բայց սրանք չեն եկած այդ արդյունքին հասնելու համար: Եթե գտնվի մի ուրիշ գորավոր կազմակերպութուն, որ նույն կարգի «գործեր» ձեռնարկե՝ նրանք կարող են թողնել Դաշնակցութունը եւ հարել նոր խմբակցութեան. որովհետեւ նրանց որոշ նպատակներ եւ որոշ գործեր են հետաքրքրում եւ որոշ գործելակերպ. եւ ոչ թե կուսակցութեան «ծրագիրն» ամբողջովին կամ կուսակցութեան դերը մեր կյանքում: Նրանք կարող են լինել եռանդուն եւ անձնվեր գործիչներ, կազմակերպութեան կարգապահ անդամներ, հռչակ վաստակել անձամբ եւ փառք բերել կուսակցութեան, բայց մինչեւ այն ժամանակ քանի դեռ մեզ հետ են. քանի դեռ մենք իրենց հավանած նպատակներին ենք հետամուտ եւ իրենց նախասիրած «գործերն» ենք անում: Բայց երբ հետապնդվում են նպատակներ, որ ծրագրային են, բայց իրենցը չեն, կամ կատարվում են «գործեր, որ անհրաժեշտ են, բայց դյուր չեն իրենց խառնվածքին» վերաբերումը փոխվում է. որովհետեւ նրանց համար «ծրագիրն» իր ամբողջությամբ եւ «գործերն» իրենց բոլոր տեսակներով պարտադիր չեն: Ինչպես տեսնում եք. չկա «դաշնակցական» առանց ամբողջական «ծրագրի». կան եւ կարող են լինել Դաշնակցութեան աջակիցներ:

Իսկ նրանք, որ «ծրագիր» են ընդունում առանց «գործելակերպի», կամ «գործելակերպ» են ընդունում առանց պարտադրանքի – նրանք նույնպես որոշ տեսակետով նման են իրար: Նրանք տեսական համակրանք ունեն, առանց գործնական աջակցութեան: Նրանց գոհացում է մեր «ծրագիրը» իբր որոշ տենչերի ձեւակերպութուն եւ մեր «գործելակերպը» իբր որոշ նպատակների հասցնող, բայց իրանք են որ չեն գոհացնում մեր Կանոնագրի պահանջները: Որովհետեւ կուսակցութունը տեսական մտածումի մարգավայր չէ, այլ հանրային գործերի աշխատանոց. «ծրագիրն» ու «գործելակերպը» մտային վայելքի առարկաներ չեն՝ իբր հորինվածք ու խնդրի լուծում, այլ գործնական կյանքի պարտադրանք

են՝ իբր նպատակ եւ վարժունքի կանոն: Բավական չէ մտովին համարիտ լինել «ծրագրին» ու «գործելակերպին», որ մարդ համարվի «դաշնակցական». պետք է նաեւ գործնապես աշխատել այդ «ծրագրի» իրացման համար, եւ «դաշնակցական գործելակերպով»: Ինչպես տեսնում եք, չկա «դաշնակցական» միմիայն «ծրագրով» ու տեսական «գործելակերպով». կան եւ կարող են լինել Դաշնակցութեան ծրագրին ու գործելակերպին համակիր մարդիկ:

Այսպես՝ քննելով դաշնակցական թեկնածուների այլազան տիպարներ, որ ընդունում են մեր Կանոնագրի առաջին պահանջը – «ծրագիրն ու գործելակերպը», մենք տեսնում ենք, որ միմիայն մի պահանջին գոհացում տալով որեւէ քաղաքացի «դաշնակցական» դառնալ չի կարող: «Գործը» պետք է, որոշ «ծրագրի» հասնելու համար. «ծրագիրը» պետք է գործերին իմաստ տալու համար: «Գործեր» կատարել, առանց «ծրագրի» հետապնդելու եւ «ծրագրի» դավանել, առանց «գործերով» իրացնելու՝ երկուսն եւս «դաշնակցական» վերաբերում չէ կյանքին: Հեղափոխական նպատակներ ունենալ առանց հեղափոխական գործելակերպի. կամ դաշնակցական գործելակերպ որդեգրել առանց դաշնակցական ծրագրի՝ նույնպես «դաշնակցական» վերաբերում չեն կյանքին: Նա որ կամենում է դաշնակցական լինել՝ անխուսափորեն պետք է դաշնակցական ծրագիր եւ գործելակերպ որդեգրե՝ անվերապահ եւ լիովին: Ու պետք է նաեւ, որ դաշնակցական մտայնութուն ունենա, քանի որ՝ թեեւ տարամիտ մարդիկ կարող են միատեսակ նպատակներ ու գործ ունենալ, բայց ոչ միշտ նույն նպատակներն ու միշտ նույն գործը: Նրանք կարող են մինչեւ մի որոշ տեղ եւ մինչեւ որոշ ժամանակ իրար հետ զնալ, բայց այնուհետեւ անխուսափորեն պիտի շեղեն իրենց ուղին, քանի որ նրանց առաջնորդում է ո՛չ նույն մտածումը: Մի քանի գործեր միայն բերում են նրանց իրար մոտ: Եթե կուսակցութեան մեջ գորավոր տարր չկազմեն այն անդամները, որ կապված են իրար միեւնույն «ծրագրով» եւ որդեգրած են միեւնույն «գործելակերպը» – որ ասել է թե նույն մտայնութունն ունին – Դաշնակցութունը կդառնա տարբեր դավանանք ունեցող մարդկանց մի խմբակցութուն, որ չունենալով գործունեութեան միեւնույն տենչերը՝ շուտով կշեղի իր ճամփան եւ դյուրավ կերթա

դեպի քայքայում: Այստեղ օգնել չի կարող մինչև իսկ այն պարագան, եթե բոլոր տարամիտ անդամները ենթարկվեն կուսակցության միեւնույն կանոնադրին ու որոշումներին: Որովհետեւ Դաշնակցության կանոնադրին ու որոշումներին ենթարկվել՝ դեռ չի նշանակում «դաշնակցական» լինել: Կանոնադիր ու որոշում արդյունք են մի որոշ մտայնության: Կանոնադիրը կազմվում է որոշ «ծրագիր» հետապնդելու համար եւ որոշումներ կայացվում են նույն նպատակով: Բավական չէ դաշնակցական Կանոնագրի ենթարկվիլ եւ դաշնակցական որոշումներ իրագործել, պետք է կարողանալ դաշնակցական Կանոնագիր մշակել եւ դաշնակցական որոշումներ կայացնել, իսկ սրա համար պետք է դաշնակցական մտայնություն ունենալ եւ Դաշնակցության «ծրագիրն» ընդունել: Որ կողմ եւ դառնանք, մենք տեսնում ենք, որ «դաշնակցական» կոչվելու համար նախ անհրաժեշտ է ընդունել Դաշնակցության ծրագիրն ու գործելակերպը՝ անվերապահ եւ լիովին:

Ընդունենք հիմա, որ մեր թեկնածուն լիովին համամիտ է մեզ ու անվերապահ ընդունում է Դաշնակցության ծրագիրն ու գործելակերպը: Տեսանք, որ այսքանը բավական չէ «դաշնակցական» կոչվելու համար: Պետք է գոհացում տալ եւ մյուս պահանջին, որ ասում է. «ենթարկվիլ Կանոնագրին եւ որոշումներուն»: Ուրեմն, ոչ թե «ընդունել» տեսաբար, այլ ենթարկվիլ գործնապես. որովհետեւ Դաշնակցությունը գործի կազմակերպություն է. մի գործ, որ կատարվում է միասնական աշխատանքով. այսինքն՝ զատ-զատ ճիգերի համագործակցամբ եւ մի որոշ ուղղությամբ՝ մի որոշ նպատակի հասնելու համար: Արդ՝ ճիգերի այդ համադրությունը ենթադրում է կախումներ մարմինների եւ սոսկական անդամների միջեւ - թե՛ իրար հանդեպ եւ թե՛ իրար մեջ - ընկեր ընկերի եւ մարմին մարմնի հետ եւ ընկեր ու մարմին իրար հետ: Այդ կախումները բարոյական հանձնառություններ են, որ իրավական ուժ են ստանում գործի ընթացքին: Մյուս կողմից «գործերը» կատարվում են իրավասու մարմինների վճռով եւ ընկերների ձեռքով: Մարմինների որոշումները պարտադիր են ենթակա ընկերների համար: Չի կարող գոյություն պահել մի կազմակերպություն, ուր ամեն ոք ինքն է որոշում իր անելիքն ու իր կախումը: Սա կլինեք

անիշխանություն եւ անկարգություն. ամբոխ եւ ոչ թե կազմակերպություն. եւ այդ իսկ պատճառով ենթակա ամեն տեսակ քայքայման եւ անատակ որեւէ նպատակ հետապնդելու: Ընդունել ծրագիր ու գործելակերպ, բայց գործել ու որոշել անջատորեն իբր «ազատ» քաղաքացի, իբր «անկախ» միավոր - սա անարժեք է կուսակցական տեսակետից: Եվ «դաշնակցական» համարվել չի կարող մեկը, որ այս ըմբռնումն ունի հանրային գործերի մասին: Սրանք անձնապաստան մեծամիտներ են, որ հավակնություն ունին կուսակցական «ամբոխն» իրենց հետեւից քաշելու, կամ պատահական ուղեկիցներ են, որ խառնվում են գործակատար «ամբոխին»: Լավագույն դեպքում սրանք առժամյա գործակիցներ են, ինչպես անցորդը, որ օգնում է կառքը շրջած կառապանին: Բայց կառապանն իր ճամփան ունի եւ իր նպատակը, անցորդն՝ իր ճամփան: Այս տեսակ անկազմակերպ ուժերը, որքան եւ համակիր ու համամիտ լինեն մեզ, անարժեք են կուսակցական տեսակետով, եթե մինչև իսկ հազարների հասնեն: Դրանք չեն կարող կուսակցության հենարան լինել, քանի որ կապված չեն իրար կանոնադրապես եւ ենթակա չեն միեւնույն որոշումներին: Ինքնաբավ անհատներ են, ազատ ու անկախ, եւ այդ իսկ պատճառով իրարամերժ: Նրանք գերադասում են իրենց կարծիքը ընկերների որոշումներից եւ իրենց կամքը՝ որոշումների պարտադրանքից: Հնազանդիլը նրանց թվում է «ստրկություն» եւ կարգապահությունը՝ «տափակություն»: Ճկում են գլուխը գերազանց անհատական ուժի առջեւ, ծառանում են հավասարի դեմ՝ ստեղծելով կազ ու կռիվ, եւ բռնանում են թուլյլերի վրա եւ իրենց քմայքը օրենք հռչակում: Սրանք ըմբոստ անդամներն են կազմակերպության, եթե մտած են արդեն շարքերը եւ անխուսափելի տարերքն են մասնակի մարմինների քայքայման եւ ընդհանուր կուսակցության պառակտման: Եվ Կանոնագիրն իրավամբ պահանջում է - դեռեւս Դաշնակցության շեմը չկոխած - որ թեկնածուն հանձնառու լինի ենթարկվելու կուսակցության «Կանոնագրին եւ որոշումներուն». այսինքն՝ պատրաստ լինի հրաժարվելու իր «կարծիքից» ու «կամքից» ընկերների մշակած կարծիքն ու կամքը որդեգրելու համար. մեկը տարածելու եւ մյուսը՝ գործադրելու: Այլապես նա հրաժարվում է «դաշնակցական» կոչումը

տալ այդպիսի մեկին, թեկուզ եւ նա ընդունի մեր ծրագիրն ու գործելակերպը լիովին եւ նույն մտայնությունն ունենա ինչ որ մենք:

Սրանով, սակայն չի վերջանում Կանոնագրի պահանջը մեր թեկնածուներից: Բավական չէ նույն ծրագիրն ու գործելակերպն ունենալ եւ նույն Կանոնագրին ու որոշումներին ենթարկվել: Կանոնագիրը պահանջում է նաեւ «ամեն ջանք թափել իրականացնելու գանձնք»: Սա մի հիմնական պահանջ է: Կանոնագիրը գործոն անդամին է շնորհում «դաշնակցական» կոչումը եւ ոչ կրավորական ենթակային: Նա հնազանդություն է պահանջում Կանոնագրին եւ որոշումներին ոչ թե անդամների կորովը մեռցնելու համար, այլ նրանց աշխատանքը ընդհանուրի որոշած հունով վարելու համար: Որովհետեւ Դաշնակցությունը ոչ թե կրավոր անձերի խմբակցություն է՝ ենթակա գորավոր անհատների կամեցողության, այլ գործոն անդամների կազմակերպություն է՝ Կանոնագիր եւ որոշումներ «ընդունող»: Դաշնակցականը ոչ թե հլու հնազանդ է Կանոնագրի եւ որոշումների, այլ նա «ընդունում» է Կանոնագիր ու որոշում. այսինքն հնազանդում է գիտակցաբար եւ դարձնում է նրանց իր ներքին խթանը, որով իր «հնազանդությունը» դառնում է «Համատնություն» եւ իր գործը «անձնական», «սեփական» կամքի գործադրություն: Նա դառնում է «համակամ» իր ընկերներին եւ ոչ թե «հնազանդ» սրան կամ նրան: Նա կատարում է որոշումները, որովհետեւ համոզումով հարում է նրանց ու հնազանդում է Կանոնագրին, որովհետեւ «համարում է» անհրաժեշտ: Այս պատճառով նրա հնազանդությունը ստրկամտություն է, այլ ինքնուտի պարտադրանք: Նա գիտակցաբար լուծ է դնում իր վզին, հանրային գործի սայլը քաշելու համար. եւ պիտի քաշե «ամեն ջանք թափելով», այլպես «դաշնակցական» կոչվելու արժանի չէ: Այդպես է հրամայում Կանոնագիրը եւ այդ հանձնառություն հիման վրա նա թեկնածուին «դաշնակցական» անունն է տալիս:

Ավելորդ է խոսել այն տիպարների մասին, որ Կանոնագիր ու որոշումներ «ընդունում են» միայն տեսապես, առանց գործնական հարկադրանքի. որ այդ ամենը լավ են համարում եւ նպատակահարմար իբր գործնական խնդիրների տեսական լուծումներ, բայց ոչ

պարտադիր իրենց համար: Սրանք չեն կարող «դաշնակցական» նկատվիլ, որովհետեւ ընդունել Մրագիր, Կանոնագիր ու որոշումներ եւ ջանք չթափել նրանց իրացման համար, դա մի մտամարզանք կլիներ, ոչինչ ավելի: Այս կարգի անդամներով կուսակցությունը կդառնար բարյացակամ երազողների մի խմբակցություն եւ ոչ թե քաղաքական մի ազգակ: Դա կլիներ դաշնակցական անպտուղ մի մտայնություն եւ ապարդյուն կազմակերպություն: Որովհետեւ Մրագիր, Կանոնագիր, որոշումներ – այս ամենը գործով են կենդանի եւ այնքան արժեք ունին, որքան գործի վարիչ ուժեր են: Թողթի վրա նրանք սակավարժեք են, ավելի շուտ՝ անարժեք: Նրանք կարող են բնորոշել մի որոշ ժամանակի մտայնությունը, ցուցադրել այդ շրջանի գաղափարներն ու տենչերը. բայց առանց գործ դառնալու՝ նրանք երազանքից տարբեր չեն: Որովհետեւ գործերն են կազմում պատմության բովանդակությունը եւ գործերով են հեղաշրջումներ կատարվում, թեեւ ամեն գործի նախորդում է մի ծրագիր ու մի որոշում եւ ամեն համադրական ճիշդ կատարվում է մի դրավոր կամ անգիր կանոնագրի համաձայն: Մինչեւ իսկ գաղափարները հեղաշրջելու համար պետք է որոշ գործ կատարվի, ուր մնաց գաղափարներն իրացնելու համար: Կուսակցությունը ծրագրում ու որոշում է՝ կենսական փաստեր ստեղծելու համար: Անշուշտ, ծրագիր ու որոշում նույնպես «փաստեր» են, բայց մտավորական պատմության փաստեր եւ ոչ թե քաղաքական եւ ընկերային պատմության: Կուսակցությունը, սակայն քաղաքական եւ ընկերային գաղափարներ հղացող ու հեղաշրջող կազմակերպություն է միայն, այլ, մասնավոր, քաղաքական եւ ընկերային կացություններ հեղաշրջող կազմակերպություն է, իսկ այդ պատմական աշխատանքը միմիայն գործով, քաղաքական եւ ընկերային ակտերով հնարավոր է կատարել: Այսպիսով բավական չէ ընդունել Մրագիր, Կանոնագիր ու որոշումներ «դաշնակցական» դառնալու համար, պետք է, մասնավոր, «ամեն ջանք թափել իրականացնելու գանձնք»: Նա որ «ընդունում է» առանց գործադրելու՝ դաշնակցական լինել չի կարող. իսկ եթե սպրդում է կուսակցության մեջ՝ թիրի դաշնակցական է: Ոչ միայն «ընդունել» այլեւ «ամեն ջանք թափել» իրացման համար – այս է Կանոնագրի պահանջը:

Ունենալ նույն մտայնությունն ու ծրագրերը, ենթարկվել նույն կանոնադրին ու որոշումներին եւ ամեն կերպ աշխատել նրանց իրացման համար արդեն բավական է, որ մարդ համարվի «դաշնակցական»: Բայց Կանոնագիրը երկրորդ հոդվածով դնում է լրացուցիչ երկու պահանջներ. նրանք եւս պետք է գոհացվին լրիվ դաշնակցական կոչվելու համար: Առաջինն ասում է, որ «յուրաքանչյուր դաշնակցական» (նկատեք, որ Կանոնագիրը երեք հիմնական պահանջներին գոհացում տվողին արդեն անվանում է «դաշնակցական») պարտավոր է անդամակցել որեւէ դաշնակցական խմբի: Հանձն առնելով «ենթարկվի» կանոնադրին եւ որոշումներին՝ դրանով իսկ թեկնածուն պարտադրաբար պետք է կատարե եւ այս պահանջը, քանի որ սա Կանոնագրի հոդված է եւ հետեւաբար՝ կուսակցական որոշում: Բայց այս պահանջը պետք է գոհացվի ո՛չ ձեւական պատճառով միայն: Այս պահանջին անհրաժեշտ է գոհացում տալ, որովհետեւ Դաշնակցությունը համամիտ մարդկանց մի պատահական խմբակցություն է, այլ մի կազմակերպություն է. այսինքն մի մնայուն մարմին է, որ ամեն օր եւ ամեն ժամ իր գործն ունի եւ հետապնդում է իր ծրագրերը: Նա չի գործում պոթիվումներով եւ ընդհատ, այլ հետեւորեն ու շարունակ: Իր անդամները չեն հավաքվում երբեմն, որոշ գործի համար, իրար հետ խորհրդակցում, որոշում կայացնում գործի ձեռնարկում, հաջողում կամ ձախողում եւ ապա ցրվում մի ուրիշ անգամ, ուրիշ տեղ, ուրիշ առիթով նորից հավաքվելու եւ ուրիշ գործ կատարելու համար, այլ նրանք կապված են իրար որոշ կանոնագրով եւ հետապնդում են որոշ ծրագրի՝ շարունակ եւ հետեւորեն: Դաշնակցականը մեկուսի ասպետ չէ պայքարի դաշտում, այլ ասպետական մի կարգի անդամ: Կանոնագիրը չի ճանաչում մեկուսի անհատներ, իրարից անկախ աշխատավորներ, որ մի օր միացած են ու գործակից, մյուս օրը բաժան եւ անձնընթաց: Նրանց աշխատանքը կազմակերպված է, ճիգերը համադրված են, պարտականությունները ճշտված են, իրավունքները որոշված են եւ ոչ թե մի օրվան ու մի գործի համար, այլ մի ծրագրի եւ ամեն օրվան համար: Դաշնակցականն անդամ է

մի «կուսակցություն», այսինքն զինվոր է մի քաղաքական բանակի: Այս պատճառով Կանոնագիրը պահանջում է, որ ամեն մի դաշնակցական որեւէ խմբի անդամ լինի, անկախ իր դիրքից կուսակցության մեջ: Նա պահանջում է, որ ամեն անդամ կազմակերպորեն կապված լինի իր ընկերների հետ եւ ոչ թե մնա մեկուսի, որքան եւ չքեղ լինի այդ մեկուսացումը: Կուսակցություն անդամները «ընկեր» են իրար ոչ միայն այն պատճառով, որ նույն Ծրագրին ու Կանոնագրին ունին, այլ որ նույն կազմակերպություն անդամ են՝ որեւէ խմբի միջոցով: Նույն ծրագրին ունենալ – նշանակում է համամիտ լինել եւ համախոհ. նույն կանոնագրին ու որոշումներին ենթարկվել – նշանակում է նույն իրավունքն ու պարտականությունն ունենալ. բայց նույն խմբին անդամակցիլ ու դրանով միեւնույն գործին սպասարկել – նշանակում է «ընկեր» լինել եւ նույն կազմակերպության իսկական անդամ: Կազմակերպության մեջ խմբից դուրս չկան ուրիշ «ընկեր» անող կազմություններ. մնացածները «մարմիններ» են գործեր վարելու համար եւ «ժողովներ»՝ որոշումներ հանելու համար: Խմբի անդամ լինելով է, որ մեկը դառնում է Դաշնակցության անդամ եւ «դաշնակցական»: Մարմնի անդամ լինելը առժամյա հանգամանք է. այսօր դո՛ւն ես վարիչը գործերի, վաղը կարող եմ ե՛ս լինել: Սա ոչ թե կոչման, այլ կարողություն խնդիր է: «Դաշնակցական» կոչվելու համար հարկ չկա որ մեկը դաշնակցական մարմնի անդամ լինի, մինչդեռ անկարելի է իսկական դաշնակցական նկատել մեկին, որ խմբին անդամ չէ: Ինչպես հանրային առաքինությունները նախ ծլում ու զորանում են ընտանիքի մեջ, հետագային փարթամորեն աճելու համար հանրային կյանքի լայն դաշտում, այնպես էլ կուսակցական առաքինությունները ծլում ու զորանում են խմբերի օրրանում, հետագային աճելու համար գործի լայն ասպարեզում: Կուսակցության հիմունքը խմբերն են կազմում եւ նրա զորության գրավականը այն բարոյական շաղախն է, որով խմբի անդամները սերտորեն կապվում են իրար: Խմբերի շնորհիվ է, որ կուսակցությունը մնացած է եւ մնում է անխորտակելի, հակառակ ահավոր փրճուկությանց: Կայծակը կարող է զարկել հաստաբուն կաղնուս եւ խորտակել նրա կատարը կամ այս ու այն բազուկը, բայց նվազ կարող է ազդել նրա

արմատներին, որ թաղված են հողի տակ: Նրանք են, որ կենսատու հյուսված դարձնում են անսպառ եւ համեստ ու հարատեւ աշխատանքով դարմանում են փոթորկի ավերը: Ահա թե ինչու Կանոնագիրը իմաստորեն պահանջ է դնում, որ «դաշնակցականը» որեւէ խմբի անդամ լինի եւ դրանով մաս կազմե հանուր կազմակերպության: Կանոնագրի տառն ու ոգին իսկական «դաշնակցական» չեն համարում այն մարդուն, որ դաշնակցական դավանանք ու գործելակերպ որդեգրելով՝ անդամ չի դառնում որեւէ խմբի եւ մնում է մեկուսի: Խմբից դուրս անդամը կարող է անհատապես մեծարժեք լինել ու երբեմն մեծ ծառայություն մատուցանել կուսակցության, բայց որեւէ խմբին չանդամակցելով՝ նա անհաղորդ է մնում սոսկական ընկերների առօրեական չար ու բարուն, որ կուսակցության ամենօրյա կյանքն է ու շնչառության տուր եւ առը, եւ դրանով մի տեսակ ուժացման է գնում՝ հանդիսավոր կամ վճռական օրերին միայն հրապարակ իջնելով: Խումբը կենդանի բջիջն է կենդանի կազմակերպության՝ նրան անդամակցել նշանակում է կուսակցության կենդանության մասնակցել, նրա կայունությունը զարկ տալ, նրա հյուսվածքները թարմ եւ առողջ պահել եւ դրանով ընդունակ՝ իր հանրային դերը խաղալու: Խմբերի մեջ է, որ անդամները «ընկեր» են դառնում եւ «ընկերների» միջավայրն է, որ հերոս ու նահատակ է սնուցանում:

* * *

Կանոնագիրը դնում է իր վերջին պահանջը - «կուսակցական տուրք վճարել Երջանային ժողովի որոշած սակի համաձայն»: Ինչպես որեւէ խմբի անդամակցելը, այնպես եւ այս պահանջը տուրքի վճարման, մի ստորագրա պահանջ է առաջին երեքի համեմատությամբ եւ բխում է երկրորդ հիմնական պահանջից, որ ասում է թե պետք է ենթարկվիլ Կանոնագրին եւ որոշումներին, ինչպես եւ չորրորդ պահանջից՝ «ամեն ջանք թափելու» մասին:

Կանոնագիրը որեւէ շրջանի գերագույն ժողով ճանաչում է այդ վայրի Երջանային ժողովը: Նրա որոշումները պարտադիր են շրջանի բոլոր ընկերների համար: «Դաշնակցականը» պարտավոր է

ենթարկվել իրավասու ժողովների որոշումներին: Այդ որոշումները վերաբերում են նաեւ սակին, որի համեմատ պետք է կուսակցական տուրք վճարել: Հետեւապես սակի մասին եղած որոշումները նույնպես պարտադիր են «դաշնակցական» մարդու համար: Եվ, ուրեմն, կուսակցական տուրք հատուցանել՝ նշանակում է դաշնակցական պարտականություն կատարել: Բայց տուրքի պահանջը, այս ձեւական կողմից չէ, որ արժանի է ուշադրության: Կանոնագիրը «ամեն ջանք թափել» պարտադրելով, կարող էր եւ տուրքի հատուցումը «ամեն ջանք»ի մեջ հասկանալ, բայց նա այդ մեկ «ջանքը» զատել է եւ կանոնագրական հատուկ կետի նյութ է դարձրել, հետեւապես հարկ է համարել հատուկ հիշատակելու:

Կանոնագիրն իրավունք ունի այս մասնավոր պահանջը առանձնապես շեշտելու, որովհետեւ տուրքի հատուցումը նյութականից ավելի բարոյական մեծ կշիռ ունի: Ոչ մեկ հանրային գործ կարելի է կազմակերպել ու վարել առանց նյութական միջոցների, իսկ մի լայն ու տեւական ազատարար շարժում՝ առավել եւս: Այսպես է նաեւ կուսակցությունն ու իր գործը: Դաշնակցության նպատակները համազգային են եւ համամարդկային: Ոչ ամենքը գիտակից են մեր կուսակցության բնույթին ու դերին: Դաշնակցականը, սակայն, պարտավոր է գիտենալ իր կուսակցության արժեքն ու դերը մեր եւ մարդկային կյանքում: Մենք կարող ենք ակնկալել, որ «ազգը» երբեւիցե կհասնի այն գիտակցության թե Դաշնակցությունը պատմական ազդակ է Հայոց կյանքի մեջ եւ իր գիտակցության չափով՝ նյութապես կնպաստե նրա գոյության ու գործին. բայց մենք ոչ մեկ պահանջ կարող ենք ուղղել «ազգին», որքան եւ նա տիրադոսավոր եւ դրամատեր տարրեր ունենա: Դաշնակցականը, սակայն, որ գիտակից է իր կուսակցության արժեքին ու դերին մեր կյանքի մեջ, պարտավոր է այդ գիտակցության համեմատ նյութապես նեցուկ դառնալ իր կուսակցության: Այդ «գիտակցությունը», սակայն, անհատական չէ, այլ խմբական, ժողովական: Ոչ մեկ սահման կա նյութական զոհողության առջեւ դեպի վեր, բայց դեպի վար սահմանը գծում է Երջանային ժողովը: Նա որոշում է «նվազագույնը», որ պարտադիր է «դաշնակցական» մարդու համար եւ թողնում է «առավելագույնը» ամեն մի «դաշնակցականի» գիտակ-

ցության չափին: Այսպիսով նյութական գոհաբերության քանակը մի տեսակ չափանիշ է դառնում կուսակցական գիտակցության. ո՛չ միակ չափանիշը, բայց նիշերից մեկը եւ ամենից տարրականը: Այսպիսով Երջանային եւ Ընդհանուր Ժողովների սահմանած սակերը հայտարար են ընկերների եւ շրջանների «դաշնակցական» գիտակցության աստիճանին, իսկ «ազգի» բերած կողմնակի «օժանդակությունը» հայտարար է նույն «ազգի» գիտակցության ու գնահատանքին՝ Դաշնակցության դերի եւ նրա կատարած գործի արժեքի մասին. ո՛չ թե բացարձակ առումով՝ իբր պատմական դեր ու գործ, այլ «ազգի» գիտակցության չափով:

Կուսակցական տուրքը նվազագույն պարտականությունն է, որ մի «դաշնակցական» պետք է կատարե իր կուսակցության հանդեպ: «Ամեն ջանք թափելու» հանձնառությամբ կուսակցության անդամակցողը ամենից առաջ «ջանքերի» այս նվազագույնը պարտավոր է կատարել: «Ամեն ջանք թափելու» գաղափարի մեջ շատ ավելի ծանրկշիռ պարտականություններ են մտնում քան կուսակցական տուրքի հատուցումը. անտեսումն ընտանեկան եւ անձնական բարօրության, արհամարհանք դիրքի եւ ազդեցության, ժխտում ամեն բարեկեցության եւ ապահով կենցաղի, վերջապես գերագույնը – մահ՝ բոլորը մտնում են «ամեն ջանքի» մեջ: Սրանց համեմատությամբ կուսակցական տուրքը իրոք որ մի տարրական պարտականություն է: Սա առաջին դասն է նվիրումի, առաջին ցույցը համոզումի անկեղծության: Նա որ տուրքը տալիս է սրտանց՝ կարող է հետագային իր աշխատանքն ու ժամանակը գոհաբերել եւ այդ ճամփին առաջանալով՝ հասնել մինչեւ կյանքի գոհաբերության: Բայց նա, որ թերանում է այս տարրական պարտականության մեջ, հուսալի չէ, որ չթերանա երբ կուսակցությունը նրանից ավելին պահանջի քան տուրքի հատուցումն է: Ուստի Կանոնադիրը «ամեն ջանքերից» տարրականը – տուրքի հատուցումը – զատում ու դնում է իբր փորձաքար «դաշնակցական» մարդու որակը ճանաչելու: Նա, որ կատարում է Կանոնագրի մյուս պահանջները եւ թերանում է այս մեկի մեջ, նա չի կարող իրավամբ «դաշնակցական» նկատվել եւ դժվար է ընդունել, որ նա մյուս պահանջների հանդեպ նվազ թերացող լինի, քան այս մեկի դեմ:

Ավելի եւս «դաշնակցական» համարվել չի կարող այն մարդը, որ ինքն իր կամքով դրամական տուրք է սահմանում եւ պարբերաբար ու անթերի հատուցանում է կազմակերպության, առանց նրա մյուս պահանջները գոհացնելու: Որքան եւ մեծ լինի նրա տվածն իբր գումար նա համակրանքի նվեր է միայն, բայց ոչ կուսակցական տուրք: Նա մի «համակիր է», ոչ դաշնակցական: «Դաշնակցական» ասածը ուրույն տիպար է, որ ունի մտածման հատուկ եղանակ, ապագայի մասին հատուկ ծրագիր, գործի եւ վարմունքի հատուկ կերպեր, անդամ է որոշ կազմակերպության՝ խմբի միջոցով, ննթսկա է որոշ կանոնագրի եւ հետամուտ ժողովական որոշումների իրագործման՝ իր անձնական մասնակցությամբ եւ բազմատեսակ գոհողությանց զնով, ուր դրամական տուրքը հետին տեղն է գրավում: Չկա «դաշնակցական» առանց տուրքի, բայց եւ չկա միմիայն տուրքով:

Ինչպես տեսնում եք, ընդունել ծրագիրն առանց մտայնության՝ նշանակում է տարամիտ լինել. ընդունել մտայնությունն առանց ծրագրի – նշանակում է հակամիտ լինել. ընդունել ծրագիր ու մտայնությունն առանց գործելակերպի – նշանակում է միմիայն հակամիտ լինել. ընդունել գործելակերպն առանց ծրագրի նշանակում է արկածասեր լինել. ընդունել ծրագիր ու գործելակերպ, առանց Կանոնագրի ու որոշումների պարտադիր համարելու՝ նշանակում է ուղեկից լինել եւ ոչ տեւաբար լծակից: Ծրագիր, գործելակերպ ու Կանոնագիր ընդունել առանց խմբի անդամ լինելու նշանակում է մեկուսանալ եւ ուժացման գնալ. կուսակցական տուրք չվճարել եւ կազմակերպության անդամ նկատվիլ – նշանակում է տարրական պարտականություն չկատարել, եւ ասպետական կարգի անդամ կարծել իրեն: Եվ միայն նա, որ Կանոնագրի բոլոր պահանջներին հանձնառու է գոհացում տալ անվերապահ ու լիովին՝ նա միայն իսկապես «դաշնակցական» է Կանոնագրի ողուն ու ստովին համաձայն:

Այսպիսով Կանոնագիրն իր չոր ու ցամաք երկու հոգվածով ուրվագծում է «դաշնակցական» մարդու գաղափարական տիպարը: Կարող եմ ասել, թե նա դժուար է իսկական կուսակցական մարդու տիպարը՝ անկախ կուսակցության բնույթից: Տասնամյակների հա-

րուստ փորձ է խտացած այդ երկու հողվածների մեջ: Նրանք նախորոշած են բոլոր գալիք փորձությունները եւ Հավասարակշռած են բոլոր Հնարավոր Հավակնությունները: Մտավորականին, որ ապաստանած է իր տեսական իմացություն ուժին՝ Կանոնագիրը պարտադրում է հեռու մնալ մեկուսացումից, մտնել որեւէ խմբի մեջ իբր Համեստ ու պարզ անդամ: Կանոնագիր, որոշում ու տուրք պարտադիր Համարել նաեւ ի՛ր Համար եւ «ընկերների» մշտական շփումով՝ կենդանի պահել դաշնակցական ոգին ու բարքն իր մեջ: այլապես զլանում է նրան «դաշնակցական» կոչումը: Գործնական ուժերին պարտադրում է չապաստանել միմիայն գործին եւ դրանով արտոնված Համարել իրենց՝ մյուս պահանջներն անտեսելու: «Գործն» այնքան արժեք ունի, որքան ծառայում է մի նպատակի: «Գործն» իր իմաստը ծրագրից է ստանում: «Գործը» մի մարզանք է, ոչինչ ավելի, եթե չի հետապնդում մի որոշ Հանրային գաղափար: Գուցե ինքն է բուն իսկ վարիչն այդ գործի. գուցե հերոսը. բայց դա նրան մեկուսացման իրավունք չի տալիս: Կազմակերպությունն այն պատվանդանն է, ուր նա արձանանում է իբր հերոս ու վարիչ: Կուսակցության գոյությունն անհրաժեշտ պայման է իր հերոսության, նրա Կանոնագիրը՝ իր գործավարության եւ կուսակցությունն է, որ ստեղծում է վարիչ ու հերոս եւ ոչ հերոսն ու վարիչը՝ կուսակցություն: Ճիշտ է իր փառքը ճառագայթում է հեռուն ու նաեւ կուսակցության վրա, բայց կուսակցության բորբոք հնոցի մեջ է շիկանում փառքի մետաղը, ճառագայթելու Համար հերոսի վրա եւ հեռունները: Կանոնագիրը սանձահարում է եւ այն մարդկանց, որ կարծում են թե այնքան ավելի երախտիք ունին կազմակերպության վրա, որքան ավելի նյութական մեծ գոհողություն են արած: Նրանց հիշեցնում է, որ Համեստ խմբերի պարզ անդամները, որ տեւական տուրքերով եւ աշխատանքով կանգուն են պահում կազմակերպությունը՝ նվազ երախտավոր չեն քան ինքը, որ դրամ է վճարում, առանց մյուս հանձնառության: Կուսակցության Մրագիրն ու Կանոնագիրն ընդունող եւ «ամեն կերպ» գործադրող պարզ ընկերը շատ ավելի մեծ արժեք ունի քան նա, որ կուսակցության ներսն է, բայց իր դերը տուրքով Համարում է վերջացած. կամ դուրսն է եւ աջակցում է իբրեւ Համակիր: Կանոնա-

գիրը ներշնչում է նրանց, որ կուսակցության դերն ու բախտը ոչ թե նրա նյութական միջոցներից է կախված, այլ նրա կազմակերպական շողախից եւ անդամների պատրաստակամ եւ Համադիր ճիգերից. որովհետեւ՝ ուր կա կուռ ու գործոն կազմակերպություն՝ այնտեղ միշտ Հնարավոր է նյութական միջոցներ գտնել, բայց ուր կան նյութական միջոցներ՝ դեռ չի նշանակում, որ կարելի է գաղափարական կազմակերպություն ու մթնոլորտ ստեղծել: Կարելի է մի առժամյա շահախնդիր խմբակցություն առաջ բերել եղած դրամը վատնելու Համար եւ դրամի վատնումով կվերսնա նաեւ «կազմակերպությունը»: որովհետեւ դրամը մեծարժեք է գաղափարներ հետապնդելու Համար, բայց առանց գաղափարների եւ նվիրման կուսակցություն լինել չի կարող: Մրագիրն ավելի հիմնական է քան դրամը: Մրագիրը կարող է դրամ գտնել, բայց դրամը կուսակցական ծրագիր ստեղծել չի կարող: Վերջապես, այն մարդկանց Համար, որ առանց մտայնության նույնության եւ ծրագրի միություն, լոկ «գործերի» սիրուն սպրդած են կազմակերպության մեջ եւ կուսակցությունը Համարում են մարզավայր՝ - Կանոնագրի հողվածները տեւական եւ արթուն սպառնալիք են, որ հսկում են նրանց քայլերին: Թույլ տալով, որ մինչեւ մի որոշ ժամանակ իրենց գործակցությունը բերեն մեր կուսակցության, հաճախ հասցնելով նրանց կուսակցական, հանրային եւ պետական բարձր դիրքերի՝ Կանոնագիրն իր անողք խստությամբ իջնում է նրանց համբավի վզին իբր պատուհասող սուր եւ որժկում է իբր անմարսելի կերակուր, երբ նրանք փորձ են անում իրենց ոչ կուսակցական մտայնությամբ, կուսակցության ճամփան թեքելու եւ ոչ կուսակցական բարքերի դրոշմը կուսակցության գործերի վրա դնելու:

Կանոնագրի երկու հիմնական հողվածները ցուցաբերում են, որ մատնանշում են «դաշնակցականի» ուղին. նրանք չեն փակում ճամփան, այլ ազդարարում են, որ չչեղվին: Նրանք հիշեցնում են շարունակ «դաշնակցականի» կոչումը եւ դրդում են շարունակ առաջ գնալ «ամեն ջանք թափելու» ճամփով: Նրանք արգելք չեն, որ մտավորականը միշտ ավելի խորանա տեսական խնդիրների քննության մեջ եւ միշտ ավելի լավ հիմունքներ ու ձեւակերպություն գտնե Մրագրի եւ Կանոնագրի Համար: Նրանք քաջալերում

են գործնական ուժերին միշտ ազդու եւ հարածուն գործունեություն հանդես բերելու եւ որքան գործիչը հմտանում ու մտերմանում է իր գործին՝ այնքան ավելի դիրք է գրավում կուսակցութեան մեջ եւ ընկերների հարգանքը շահում: Կանոնագիրը դրդում ու քաջալերում է գոհողութեան ոգին եւ «դաշնակցականին» գնահատում է նրա գոհողութեան չափով: Կուսակցությունը չի ճանաչում ազդեցութեան որեւէ նյութական աղբյուր. «դաշնակցականը» հեղինակութեան հասնում է անվերապահ նվիրումով: Իսկ նրանք, որ գոհաբերում են մեծագույնը աշխարհում — իրենց կյանքը — կուսակցությունը դասում է նրանց իր նահատակների շարքը եւ պաշտամունք է ստեղծում նրանց անվան ու հիշատակի շուրջը:

Այսպիսով Կանոնագիրն անողոք ու խիստ է շեղընթացների հանդեպ եւ հովանավոր ու քաջալեր նրանց, որ ճգնում են ուղիղ ճամփան քայլելու: Նա գնահատում է սլացքը դեպի գաղափար եւ պատուհասում է շեղումը ծրագրի ճամփից եւ ընդհանրապես հանդուրժում է սիրով այն բոլոր անդամներին, որ շարունակ աշխատում են միշտ ավելի արդարացնել իրենց «դաշնակցական» բարձր կոչումը:

* * *

Տեսանք թե ինչպես «դաշնակցական» կոչվելու համար ամեն ոք պետք է գոհացում տա Կանոնագրի հինգ պահանջներին միաժամանակ: Ինքնին հարց է ծագում, թե ի՞նչպես կարող է մի նորեկ անդամ, այդքան պահանջների միանգամից գոհացում տալ: Եվ մի՞թե բոլոր դաշնակցական համարվածները գոհացում են տալիս այդ պահանջներին: Մի՞թե ամենքը, որ «դաշնակցական» անուն են կրում՝ գաղափարական տիպարներ են անթերի: Եթե ուշադիր քննենք Կանոնագրի հինգ պահանջները, կտեսնենք, որ նրանցից մեկն է միայն, որ անմիջապես պետք է գոհացվի. մնացածները հանձնառուություն են եւ վստահացում: Թեկնածուն պետք է անպայման որեւէ խմբի անդամ արձանագրվի: Այսքան: Այնուհետեւ նա պետք է աշխատի իր հանձնառուությունները կատարել եւ վստահացումն արդարացնել՝ կյանքի բերումին զուգահեռ: Թեկնածու-

ները մուտքի ժամանակ հատուկ քննութեան բովից չեն անցնում. նրանք չունեն քաղաքական դասընթաց, որից պարտավոր լինելին քննություն տալու՝ նախքան ընդունվին կազմակերպութեան մեջ: Միշտ կարծել են որ դա անհրաժեշտ է. բայց կյանքը բերած է ուրիշ եզրակացութեան: «Դաշնակցություն» շնչելով, «Դաշնակցություն» անելով՝ թերավարժները դարձած են «դաշնակցական», ինչպես լողանալով է, որ մարդ լողորդ է դառնում:

Այս տեսակետից նայելով գործին՝ ընդհանուր կազմակերպություններից միայն մեկն է, որ լավագույն զուգահեռն է մեր կուսակցութեան. — եկեղեցին: Իբր կազմակերպություն՝ նրանք շատ նման են իրար: Երկուսն էլ «հավատացելոց» ժողով են, թեեւ հավատում են տարբեր բաների: Երկուսն էլ ունեն ծրագիր, գործելակերպ ու Կանոնագիր, թեեւ տարբեր բնույթի եւ բովանդակութեան: Երկուսն էլ նոր անդամներ ընդունում են առանց խորին քննութեան եւ գոհանում են պարզ հարցումով եւ հանձնառուությամբ: Երեխային ուղղած հարցումին քավորն է պատասխանում թե՛ երեխան ուզում է. «Հաւատ, յոյս, սէր եւ մկրտութիւն. սրբիլ ի մեղաց, ազատիլ ի դիւաց եւ ծառայել Աստուծոյ»: Քավորի դերը կուսակցութեան մեջ խումբն է կատարում, որ հանձնարարում է նոր անդամին եւ վստահեցնում, թե նա ուզում է ընդունել ծրագիրն ու գործելակերպը, ենթարկվել Կանոնագրին ու որոշումներին, ամեն շանք թափել իրականացնելու «զանոնք», մտնել խմբի մեջ եւ կուսակցական տուրք վճարել: Ինչպես քավորը բարոյական հանձնառուն է իր սանիկի ուղիղ ընթացքի, այնպես էլ խումբը բարոյապես հանձնառու է իր առաջարկած անդամի համար: Եվ ինչպես քահանան քավորի հանձնառութեան վրա տալիս է մկրտություն, այնպես էլ մարմինը խումբի հանձնառութեան հիման վրա ընդունում է նոր անդամին: Քավորը սովորաբար բնավ չի հասկանում իր հանձնառութեան իմաստը, առավել եւս երեխան, որ արդեն անկարող է հասկանալ: Սա մի ծես է, որ կատարվում է: Մինչեւ իսկ եթե «երեխան» հասակավոր է, նա եւս հաճախ չի հասկանում թե ինչ — ինչոց է: Նույնը պատահում է եւ կուսակցութեան մեջ, ուր հանձնարարողն ու հանձնարարվածը լավ չեն հասկանում գործի էությունը: Արտասանելով երգման բանաձեւը, թեկնածուն շատ անգամ

լավ չի ըմբռնում թե ի՞նչ ծանր հանձնառությունց տակ է մտնում՝ կուսակցություն անդամ դառնալով:

Բայց ինչպես հասակավոր «երախան» կամ կաթնակեր մանուկը մկրտությունը դառնում են մի դարավոր հաստատություն անդամ, այնպես էլ թեկնածուն երզման բանաձեւն արտասանելով դառնում է մի պատկառելի կուսակցություն անդամ: Եվ ինչպես եկեղեցու անդամության տեսակետով տարբերություն չունեն նորադարձն ու հին անդամը, այնպես էլ կուսակցություն տեսակետով «Դաշնակցական» են թե՛ նա, որ երեկ մտավ կազմակերպության մեջ եւ թե՛ նա, որի մազն արդեն ճերմակած է: Երկուսն էլ լիազոր եւ նույնիրավ անդամ են հավաքական ընկերային կազմության. մեկն՝ իր եկեղեցու, մյուսն՝ իր կուսակցության: Նվաստ գյուղացին եւ գերագահ կաթողիկոսը երկուսն էլ անդամ են նույն եկեղեցու, թեկուզ մեկը գլուխն է եկեղեցական կազմակերպության, մյուսը հազիվ ոտքի եղունգը, բայց երկուսի միությունը է, որ ստեղծվում է եկեղեցու միությունը: Այդպես է նաեւ կուսակցության մեջ. թեկուզ եւ մեկը վարիչ է բովանդակ շարժման, իսկ մյուսը պարզ մասնակիցը, բայց այդ երկուսի միացումով է կուսակցությունը ձեւ ու մարմին ստանում: Կարողություն, երախտիքի, փորձառություն ու զոհաբերության տեսակետով նրանց մեջ կարող է սար ու ձոր լինել, բայց կոչման տեսակետով նրանց մեջ տարբերություն չկա. երկուսն էլ կուսակցության անդամ են, երկուսն էլ «դաշնակցական» եւ «ընկեր»:

Եթե հիմա մտամուխ լինենք բուն գործի էություն, կտեսնենք, որ եկեղեցու հասուն անդամները հազիվ գիտակցություն ունեն իրենց կոչման եւ պարտականությանց մասին: Այդ «կուսակցության» անդամները ընդունում են նրա «ծրագիրն ու գործելակերպը, ենթարկվում են նրա Կանոնագրին ու որոշումներին», բայց ընդհանրապես «ծրագրի» մասին գաղափար չունեն, այսինքն չգիտեն իրենց նպատակն ու դավանանքը, իրականի մեջ հետեւում են տարբեր գործելակերպի, քան հրահանգում է եկեղեցին, Կանոնագրին ենթարկվում են տհաճությունը եւ որոշումները կատարում են տասից մեկ անգամ: Բայց եւ այնպես նրանք համարվում են եկեղեցու անդամ. նրանց համախումբ միությունն է, որ դարձնում է եկեղեցին մի ազգակ եւ հաճախ նրանք են, որ իրենց արյունով շա-

ղախում են եկեղեցու հիմունքները եւ դարձնում անսասան: Ոչ ոք կարող է պնդել, որ դրանք գաղափարական տիպարներ են եկեղեցու մեջ, բայց եւ ոչ ոք կարող է ասել, թե նրանք անդամ չեն եկեղեցու: Նրանք «ընդունում» են եկեղեցու պահանջները եւ կատարում են իրենց ըմբռնումի համեմատ: Հաճախ հոժարությունը չէ որ պակասում է, այլ ճիշտ ըմբռնումը: Իսկ եթե գիտակցում են իրենց թերին գաղափարական տիպարի համեմատությամբ՝ ունեն մեղքի գիտակցությունը եւ զղջումի ապրումը: Այսպես է նաեւ կուսակցության մեջ: Կանոնագիրը գծում է դաշնակցականի գաղափարական տիպարը եւ թեկնածուն հանձնառու է լինում այդ տիպարին համապատասխան ընթացք ունենալ: Քանի դեռ ճանաչում է տիպարը պարտադիր, բայց իրեն թերացած՝ նա կուսակցության անդամ է իրոք, քանի դեռ ճգնում է միշտ ավելի մոտենալ «դաշնակցական» տիպարին, նա «դաշնակցական» է անառակելի: Որովհետեւ հանձնառությունն է նրան «դաշնակցական» դարձնում եւ այդ հանձնառության կատարման ձգտելն է «դաշնակցական» պահում նրան: Այն օրը, որ գաղափարական տիպարը գաղաբեց հմայիչ լինել կամ այն օրը երբ նա դադարեց այդ տիպարին մոտենալու ճիգ անել — նա դադարում է «դաշնակցական» լինելուց, թեկուզ եւ մնա կազմակերպության մեջ: Նա մեռած անդամ է կենդանի կուսակցության, մի մեռած քիչ կենդանի մարմնի:

Հանձնառությունն այն տոմսն է, որ իրավունք է տալիս Դաշնակցության շնքը մտնելու, բայց հանձնառության կատարման չափով թեկնածուն տեղ է գրավում կուսակցության մեջ եւ դառնում նրա հետարանը: Ամենքը կոչված են ձգտելու «դաշնակցականի» բարձր տիպարին եւ քանի դեռ գործով ձգտում են նրան՝ համարվում են հավատարիմ անդամ եւ ընկեր կուսակցության մեջ:

Կարեւորն այն չէ, որ մտած վայրկյանին դաշնակցական դավանանքի բոլոր ծալքերն իմանաս, նրա ծրագրի բոլոր կետերը խորապես ըմբռնես եւ նրա Կանոնագիրը գոց գիտենաս: Լավ է, որ այդպես լինի, բայց այդ չէ կարեւորը: Կարեւորը այն է, որ շիտակորեն հանձնառու լինես նրա ծրագիրն ըմբռնելու եւ գործադրելու, մտածումդ նրա աշխարհայացքին հարմարելու, նրա Կանոնագրին հնազանդելու եւ նրա որոշումները կատարելու. մի խոսքով մտածելու

եւ գործելու՝ կուսակցութեան մշակած հրահանգների համաձայն: Մտնելով կուսակցութեան մեջ ընկեր մարդկանց հորդորով կամ ինչ որ ներքին մթին մղումի անսպում՝ թեկնածուն ժամանակի ընթացքին, գործի եւ շփումների մեջ կարող է իր գիտակցութիւնը պայծառացնել եւ իր բարոյական աշխարհը վերակազմել՝ հետեւելով փորձառու ընկերների օրինակին կամ անձամբ հասու դառնալով Կանոնադրի պահանջներին: Կարեւորը շիտակ եւ անվերապահ հանձնառութիւնն է: Սա մի ուխտ է, որ անում է մարդ ընկերների առջև, ինչպես ամուսնացողը եկեղեցում: Փեսացուն չգիտե թե կյանքի մեջ ինչեր կարող են պատահել իրեն, բայց քահանայի հարցումին թե՛ «Տե՛ր ես» - պատասխանում է վստահ. «Տեր եմ». եւ դրանով հանձն է աւնում հետագա բոլոր փորձանքների ժամանակ տեր կանգնել իր կնոջը, որ տալիս են նրան վկաների ներկայութեամբ: Ու նաեւ կինը խոստանալով «Հնազանդի», չգիտե առաջուց թե իր կյանքում ինչ կացութիւններ կարող են պատահել, ուր նա պետք է արժեցնէ իր հնազանդութեան խոստումը, բայց նա խոստանում է «Հնազանդի» վկաների ներկայութեամբ եւ իր պարտականութիւնն է իր տված խոսքը պահել: Ճիշտ այսպես է կուսակցութեան թեկնածուն: Արտասանելով հանդիսավոր երդման բանաձեւը, նա դրանով խոստանում է Կանոնադրի հինգ պահանջներին գոհացում տալ եւ պարտավոր է հետագային կատարել իր տված խոստումը: Եվ նա՛ է «դաշնակցականը», որ փորձութեան օրերին հավատարիմ է մնում իր հանձնառութեան եւ կուսակցութեան մեջ մտած օրից անդադրում աշխատում է միշտ ավելի կատարյալ չափով գոհացում տալ Կանոնադրի պահանջներին:

Մենք տեսնք «դաշնակցականի» գաղափարական տիպարը, որ գծում է մեր Կանոնադրին իր երկու հոգվածներով: Կուսակցութեան ծրագիրը եւ կանոնաժիր կուսակցականը՝ գաղափարական կառուցումներ են: Բայց մինչդեռ տիպար կուսակցական դառնալու համար բավական է անձնական ճիգը, տիպար ծրագիր իրագործելու համար անհրաժեշտ է հազարավոր ճիգերի ներդաշնակ գուգորդութիւն եւ արտաքին նպաստավոր պայմաններ: Բայց ինչպես կուսակցութիւնն այնքան ժամանակ կենդանի է եւ ազդու, որքան հետամուտ է իր ծրագրի իրացման, այնպես եւ կուսակցականը այն-

քան ժամանակ «դաշնակցական» է, որքան հետամուտ է իր տիպարի լրացման, այսինքն Կանոնադրի հինգ պահանջի գոհացման:

Պետք է կարծել ուրեմն, որ «դաշնակցական» լինել նշանակում է ամսական տուրք վճարել եւ երբեմն ժողով դնալ: «Դաշնակցական» կոչումը շատ ավելի դժվարին ու բարդ գործ է, քան կարծում են շատերը: Գիտենք, որ դժվար է նաեւ քրիստոնեա լինել, բայց ամենքս «քրիստոնեա» ենք, փառք Աստուծո. բայց վա՛յ մեր քրիստոնեութեան: Պետք է այնպե՛ս կուսակցական լինել, որ ասվի. «վա՛յ մեր Դաշնակցութեան»... «Դաշնակցական» կոչումը մի հարազու խթան է, որ առաջ է վարում մարդուն միշտ ավելի լավ ըմբռնելու իր ծրագիրը, միշտ ավելի ճիշտ գործադրելու իր Կանոնագիրն ու կուսակցութեան որոշումները, միշտ ավելի ուշադիր հետեւելու հանրային կյանքի ընթացքին եւ միշտ ավելի որոշ դիրք բռնելու հանրային խնդիրների հանդեպ՝ նվիրելով ավելի ժամանակ ու եռանդ եւ ցուցադրելով ավելի մեծ գոհոգութիւն:

* * *

Ես աշխատեցի պարզել «դաշնակցական» մարդու գաղափարական տիպարը: Ուշադրութեան արժանի է մի «դաշնակցական» մարդու մի տիպար միայն: Իր գաղափարական առումով Դաշնակցութիւնը համատեսակ տիպարների միութիւն է, որ նշանակում է, թե բոլոր դաշնակցականները ավելի կամ պակաս նույն կաղապարով ձուլված մարդիկ են: Այս հանգամանքը շատերն են նկատած եւ ամեն օր կարելի է ստուգել, բանալով աշխարհի հեռավոր վայրերում լույս տեսնող կուսակցական թերթերը եւ տեսնելով միօրինակ վերաբերում միեւնույն խնդիրների հանդեպ: Սա արտաքին հայտարարն է մտայնութեան նույնութեան: Թերթերը չեն գրում ամենօրյա հրահանգի համաձայն, իմբագիրներն են, որ մտածում են որոշ ուղղութեամբ: Որոշ կաղապարով ձուլված մտայնութեան հետ է մեր գործը եւ ոչ թե որոշ կարգադրութեան հնազանդ մարդկանց: Եթե քննութեան առնենք «դաշնակցական» գործերը, ուր եւ կատարվեն, մենք կնկատենք նույն ընթացքը նաեւ գործի մեջ, որ հայտարար է «գործելակերպի» նույնութեան: Այստեղ եւս կար-

գաղբուցումն չէ, որ կատարում են մեր ընկերները,- քանի որ ամեն շրջան իր գործերն ունի եւ կուսակցութիւնն ապակենտրոն է - այլ նույն կաղապարով ձուլված կամքերի արդյունք է այդ երեւոյթը: Կուսակցական կաղապարն է նույն, ուստի եւ ձուլվածքները նման են իրար: Սա նշանակում է թե Դաշնակցութեան անդամները իմացական ու բարոյական կառուցի հիմնական գծերով մոտավորապես նման են իրար: Այս հիմնական հենքի վրա ամեն մի «Դաշնակցական» իր նկարն է գործում գորգի զարդերի նման: Տարբեր են գույները, տարբեր նկարն ու դասավորութիւնը, տարբեր՝ մեծութիւնը, բայց նույն է հենքը, եւ բոլորն էլ գորգ են:

Այս պատճառով Դաշնակցութիւնը թեեւ ընկերային կազմակերպութիւն է, բայց նա նման չէ պետական կազմակերպութեան: Արտաքուստ նայելով թվում է թե նա շատ զուգահեռ ունի պետութեան հետ, բայց խորքը դիտելով՝ մենք տեսնում ենք, որ աննման են իրար: Դաշնակցութեան մեջ չկա մասնագիտացում եւ պետք չէ, որ լինի: Այսօրվան խմբագիրը վաղը կարող է քարոզիչ դառնալ, մյուս օրը խմբապետ, երրորդ օրը մատուցիչ: Այս ճկուն կերպարանավորութիւնը արդյունք է նրա «դաշնակցական» կոչման, սա ճառագայթումն է նրա տիպարի: Կարող է մեկի մեջ շեշտված լինել ռազմիկի կարողութիւնը, մյուսի մեջ տեսական մտքի ուժը, երրորդի մեջ խոսքի շնորհքը, չորրորդի մեջ կազմակերպելու տաղանդը, բայց երբ հարկը պահանջեց՝ ամենքը պարտավոր են զենք առնելու եւ կռվի դաշտ իջնելու, թողնելով մեկն իր հոգվածը, մյուսն իր բեմը, երրորդն իր ժողովը: Կամ ընդհակառակը, երբ պետք է Կանոնագիր մշակել եւ որոշումներ կայացնել, այստեղ ձայն ունեն եւ տեսաբանը, եւ բեմասացը, եւ կազմակերպիչը եւ մարտիկը: Չկա մի ասպարեզ, որ վերապահված լինի միմիայն որոշ ընկերների եւ գոցված լինի մյուսների հանդեպ: Կանոնագիրը պահանջում է «ամեն ջանք թափել» իրականացնելու ծրագիրն ու որոշումները, եթե դրա համար պետք է, որ մեկը խոսե եւ չկա ընկեր, որ խոսքի շնորհքն ունենա՝ բեմ է բարձրանում լեռների մարտիկը. եթե պետք է ակաբեկում կատարվի եւ հարմարագույն մարդը չկա, գնում է գործի՝ կուսակցութեան հիմնադիրն ու տեսաբանը:

Դաշնակցութեան մեջ չկա եւ չի կարող լինել մասնագիտացում,

որովհետեւ մեր կուսակցութիւնը ոչ թե մասնագետների միութիւն է, այլ հանրային որոշ տիպարների ընկերութիւն. մարդիկ, որ սուր ականջ ունեն հայութեան սառապանքի ճիշդ լսելու, ուր եւ նա հնչե եւ որ շարունակ իրենց ծրագիրն ունեն այքի առջեւ: Նրա իրացումը պահանջում է բազմազան աշխատանք, ուստի կուսակցութեան մեջ չէ եղած եւ պետք չէ, որ լինի որեւէ գործից հրաժարում: Կարող է առարկութիւն լինել այս ու այն անդամի հարմարութեան մասին, բայց խոսք չի կարող լինել կուսակցութեան պահանջը մերժելու մասին: Այս ոգին է, որ կուսակցական համեստ ընկերներին դարձնում է հերոս, պարտադրելով կատարել գործեր, որ առաջին նվազ թվում են անհնարին նրանց ուժերի համար: Համարձակութիւն չի լինի եթե ասեմ, թե «դաշնակցական» համար անհնարին բան չկա իր ծրագրի իրացման ճամփին: Հիշեցեք կուսակցութեան անցյալը եւ պիտի հանդիպեք փափկասուն մարդկանց, որ «դաշնակցական» կոչումին հավատարիմ՝ դարձած են խստաբարո եւ լեռնակայաց մարտիկին հավասար ընկեր, մոռանալով իրենց սովոր հանգիստը եւ դյուրատար պայմանները: Անշուշտ, դեկավար մարմինների գործն է ընկերներին դասավորել այնպես, որ նրանք լավապես օգտակար լինեն, բայց «դաշնակցական» պարտական է գնալ ամեն գործի, որ պահանջում է կուսակցութիւնը, որովհետեւ նա մի հանդիսավոր ժամի հանձնառու եղած է «ամեն ջանք թափել» իրացնելու կուսակցութեան ծրագիրն ու որոշումները:

Կուսակցութեան հավատարիմ ընկերները դիտեն, թե հաճախ որքան անողոք է եղած Դաշնակցութիւնը եւ կհիշեն անշուշտ հարյուրավոր ընկերներ, որ հնազանդ ու սիրով են թաքելված են կուսակցութեան անողոք որոշումներին: Այս անողոք դպրոցին մեջ են մարդվում «դաշնակցական» մարդու կուսակցական բարձր առաքինութիւնները, որ ոչ միայն կուսակցական են, այլեւ մարդկային: Իրենց դաժան գեղեցկութեամբ նրանք իշխում են մարդու հոգուն եւ գերում են առմիշտ՝ ստեղծելով նահատակներ ու հերոսներ: Այս մուրճի տակ է, որ կոփվում են անձեւ հոգիները եւ այս բովի մեջ է, որ պողպատվում են երբեք կամքերը: Դաշնակցութիւնն այսպիսով, ոչ միայն դառնում է քաղաքական գորավոր ազդակ, այլեւ հայ տիպարի ազնվացման ազդու մարզարան: Եվ որքան ավելի

«դաշնակցական» են դառնում մեր ընկերները, այնքան ավելի խորանում է նրանց բաժանող խրամատը հայուլթյան մյուս տիպարից: Այս երեւույթը ոմանք տհաճությամբ են դիտում, մինչդեռ պետք է գոհությամբ ցնեք ամենքիս սիրտը, որովհետեւ ոչ ամեն խրամատ ու պառակտում ավերիչ են. կա շինարարութիւն, որ միայն պառակտումով հնարավոր է եւ խրամատով զորացող: Ազգային նկարագրի ազնվացումը այդ շինարար գործերից մեկն է: Ոչինչ առնչութիւն կարող է լինել անողնաշար սրիկայի եւ գաղափարատենչ մարտիկի միջեւ: Ազգային ծագումն արգելք է, որ նրանք իրար հիմնապես ժխտեն: Սրիկան միայն վախ եւ ատելութիւն կարող է սնուցանել իր հոգում գաղափարական մարդու հանդեպ. իսկ սա արգահատանք եւ արհամարհանք՝ նրա ճկուն կենցաղի դիմաց: Մեկն ստիպված է կեղծ ու թաքուն գործելու. մյուսը շիտակ եւ ինքնավատահ, որովհետեւ նա հետամուտ է իր անձնական բարիքին եւ խորշանք ունի բարոյական ճիգի մը, իսկ սա սլացք է դեպի գաղափար եւ իր թռիչքի ընթացքին հաղիվ նկատում է կյանքի բարիքը: Եվ որքան շահավետ ու փայլուն ասպարեզներ լքած է «դաշնակցականը» իր գաղափարին ծառայելու համար. ասպարեզներ, որ շատերի երազն են կազմում: Եվ որքան անձնվեր ու մաքուր սերեր մերժած է «դաշնակցականը», խորտակելով քնքուշ հոգիներ, որոնց մասին գաղափար իսկ չունի սրիկան: Կյանքն այսպիսով նպատակ է «դաշնակցական» մարդու համար. նա միջոց է ծրագիր հետապնդելու եւ որոշումներ իրացնելու: Մի շատ համեստ խոսք.՝ «ամեն ջանք թափել» - ազդակ է դառնում մարդկային տիպարի ազնվացման եւ խթան՝ գերագույն զոհաբերութեան, որովհետեւ երբ ասում է «ամեն ջանք», այլեւս տեղ չի թողնում, որ ապաստանես հմտութեան պարսպին եւ հրաժարվես պարտքից անհմտութեան պատրվակով: Դա մի կոչ է, որ կազմակերպական Կանոնագիրն ուղղում է բոլոր «դաշնակցականներին»՝ պատրաստ լինել ամեն ժամ եւ ամեն տեղ կատարելու այն գործը, որ անհրաժեշտ է, անկախ այն բանից «մասնագետ» ես թե ոչ: Դաշնակցութեան մեջ մասնագետներ չկան. կան միմիայն «դաշնակցականներ»:

Այս չի նշանակում, որ Դաշնակցութիւնը դեմ է մասնագիտութեան կամ հակառակ է մասնագետներ օգտագործելուն: Սա նշանա-

կում է միայն, որ «դաշնակցական» ըմբռնումի մեջ «մասնագետ» գաղափարը տեղ չէ գրավում: «Դաշնակցականը» կարող է մասնագետ լինել, բայց իր մասնագիտութեամբ չէ, որ «դաշնակցական» է. ինչպես եւ մասնագետը կարող է դաշնակցական գործին մեծապես նպաստել, բայց դրանով «դաշնակցական» չի դառնում: Հայ-թաթարական ընդհարումների ժամանակ մենք մասնագետ գողեր ունեինք, որ գորանոցներից զենք ու փամփուշտ էին գողանում մեզ համար, բայց նրանք «դաշնակցական» չէին, ինչպես ուրիշ վայրերում «դաշնակցականներ» կային, որ նույն գործն էին կազմակերպում ու կատարում, առանց սակայն, մասնագետ գողեր դառնալու: «Դաշնակցական» մաքսանենգներ եղած են, որ մեծաքանակ զենք ու փամփուշտ փոխադրած են սահմանից սահման, բայց եւ ոչ մի ապրանք չեն փոխադրած անձնական շահի համար ինչպես եղած են մասնագետ մաքսանենգներ, որ իրենց փոխադրած անձնական ապրանքի հետ փոխադրած են եւ մեր զինամթերքն ու գրականութիւնը: Սրանով «դաշնակցականը» մաքսանենգ չի դարձած եւ մաքսանենգը՝ «դաշնակցական»: Մեկն աշխատած է «ամեն ջանք թափել» իր ծրագիրն ու կուսակցութեան որոշումներն իրագործելու, մյուսն իր անձնական շահին նոր շահ բարդելու: Եվ հաճախ է պատահած, որ «դաշնակցական» գործ կատարելով, մասնագետ գողն ու մաքսանենգը մկրտված են նոր ավազանում եւ դարձած են տիպար հեղափոխական, ամեն դասի մարդկանց հիացումը խլելով: «Դաշնակցական ինչոն», որ հայ ժողովրդի ազնվագույն զավակներից մեկն եղավ, մի պատանի գրպանահատ էր... Ոչ ամեն զինվորական, որ կոչված է Դաշնակցութեան դրոշի տակ իր կյանքը վտանգելով՝ դրանով իսկ դարձած է դաշնակցական, բայց շատ «դաշնակցականներ» «ամեն ջանքի» թելադրանքին հնազանդ՝ մտած են կովի ասպարեզ ու դարձած զինվորական: «Դաշնակցական» կոչումը մասնագիտութիւն է. նա որոշ բարոյական կառուցվածք է մատնանշում, որոշ Ծրագիր ու Կանոնագիր, իսկ մասնագիտութիւնը որոշ կարողութիւն է, որ «դաշնակցութիւն» չի ենթադրում: Ուստի պետք է զարմանալ, որ կան հազարավոր գյուղացիներ, բանվորներ եւ արհեստավորներ, որ «դաշնակցական» են անկախ իրենց արհեստից, եւ կան շատ տիտղոսավոր մասնագետներ, որ «դաշնակցա-

կան» չեն եւ լինել չեն կարող, կրկին անկախ իրենց արհեստից: «Դաշնակցականը» մի տիպար է, որ երբ հարկը պահանջեց կարող է եւ պարտավոր է մասնագիտանալ, բայց մասնագետը չի կարող «դաշնակցական» դառնալ՝ ապավինած միմիայն իր մասնագիտութեան: Դրա համար պետք է «դաշնակցական» մտայնություն ունենալ եւ «դաշնակցական» բարոյական կառուցվածք:

* * *

Կանոնագիրը վստահութամբ թույլ է տալիս, որ հանձնառուները կրեն «դաշնակցական» անունը եւ գործի մեջ արդարացին իրենց կոչումը: Այս իմաստով «բազումք են կոչեցյալք եւ սակաք ընտրեալք»: Ամեն քաղաքացի կարող է դաշնակցական դառնալ եւ շատերն են դառնում իսկապես, բայց քչերն են հավատարիմ մնում իրենց հանձնառության: Եվ սա մի չարիք չէ: Դաշնակցության ուժն իր անդամների քանակի մեջ չէ, այլ նրանց որակի մեջ է: Մի բուռ դաշնակցականներ ամեն տեղ կարող են հրաշքներ գործել. եւ գործած են իրոք, եթե եղած են «դաշնակցական»՝ Կանոնագրի առումով:

Պատմական իրադարձությանց բերումով կուսակցության առջեւ դրվում են խնդիրներ, որ լուծում են պահանջում: Այդ «լուծումները» կատարվում են ծրագրի համեմատ եւ կուսակցության համար նրանք մի-մի կայան են մեր ծրագրի իրացման ճամփին: «Ազգը», սակայն, կարծում է, որ այդ խնդիրները բախտորոշ են եւ վերջնական. եւ ժողովրդի կենդանի տարրերը խմբվում են Դաշնակցության դրոշի շուրջը: Բազմանում են գործակիցները, թանձրանում է համակիրների մթնոլորտը, ծավալում է գործն ու կազմակերպությունը: Լայն ալիքներով շրջան է անում կուսակցության անունն ու համբավը: Ամեն ոք «դաշնակցական է արդեն»: Բազմաթիվ ինքնասիրություններ ծաղկում են փարթամ՝ կուսակցության հմայքի լույսով եւ թվում է թե կազմակերպությունը հասած է իր զարգացման գագաթը: Եռում է հանրային եւ կուսակցական կյանքը, կատարվում է պատմական գործը հաջող կամ անհաջող վախճանով: Հանրային գործակցության ալիքը հետ է քաշվում: Շատերն այլեւս գործ չեն գտնում անելու, քանի որ այդ մի-

ակ գործի համար հարած էին կուսակցության: Շատերը լքում են դիրքերը, եթե «գործն» անհաջող վախճան է ունենում կամ վարկաբեկ անդրադարձում է ստանում հանրային գիտակցության մեջ: Բազմությունը խուսափում է հալածանքից կամ հանրային պարսավից եւ թվում է, թե կուսակցությունն իր քայքայման օրերն է ապրում: Բայց երբեք կուսակցությունն այնքան գորավոր չէ, քան այն ժամանակ երբ եկամուտ տարրերը լքում են նրան. որովհետեւ. ճիշտ այդ ժամանակն է, որ մնում են այն սակավաթիվ «դաշնակցականները», որոնք Կանոնագրի հինգ պահանջներին զոհացում են տված: «Ամեն ջանք թափելու» հանձնառությունը իշխում է տիրաբար՝ հավատարիմ անդամների հոգում եւ մղում է նրանց դեպի նոր գործեր: Նրանց համար նշանակություն չունի կատարված գործի անհաջող ելքը, քանի որ այդ «գործով» չի սպառվում կուսակցության ծրագիրը եւ Դաշնակցության դերը՝ հայրության կյանքում: «Դաշնակցականին» գործ չի պակսում իր ծրագրի իրացման համար եւ ոչ պատմության արգանդն է ամլանում նոր պայմաններ ու խնդիրներ ստեղծելու: Հետ մղվելով մի ճակատից՝ «դաշնակցականը» գրոհ է տալիս մյուս ճակատների վրա: Պարտությունը ոչ թե հուսալքում, այլ բորբոքում է նրա եռանդը եւ հնարամտությունը: Պարտությունն ինքնին դառնում է մի դաս՝ շտկելու համար կազմակերպության թերիները եւ փոխելու պայքարի եղանակները: Կուսակցությունն իր ուժը ամփոփում է, հարվածի վայրը փոխում եւ ներքուստ գորանում է: Դրսի պարսավը անազգեցիկ է մնում համոզված դաշնակցականի համար, ինչպես դրան նախորդող հուշակն ու հիացումը չէին մթազնած նրա գիտակցությունը: Նա շարունակում է իր ճամփան, որ նախորոշված է իր ծրագրով եւ գործելակերպով: Սկսվում է մի ներքին եռ ու զեռ, որ մնում է անկատ դրսի հիասթափ կամ հոգնած շրջապատին: Այսպես է, որ Դաշնակցությունը մնում է կայուն եւ ոչ մի փոթորիկ նրան չի հաղթահարում մինչեւ իսկ այն ժամանակ, երբ նրա ամենից փորձված եւ ազդեցիկ անդամները տառապում են բանտերի եւ աքսորների մեջ կամ ընկնում են կռվի դաշտերում:

Պետք չէ կարծել, ուրեմն, որ Դաշնակցության ուժը հետեւորդ զանգվածների մեծության մեջ է: Զանգվածները որ կուսակցական

չեն, այսօր կարող են Հարել մեզ եւ վաղը լքել կուսակցութեան շարքերը, որովհետեւ նրանք «դաշնակցական» չեն կանոնադրական առումով, այլ Համակիրներ են, գործակից կամ աջակից: Համընթաց ուժեր են նրանք, որ կուսակցութեան ղեկավարութեամբ պատմական գործ են կատարում, համարելով այդ գործն անհրաժեշտ եւ բախտորոշ: Կուսակցութեանը, սակայն իր ծրագրի հետապնդման ընթացքին նման գործեր շատ է ունեցած եւ դեռ շատ գործեր պետք է ունենա. գործեր, որ ծրագրի իրացման տեսակետով կայաններ են միայն, իսկ զանգվածների տեսակետով՝ բավտորոշ եւ վերջնական: Երբ պատմական կյանքի ընթացքը նոր խնդիրներ բերեւ լուծելու, զանգվածները նորից կդան ու կհավաքվեն կուսակցութեան դրոշի տակ, նրա ղեկավարութեամբ պայքարելու համար: Կուսակցութեանը, սակայն, շատ լավ գիտե այդ գործերի արժեքը ծրագրի իրացման տեսակետից, այս պատճառով նա հանգիստ է ներքուստ եւ վճռական իր ղեկավարութեան մեջ: Նրա թափը գործնում է զանգվածների բազմութեանը զուգահեռ եւ հրաման թե սաստ՝ հնչում են տիրաբար: Նա իշխում ու վարում է, պատուհասում եւ վարձատրում է պայքարի հաջողութեան անունով, բայց ամեն տեղ իր անվերապահ վստահութեանը տալիս է սակավաթիվ «դաշնակցական» ընկերների, որ իր մատչյալ գունդն են կազմում: Նրանց հավատարմութեանն է միակ հիմունքը գործի հաջողութեան: Նրանց «դաշնակցական» բնույթն է միայն, որ կարող է հաղթանակ ապահովել անհավասար պայքարների ընթացքին եւ անհնարին պայմանների մեջ: Մեծ են զանգվածները, բայց լույծ են իբր խմբակցութեան: «Դաշնակցական» սակավաթիվ խմբակն է, որ ողնահար է դառնում այդ լույծ զանգվածին եւ դարձնում նրան գորավոր մարմին: Դաշնակցութեանը զանգվածներ է կառավարում եւ բազմատեսակ ճակատների վրա պայքար է մղում իր սակավաթիվ բայց հավատարիմ ընկերներին կոթնած, որոնք պատահաբար չէ, որ մտած են կռվի ասպարեզ եւ հատկապես այդ մեկ գործի համար չէ, որ զենք են առած. նրանք եկած են իրենց ծրագրի իրացման համար, որ այդ կարգի պայքարներ շատ է տեսած եւ դեռ շատ պետք է տեսնի մինչեւ վերջնական մարմնացում:

Այսպիսով պետք է շատ լավ տարբերել կուսակցական ուժերը համակիր զանգվածներից եւ հավատարիմ զինվորները օժանդակ

զնդերից: Կուսակցութեան ուժն ու գործութեանը «դաշնակցական» ընկերն է եւ ոչ թե համակիր տարրը: Իր պատմական դերը խաղալու համար կուսակցութեանն անհրաժեշտ են համակիր զանգվածներ, բայց զանգվածը կուսակցութեանն չէ եւ համակրանքը՝ պարտադրանք. մեկն անցողական է, անկայուն, մյուսը՝ հարատեւ է, մնայուն: Այս իմաստով Դաշնակցութեանը հայոց քաղաքական կյանքի մնայուն սպայակույտն է, որ երբ ղեկքերը բերին՝ կարող է համակիր զանգվածներից գործունակ բանակ պատրաստել: Այս իսկ պատճառով կուսակցութեան գաղափարների ծավալումը, կուսակցական գործերի կարգավոր ընթացքը, մեր շարքերի կարգապահ վարմունքը, մեր վարած պայքարների կազմակերպված բնույթը՝ անկախ նրանց հաջող կամ անհաջող ելքից, մեր կատարած գործերի հիշեցումը, մեկնութեանն ու պատճառաբանութեանը անհրաժեշտ ազդակներ են զանգվածներ խմբելու համար մեր դրոշի շուրջ եւ ստեղծելու համար համակրանքի լայն մթնոլորտ: Այս բարոյական մթնոլորտն անհրաժեշտ է մեր գործի համար, ինչպես նյութական մթնոլորտը՝ բույսերի աճի: Այն խուռնեամբ բազմութեանները, որ ունենդրում են Դաշնակցութեան խոսքը լինի բեմերից թե մամուլի մեջ՝ թաքնված ուժեր ունեն, որ կարող են երեւալ մի օր. ուժեր, որ կարող են մի կողմից Դաշնակցութեան շարքերը լցնել հավատարիմ կուսակիցներով, եւ մյուս կողմից անսալով նրա կոչին՝ պայքարի մտնել նրա դրոշի տակ, երբ պարագաներն այնպես բերեն, որ Դաշնակցութեան հերթական գրոհն իր ծրագրի իրացման համար զանգվածներն ըմբռնեն իբր կենսական եւ բախտորոշ մի գործ: Մեծ է զանգվածի ուժը եւ նրա բերած նպաստը մեր պայքարի օրերին, բայց զանգվածը կուսակցական չէ եւ լինել չի կարող: Կրկնում եմ, կուսակցութեան ուժը զանգվածների մեջ չէ, այլ զանգվածներ համախմբելու եւ պայքարի մղելու կարողութեան մեջ: Անհրաժեշտ է, որ հայ զանգվածները ճանաչեն Դաշնակցութեանը իբր կազմակերպիչ ու վարիչ մեծ պայքարների, իբր հավատարիմ սպայակույտը հայ ժողովրդի, իբր գաղափարի անձնվեր եւ անշահախնդիր մարտիկներ, եւ համակրանքի թանձր շերտով պատեն մեր կազմակերպութեանը: Այդ համակրանքն անհրաժեշտ է մեր խոսքն ազդու պահելու համար: Այդ համակրանքի ուժով է, որ

նրանք խուռններամ արձագանգ են տալիս մեր կոչին, երբ իրենց մթին եւ մեր պայծառ գիտակցութիւնը կացութեան մասին գուգադիպում են իրար: Այդ համակրանքը, սակայն արդյունք է մեր անձնվեր, անչահախնդիր եւ անշեղ գործունեութեան, որ կարիք չունի քծնանքի եւ շողմուկութեան: Դաշնակցութիւնը կոչված է զանգվածները կրթելու եւ գիտակից ժողովուրդ դարձնելու, եւ ոչ թե նրանց մթին ու ստորին հակումները շոյելու: Դաշնակցականը գործում է ոչ այն պատճառով որ զանգվածները քաշե ետեւից, այլ այն պատճառով, որ այդպես են պահանջում իր Ծրագիրն ու Կանոնագիրը: Բայց քանի որ կուսակցութեան գործը բխում է իր ծրագրից, իսկ ծրագիրը բանաձեւումն է հայ ժողովուրդի կենսական պահանջների, ուստի զանգվածը, որ ժողովուրդ է, գալիս է մեծ պայքարի օրերին կռվելու դաշնակցական մարտիկի կողքին եւ նրա դրոշի տակ: Գնահատելով ամեն կենսունակ ծիլ, որ երեւան է գալիս հանրային կյանքի ընդարձակ դաշտերում. չարհամարհելով ամենից համեստ ուժերը, որ կարող են մեր պայքարին նպաստել. մեր խոսքով՝ բայց մանավանդ մեր գործով համակրանք ստեղծելով զանգվածների մեջ, որ երբ առիթը գա՝ հենվինք նրան մեր ծրագիրը հետապնդելու համար՝ «դաշնակցականը» պետք է մոռանա երբեք, թե իր բուն ուժը իր գաղափարական տիպարի գորացման մեջ է. որ սակավաթիվ դաշնակցական սպայակուլտը այն մակարդակն է, որ կոչված է մակարդելու հանրային եւ ընկերական շարժումները մեր մեջ: Որ կազմակերպութեան հարատեւութիւնը, նրա ներքին ամրութիւնը, նրա անդամների գաղափարական մաքրութիւնը, նրանց անչահախնդիր բարքն ու անձնվեր գործն են բուն ուժերը, որ շարժում են զանգվածները եւ նրանց նպաստով ու նրանց միջոցով պատմական դեր են կատարում հայութեան կյանքում:

* * *

Տեղն է հիմա, որ ուշադրութեան առնենք մի շատ կարեւոր պարագա: Դաշնակցութիւնը քաղաքական կուսակցութիւն է, որ ունի որոշ ծրագիր, այդ ծրագիրը թարգման է որոշ շահերի: Հանրային շահերի պաշտպանութեան եւ հետապնդման կուսակցութիւն

լինելով՝ Դաշնակցութիւնը շահակցական կազմակերպութիւնն է: Նա հանրային շահեր է պաշտպանում եւ ոչ թե իր անդամների շահերը: «Դաշնակցականը» ոչ թե իր վիճակի բարվոքման է հետամուտ, այլ ժողովուրդի կացութեան հեղաշրջումին: Այս պարագան պետք է պարզորեն գիտակցել եւ լավապես տարբերել: Մեր կուսակցութեանը անդամակցողը սկզբից արդեն պետք է հաշտվի այն մտքի հետ, որ շատերին կարող է թվալ անիմաստ եւ արտառոց՝ թե նա մտնում է մի կազմակերպութեան մեջ, ուր պետք է շարունակ տա եւ կորցնե, առանց որեւէ նյութական բարիք սպասելու. որ ոչ թե կուսակցութիւնն է, որ նրան պիտի սնուցանե, այլ նա ինքն է, որ պետք է պահե կուսակցութիւնը իր աշխատանքով, դրամով ու կյանքով: Հազարավոր «դաշնակցականներ» թողած են տուն, դիրք եւ ազդեցութիւն եւ մտած են այս զարհուրելի բայց հմայիչ կազմակերպութեան մեջ ու շահած են մահ միայն: Կազմակերպութիւնը չարքաշութեան ու մահվան հրավեր է կարգում իր անդամներին եւ ոչ թե բարեկեցիկ կյանքի: Մի որոշ տեսակետով Դաշնակցութիւնը նման է նախնական եկեղեցուն: Նա կրթում է իր անդամներին գաղափարի համար մեռնելու: Կարծեք հայոց մարտիրոս եկեղեցու կենդանի ավանդութիւնը անցած է մեր կազմակերպութեան, թողնելով իր պատմական պատյանը հոգով մեռածներին՝ իրենց մեռելները թաղելու եւ գերեզմաններ բերելու, որ «լի են ոսկերօք մարդկան եւ ամենայն պղծութեամբ»: Ոչինչ չի խոստանում Դաշնակցութիւնն իր անդամներին. ոչ դիրք, ոչ պատիվ, ոչ գանձ, ոչ հանգիստ: Եթե երբեմն հասցնում է հանրային բարձր դիրքի՝ միմիայն նրա համար, որ այդ դիրքի վրա կատարես «դաշնակցական» պարտականութիւնը: Երեկ պարզ զինվոր էիր կամ խմբագետ, այսօր դառնում ես նախարար, բայց չես դադարում մնալ «դաշնակցական», ենթակա որոշ Ծրագրի եւ Կանոնագրի: Ու երբ նկատում է թե նոր դիրքի վրա դու փորձում ես մտածել ու գործել իբր ոչ «դաշնակցական»՝ նա քեզ գահավիժում է չարաչար, առանց նայելու հուշակիզ ու դիրքիդ: Շատերը տեսած են հուշակավոր անուններ, որ հորինած է Դաշնակցութիւնը իր այս կամ այն անդամի համար եւ գահավիժ սնկումներ, որ ստեղծած է նու՛յն Դաշնակցութիւնը նու՛յն մարդկանց համար: Իր պահանջն է, որ

Հանրային գործերը վարեն գաղափարական տիպարներ եւ գործեն միմիայն գաղափարի համար, առանց համարձակելու վայրկյան իսկ մտածել իրենց անձնական շահի համար: Այս պատճառով, այն դիրքերը, ուր խելահեղ մրցությամբ դիմում են սոսկական փառատենչները, «դաշնակցական» մարդու համար ճշմարիտ գողգոթաներ են, ուր ստիպված են Հանրային դիրքի պահանջները հաշտեցնել գաղափարական դաշնակցականի բարձր կոչումին եւ անարվեստ ու համեստ բարքին: Եվ արդեն այդ դիրքերը ստիպումով է, որ տրվում են «դաշնակցականին» եւ ոչ իբր մեծարանք այլ իբր պարտադրանք: Դրսի մարդկանց այս ամենը հեքիաթ կարող են թվալ, բայց դաշնակցականները գիտեն, որ այս այսպես է:

Այս պարագան շատ բնորոշ է մեր կազմակերպության համար. կրկնում եմ Դաշնակցությունը մի շահակցական ընկերություն չէ, ապրուստի եւ բարեկեցության մի ձեռնարկություն, իր անդամների նյութականն ապահովող ու բարեկամող մի կազմակերպություն, այլ ուխտվածների մեկ միություն է սերտորեն մտերմացած, խստորեն կապված ու տաժանորեն հակակշռված: Եվ զարմանքն այն է, որ մի անգամ օձիք տվողը այլեւս ազատում չունի: Բավական սրիկայություն պետք է հանձնառության կապանքները խզելու համար: Այս չարքառության, անդադրում զոհաբերության եւ վտանգալից ասպարեզն իր հմայիչ գեղեցկությունն ունի, որ անմատչելի է շատ շատերին: Ամենքը հաշտ են այն մտքի հետ, որ մտած են կուսակցության մեջ ավելի կամ պակաս զոհելու համար եւ ոչ թե շահի. բայց Դաշնակցությունը հետամուտ է հայ ժողովրդի գերագույն շահերի պաշտպանության: «Դաշնակցականը» պարտավոր է զոհաբերել, որ հայ ժողովուրդը ապրել կարենա: Նա ուխտած է դուր ու դադար չունենալ, «ամեն ջանք թափել», մինչեւ հայ ժողովուրդն ազատվի իր ստորադաս եւ ստրուկ վիճակից:

«Դաշնակցականն» ամենից առաջ ինքն իր մեջ աշխատում է սպանել պատմական ստրկության հետին մնացորդը եւ վախկոտության վերջին հետքերը սրբել: Դրա համար «դաշնակցականները» սովորաբար ավելի խիզախ են, քան արի, թեեւ արիությունը եւս անպակաս է նրանց շարքերում: Ոգեկան եւ բարոյական այն հանդարտ քաջությունը, որ հատկանիշն է արիության, հաճախ պակասում է խիզա-

խին, որ քաջ է պոռթկումով: Սա ոչ թե ժառանգական արիության մարմնացումն է, այլ ժառանգական ստրկության հեղաշրջումը. ուստի հաճախ «դաշնակցականը» չի ճանաչում չափի զգացում: Բայց ավելի լավ է խիզախ լինել պայքարների մեջ, քան թուլամորթ ու ստրկամիտ: «Դաշնակցականն» այսպիսով իր իսկ անձի մեջ վերակազմում է նոր հայության տիպարը, բորբոքելով ժառանգական արիության կայծերը, որ մնացած են անթեղված եւ հարածուն խիզախության խարանելով ու սպիտակելով ժառանգական ստրկամտության վերքերը: Այս բարոյական հեղաշրջումը ամենից ավելի հատկորոշ գիծն է մեր կուսակցության: Սասունցի Դավթի ավանդական տիպարն է, որ կենդանանում է «դաշնակցականի» մեջ, հեղաշրջելով մի դարավոր մտայնություն: Այս հեղաշրջման ճամփին «դաշնակցականը» կորցնում է շատ անձնական շահեր եւ խզում է շատ թանկագին կապեր, բայց նրա աչքին չեն երեւում այդ կորուստները, որովհետեւ մի կողմից խթանում է Կանոնագրի պահանջը՝ «ամեն ջանք թափել», որին նա հանձնառու է դարձած, մյուս կողմից կշտամբում կամ քաշալերում է նահատակ ընկերների թանկագին հիշատակը, որ հսկում է անմար. ընկերներ, որ ոչ մեկ բանով պակաս էին նրանից եւ հաճախ շատ բանով առավել, եւ որոնք, սակայն, մեռան պայքարի ճամփին, կուսակցության դրոշմը թողնելով իրեն: Դաշնակցությունն այսպիսով մի ուրույն բարոյական աշխարհ է, ուրույն ըմբռնումներով ու բարքերով, որ ստեղծում ու սնուցանում է ուրույն տիպարներ: Համեմատեք ուրիշ քաղաքական կուսակցություններ նրա հետ եւ կտեսնա՞ք անդնդախոր տարբերությունը: Սա ոչ թե շահակից անձերի միություն է, այլ արիացող տիպարների ընկերություն: Այստեղ ոչ թե անձնական եւ նյութական շահն է, որ կապում է մարդկանց, այլ բարոյական ուխտի նույնությունն է, որ դարձնում է ընկեր եւ Ծրագիր-Կանոնագրի միությունը՝ համընթաց: Եվ գործի ընթացքին, բուն իսկ մարտիկների շրջանում՝ լինեն նրանք գեներալ թե մտքի ընկեր, ոչ այնքան Ծրագիրն ու Կանոնագիրն է զգացվում, որքան բարոյական կապը: Դաշնակցության պատմությունն այնպես է ընթացել, որ նա դարձնած է ավելի բարոյական տիպարներ, քան պատրաստած է «գործիչներ» բառի սովորական առումով: Եվ շատ անգամ այնպես է թվում, որ «դաշնակցական» մարդիկ առանց որեւէ Ծրագրի եւ Կա-

նոնազրի կարող են մնալ նույն բարոյական ընտանիքը, Հենված իրենց ոգեկան կառուցվածքին եւ գաղափարական տիպարին, միշտ ասպետորեն պատրաստակամ զոհաբերելու իրենց կյանքն ու աշխատանքը Հայ ժողովրդի բարօրութեան համար: «Դաշնակցական» տիպարների այս միութեան մեջ – որ մեր կազմական կյանքի բարձրագույն արդյունքն է, – Դաշնակցութունը դուրս է գալիս կուսակցութեան սահմանից եւ դառնում ասպետական կարգ: Նրա մեջ արթնացած է եւ արժարժվում է վերստին հին եւ արի հայութեան տոհմական առաքինութիւնը «հասանել մարտնչել» միամիտ եւ միասիրտ եւ «ի վերայ աշխարհին դնել զանձինս իւրերեանց մինչեւ ի մահ»: Եվ ավանդական Հայ ասպետի հոյակապ կերպարանքն է կարծեք, որ աշխատում է վերակենդանացնել անձնվեր «դաշնակցականը» այսօրվան գետնատարած հայութեան մեջ, այն ազնվական ասպետի – Մուշեղ Մամիկոնյան, – որ «զտիւ եւ զգիշեր կայր յաշխատութեան. ջանայր եւ ճգնէր կալ ի ճակատու պատերազմին ... Ի վերայ աշխարհին կեալ եւ մեռանել, ի վերայ անւանն քաջութեան, ի վերայ բնակ յտերանց եւ ի վերայ բնակչաց աշխարհին ... զանձն յուր փոխանակ առնել աշխարհին. եւ հանձն իւրու խնայէր ի մեռանել» (Փավստոս. Դ. 21 եւ Ե. 20): Եվ մյուս հոյակապ ասպետի – Մանվել Մամիկոնյան – խրատն է կարծեք, տված իր որդուն. – «Լինել միամիտ (հավատարիմ), ջանալ եւ վաստակել, եւ տալ պատերազմ փոխանակ աշխարհին Հայոց զանձն քո» (Փավստոս. Ե. 44), որ աշխատում են կյանքի մեջ գործ ու տիպար դարձնել Սերոբններն ու Գեվորգ Չավուչները՝ մթին գյուղերից եւ Ռոստոմներն ու Քրիստափորները՝ լուսավոր քաղաքներից: Այս նկատմամբ Դաշնակցութունը մի հրաշափառ հարութիւն է Հայի արութեան եւ մի թոթափում ստրկական շղթաների: Ժողովրդից է նա եւ ժողովրդի համար, –բայց ժողովուրդ է: Իր գերագույն նպատակն է ստեղծել մի Հայ ժողովուրդ իր տիպարի նման, ինչպես ինքը վերստեղծում է Հայ ավանդական տիպարի, որ խաթարված էր դարավոր ստրկութեան մեջ: Միացյալ եւ Անկախ Նոր Հայաստանին պատշաճ է նոր հայութիւն. նոր հայութիւնը միայն կարող է նոր Հայաստան ունենալ. եւ Դաշնակցութունն աշխատում է այդ նոր հայի տիպարն ստեղծել՝ նոր Հայաստանին հասնելու համար:

Եթե ամեն մի դաշնակցական լրիվ զոհացում տա Կանոնազրի Հինգ պահանջներին միաժամանակ, կարող են կարծել, որ այն դեպքում մենք կունենանք միօրինակ տիպարների մի ձանձրալի բազմութիւն: Կրկնելով միեւնույն տիպարը, այդ միօրինակութիւնը թվում է թե պետք է իշխեր ժամանակի եւ տարածութեան մեջ, այսինքն ամեն տեղ նույն տիպարները եւ ամեն ժամանակ նույն տիպարի մարդիկ: Սակայն, այդպես չէ իրոք. Դաշնակցութիւնը բազմազան տարբերութեանց ցուցահանդես է: Դաշնակցականները նման տիպարներ են, ո՛ւր եւ ե՛րբ հանդիպեն, բայց նույն տիպարները չեն: Ինչպես եռանկյունիները եռանկյունի են ամեն տեղ, բայց կան մեծ ու փոքր, սուրն ու բուլթը, ուղղածիրն ու կորածիրը: Ամեն մի Դաշնակցական շարժվում է իր տիպարի ուղղութեամբ, բայց ոչ ամենքը նույն արագութեամբ եւ նույն տեղն են հասած: Ամեն մեկն աշխատում է «ամեն ջանք թափել» բայց ոչ ամենքը նույն գործերի մեջ եւ ոչ նույն չափով: Իր էութեան մեջ անգամ – իր Ծրագրի եւ Կանոնազրի մեջ – Դաշնակցութիւնն անշարժ կուսակցութիւն է: Ոչ միայն իր գործերն են փոխվում, այլեւ ինքը իբր գործող: Քառասուն տարվա ընթացքին ոչ միայն մարդիկ են փոխված, այլեւ նրանց հմտութիւնները: Այդ փոփոխութիւնը բնական է եւ անհրաժեշտ: Այդ փոփոխութիւնն է Դաշնակցութեան ներքին պատմութիւնը, անկախ նրա գործերից, որ նրա արտաքին պատմութիւնն են կազմում: Փոփոխվելով միասին՝ Դաշնակցութիւնը մնում է մի կուսակցութիւն եւ իր բնույթով նույն կուսակցութիւնը: Միաժամանակ նա ամենից ավանդապահ կուսակցութիւնն է եւ այդ ավանդութեան մեջ է իր միութեան ու նույնութեան գաղտնիքը: Նա այն չափով անփոփոխ չի մնում, որ Հնանա եւ անպետքանա հանրային կյանքի ղեկավարութեան համար եւ այդ իսկ պատճառով դուրս նետվի կյանքից, բայց եւ այնքան չի փոփոխվում հեղհեղուկ, որ վատահոլութիւն չներշնչի իբր հենարան կամքերի եւ լծակ՝ գործերի: Նա իր բնույթով մնում է նույնը, բայց հարմարվում է կյանքին: Եվ որքան խստորեն աշխատում է հավատարիմ մնալ իր ավանդութեանց, այնքան լրջորեն հարմար-

վում է կյանքին: Նա նման է մարդկային լեզվին: Ամեն ոք աշխատում է ճշտորեն խոսել իր լսած լեզուն եւ հարազատ մնալու ճիգով՝ փոխվում է լեզուն, ու մի օր սեանում ենք զրաբարը դարձած է աշխարհարար, թեև 1500 տարի բոլոր զավակներն աշխատած են իրենց մոր լեզուն խոսել հավատարմությամբ: Երկուսն էլ հայոց լեզու են, բայց տարբեր են արդեն. նման են, բայց նույնը չեն: Այս է բնական ճամփան ամեն մի բարեշրջության: Ամեն փոփոխություն ոչ թե բեկումն է այստեղ, այլ հոսում. ոչ հեղաշրջում, այլ բարեշրջում: Զգտելով հեղաշրջել հայոց կյանքի պայմանները: Դաշնակցությունը ներքուստ բարեշրջվում է. ուստի նա մնում է մի եւ նույն, թեև փոփոխվում է շարունակ: Կանոնագրի հինգ պահանջները շարունակում են մնալ պարտադիր, բայց գոհացվում են տարբեր եղանակով ու բովանդակությամբ:

Այս երեւոյթը ընկերաբանական է եւ արժե կանգ առնել իր մեկնության վրա: Այս ինչպես է, որ Դաշնակցությունը մնում է նույնը, բայց փոփոխվում է շարունակ՝ հարմարվելով կյանքին ու միջավայրին: Հիմնական պատճառը իր կատարած գործն է: Միշտ հավատարիմ իր Ծրագրին ու Կանոնագրին՝ Դաշնակցությունը հղանում ու կատարում է գործեր, որ իր համոզումով տանում են դեպի ծրագրի իրացումը: Անկախ ձեռնարկի ելքից – հաջող կամ անհաջող – այդ գործի համար մշակած մասնավոր ծրագիրն ու որոշումները՝ գործի վախճանին՝ դառնում են ավելորդ. նրանք հղացումներ ու վճիռներ չեն այլեւս, այլ իրացած փաստեր: Այդ իրացած փաստերի հետեւանքով փոխվում է կացությունը: Կյանքի մեջ ստեղծվում է մի փաստ, որ առաջ չկար. եւ կուսակցությունը կատարած է արդեն մի գործ, որ առաջ չուներ: Նա հիմա մի որոշ գործ կատարած կազմակերպություն է: Ընկերները հիմա ունեն մի գործի փորձառություն, որ առաջ չուներին: Ուրիշ ընկերներ աջակցած են արդեն մի որոշ գործի, որի մասին առաջ լուր իսկ չուներին: Եվ շրջապատը, որ առաջ մի որոշ վերաբերում ուներ դեպի կուսակցությունը, այս նոր գործից հետո փոխում է իր վերաբերումը դեպի լավը կամ վատը, նայած թե կատարված գործը բարիք է համարում թե չարիք: Գործից շահողն ու տուժողը տարբեր վերաբերում են մշակում դեպի գործողը: Մի խոսքով փոխվում է

կացությունը ներքուստ եւ արտաքուստ. կուսակցությունն՝ իր գործով, որ նոր դրվագ է դառնում իր հին պատմության, գործողն՝ իր ձեռք բերած փորձառությամբ. աջակից ընկերներն՝ իրենց օժանդակությամբ, շրջապատն՝ իր վերաբերումով:

Ձեռնարկվում է հերթական գործը ծրագրի իրացման համար. կազմակերպվում է նոր ձեռնարկը, բայց տարբեր են պայմանները ներքուստ եւ արտաքուստ: Թե հղացողն ու որոշողը եւ թե գործադրողը փոխված են արդեն, նրանք նույն մարդիկն են դուրս, բայց արդեն փորձառու են: Գործի ծրագիրն ու որոշումները նույնը չեն, ինչ որ առաջ, քանի որ ձեռնարկն ինքը նոր է եւ տարբեր. բայց հին փորձառությունն սողում է նոր ծրագրի եւ որոշումների վրա: Սրանք նոր մտայնության արդյունք են, որ ինքն արդեն արդյունք է նոր փորձառության: Կուսակցությունն իրեն զգում է ավելի փորձառու, քան նախորդ գործի ժամանակ, ուստի ավելի ինքնավստահ է, կամ ավելի զգուշավոր իր նոր որոշումների մեջ, նայած թե նախորդ գործը հաջող թե անհաջող ելք է ունեցած: Նույն ելքի հետեւանքով՝ նոր ծրագիրը կազմվում է ավելի լայն կամ ավելի նեղ չափերով: Մի խոսքով՝ կուսակցությունը նույնն է, բայց կուսակցականը փոխված է. իր նախորդ գործը մի փաստ է արդեն թե՛ հանրային կյանքի մեջ եւ թե՛ կուսակցականի եւ հանրության գիտակցության մեջ: Եթե նախորդ ձեռնարկը մի ահաբեկում էր, այսօր ահաբեկված չկա այլեւս: Գործի պայմանները փոխված են արդեն: Եթե ահաբեկվածը խուզարկություն էր կատարում շարունակ՝ նրան փոխարինողը զգուշանում է. դրա հետեւանքով ղեկքի փոխադրությունը դյուրանում է: Իսկ եթե նորեկն ավելի դաժան է՝ հալածանքները խստանում են, ոմանք նահատակվում են, ուրիշները խուսափում են, բուսնում են մասնիչներ եւ այլն եւ այլն: Այսպես ուրեմն գործերի հետեւանքով փոխվում է կացությունը – գործիչներն ու շրջապատը, փորձն ու մտայնությունը եւ դրա հետեւանքով նոր որոշումներ են կայացվում եւ գործելու նոր ճամփաներ գծվում: Բայց հիմնականը մնում է նույնը այս դեպքում: Ծրագիր ու Կանոնագիր փոփոխություն չեն կրում. փոխվում են միայն մարդիկ, որոշումներն ու ձեռնարկները: Կուսակցությունը նույն է իր Ծրագրով ու Կանոնագրով, բայց փոխված են իր որոշումները, գործերն ու անդամները:

Ոչ միայն մենք ենք, որ փաստեր ստեղծելով ազդում ենք մեզ
և ուրիշի վրա, այլ և ուրիշ միջավայրերում ստեղծվում են փաս-
տեր, որ ազդում են մեզ ու մեր միջավայրի վրա: Ծագում է Համաշ-
խարհային պատերազմը՝ ոչ մեր կամքով ու որոշումով: Ստեղծ-
վում է անկախ Հայաստանի մի Համեստ կորիզ: Փոխված են միջա-
վայրի պայմանները. փոխվում են գործերն ու գործիչները: Նույն
«դաշնակցական» մարդիկ են, բայց պետք է ուրիշ գործեր հղանան
և ուրիշ որոշումներ կայացնեն: Հին փորձառությունն օգտա-
գործվում է նոր հղացումների համար, հին գործիչները՝ նոր գոր-
ծերի համար, կատարած գործերն ազդում են մշակվող ծրագրների
վրա: Հիմնական ծրագրի պահանջները հիմա մեզնից է կախված
գործադրել. մի մասն իրանում են անմիջապես, մյուս մասը հերթի
են սպասում: Բայց ստեղծված կացությունն այն չէ, որ ակնկալած
կամ նախորոշած էր ծրագիրը: Նա պահանջում էր դաշնակցականո-
րեն միացած Կովկաս՝ Ռուսաստանին դաշնակցորեն միացած: Բայց
Ռուսաստան չկա, որ Հայաստանը նրա հետ դաշնակցորեն միանա,
և ոչ Կովկաս գոյություն ունի, որ Հայաստանը դաշնակցաբար մի-
անա նրան: Թաթար ու վրացի անջատ միավորներ են դարձած:
Նույն Դաշնակցությունն է, նույն Ծրագրով ու Կանոնագրով, բայց
պայմանները փոխված են: Բազմահարզ զանգվածներ — դաշնակ-
ցական, համակիր, գործակից, սոսկական հայեր՝ առանց կուսակցա-
կան պիտակի՝ բոլորված են Դաշնակցության շուրջը և գործում
են նրա ղեկավարության տակ: Մնուկ են առնում նոր տեղեր,
բացվում են նոր հորիզոններ այն բարձունքից, ուր հասած է Հա-
յությունը պատմական դեպքերի ալիքներով վերացած, ինչպես մե-
կը, որ հասնում է մի լեռան գագաթ: Կատարված գործերը վստա-
հունություն են ներշնչում զանգվածներին և վարիչներին, կացու-
թյունը հզոր թելադրանքներ է անում և կյանքի անդիմադիր բե-
րումով փոփոխության է ենթարկվում ամենից ավելի անփոփոխե-
լին — կուսակցության ծրագիրը: Ինքնավար, դաշնակցաբար Կովկա-
սին և նրանով Ռուսաստանին կապված Հայաստանի գաղափարը
մթաղնում է մարդկանց գիտակցության մեջ և նրան փոխարինում
է Միացյալ և Անկախ Հայաստանի գաղափարը: Փոխվում է կու-
սակցության դերն ու դիրքը հայ կյանքում ներքուստ և աշխար-

հի մեջ՝ արտաքուստ: Մշակվում է մի նոր Կանոնագիր, որ սահմա-
նում է պետական մարմինների և կուսակցության հարաբերու-
թյունը: Ծրագիրը դառնում է զրզիչ բազմատեսակ գործառնու-
թյանց ու ձեռնարկների: Նույն կուսակցությունն է դարձյալ, բայց
արդեն փոփոխ Ծրագրով, Կանոնագրով ու գործերով: Այսպես ու-
րեմն կատարած գործը ինքնին սկզբունք է փոփոխության և վե-
րակազմության:

Բայց ինչն է, սակայն, որ այս բոլոր փոփոխությանց մեջ կայուն
է պահում կուսակցությունը և կազմակերպությունը.՝ դաշնակ-
ցական տիպարների նույնությունը նախորդ գործիչների համեմա-
տությամբ: Անկախ գործերի տեսակից ու չափից՝ դաշնակցական-
ները մնում են նույն տիպարի մարդիկ, նույն բարոյական կա-
ռույցները. աշխատավոր հայ ժողովրդի անկաշառ և անձնվեր
սպասավորներ, որ ենթակա են նույն Կանոնագրին և հետամուտ
են նույն ծրագրի իրացման: Կուսակցությունը փոփոխած է իր
ծրագրի մի մասը և հավելում բերած է իր Կանոնագրին, բայց սա-
պետական կարգի բարոյական խարխիսները նույն են մնացած և
անդամների տիպարները իրենց բարոյական էությունը անփոփոխ
են տեսակես: Ըստ էության նույն Դաշնակցությունն է ամեն տեղ
և նույն դաշնակցականները, որ «ամեն ջանք թափում են» Կանո-
նագրի հինգ կետերին գահացում տալու:

Կազմակերպական փորձառությունը, որ ձեռք է բերված հա-
մեստ խմբերի և մարմինների մեջ, դառնում է գորավոր ազդակ
հանրային մեծ շարժումներ վարելու գործում: Ծարժումները փո-
խում են իրենց ընթացքը, դառնում են նպաստավոր կամ
աննպաստ, բայց կուսակցությունն իր էության մեջ մնում է նույ-
նը և «դաշնակցականը» հավատարմորեն կրկնում է նախորդ տի-
պարների հիմնական գծերը: Այս տեսակետով ոչ այնքան գործերն
են կարեւոր, որքան կազմակերպությունը և կան օրեր երբ պետք
է գործերը լքել, կազմակերպությունը պահելու համար: Կարճա-
միտներին կարող է թվալ, որ սա կնշանակե միջոցն ավելի գերադա-
սել, քան նպատակը, բայց իրական կյանքը և ուղիղ դատումը մեզ
տարբեր բան են ասում: Կազմակերպություն ունենալով միշտ կա-
րելի է գործեր կատարել, բայց կազմակերպության գոյությունը

վտանգելով, ծրագիրը կմնա անտեր եւ անտիրական եւ Հանրային գործերը կստանան «ընական» ընթացք: Եվ ճիշտ այս է պատճառը, որ Հայ ժողովրդի ներքին եւ արտաքին թշնամիները գիտակցաբար թե անգիտակցաբար ամեն կերպ աշխատում են քայքայել Դաշնակցությունը, որովհետեւ լավ գիտեն թե քանի նա կա, միշտ կարող է «գործեր» ստեղծել, իր ծրագրին հետամուտ եւ Կանոնագրին ենթակա, իսկ եթե նա վերանա՝ Հայության կյանքը ցրիվ եւ անկադմակերպ գործերի մի պղտոր ջուր կդառնա, ուր ամեն ոք կարող է իր ուզած ձեւերը որսալ:

Այսպիսով Կանոնագրի հինգ պահանջները, որ առաջին նվազ թվում են այնքան համեստ ու հասարակ իրոք մեծարժեք են ոչ միայն կուսակցական այլեւ հանրային տեսակետով: Եվ այդ պահանջների ամենօրյա կատարումը, որ ոմանց թվում է աննշան ու տաղտկալի, իրոք այն մուրճն է, որ դարձնում է կուսակցության պողպատը, դարձնելով նրան հատու զենք ընկերային պայքարների մեջ: Այդ պահանջներին հավատարմորեն գոհացում տալով է, որ կուսակցությունը մնալով միշտ նույնը՝ ենթարկվում է արդյունավոր փոփոխությանց եւ տեւաբար հարմարվելով կյանքին՝ չի գուլանում ու ժանգոտում խաղաղ օրերին:

Այս տեսակետով ամեն մի «դաշնակցական» կոչված է նույն դերը խաղալու կուսակցության մեջ, ինչ որ նրա հիմնադիրներն ու հետագա պահնորդները: Մի խումբ նույն տենչերն ունեցող մարդիկ ժամանակին մշակած են մի քաղաքական-տնտեսական հեղաշրջման իրագործելի ծրագիր: Իրենց ծրագրի իրացմանը հասնելու համար նրանք կազմած են մի Կանոնագիր եւ հերթական ձեռնարկների համար հանած են որոշումներ, տրամադրած են շատ համեստ դրամական միջոցներ եւ աշխատած են իրենց գաղափարները տարածել եւ կուսակիցներ գտնել, անձամբ «ամեն ջանք թափելով» իրենց Մրագրի, Կանոնագրի եւ որոշումների իրագործության համար, կանգ չառնելով մինչեւ իսկ մահվան առջեւ: Նույնը վիճակված է անելու եւ հետագա անդամներին. ընկերներ նրանք գտնում են խմբի մեջ, որոնց թիվը պարտավոր են ավելացնել. ծրագիրը նրանք գտնում են պատրաստ, բայց որ կոչված են փոխելու՝ հարմարելով կյանքի բերումին. ենթակա են մի կանոնագրի, որ կարող

են փոփոխության ենթարկել՝ ընկերների հետ համախորհուրդ, կատարում են որոշումներ, որ իրենք են հանած կամ իրենց ընկերները՝ համախորհուրդ իրենց հետ. կուսակցական տուրք են վճարում եւ պարտավոր են «ամեն ջանք թափել» իրացնելու իրենց Մրագիրը, Կանոնագիրն ու որոշումները: Այսպիսով ոչ միայն ավանդ են ստանում, այլեւ ավանդ են ստեղծում նախորդների պես: Ոչ միայն հավատարմությամբ պահում են ավանդը, այլ եւ հավատարիմ մնալու համար փոփոխում են շարունակ: Այսպիսով, ըստ հուլիսյան, կրկնվում են ոչ միայն դաշնակցական տիպարները, այլեւ նրանց պարտականությունն ու դերը կուսակցության մեջ: Դաշնակցության անդամակցիլ, «դաշնակցական» կոչումն իրավամբ առնել իր վրա նշանակում է աշխատել, որ ընկերային զորավոր ազդակը՝ Դաշնակցությունը՝ տեւապես մնա զորավոր՝ իր ընկերային հեղափոխական դերը կատարելու մեր կյանքում: Ամեն մի «դաշնակցական» կոչված է Սասունցի Դավթի նման «թուր կայծակին» շարժելու Մարա Մելիքի դեմ. նա պարտավոր է հոգալ թե իր բազկի զորության մասին՝ բարոյական տիպարը մշակելով իր մեջ եւ թե կայծակե թուրի զորության մասին՝ «ամեն ջանք թափելով», որ նա չգուլանա եւ չժանգոտի անտեղի եւ անվայել գործերի մեջ, այլ միշտ սրբած ու պատրաստ՝ ասպետական անշահախնդիր ձեռքի մեջ, օրհասական պայքարների օրերին՝ իջնի թափով ու զարկե սարսափով...

Ահա թե ինչ են թելադրում Կանոնագրի երկու չոր ու ցամաք հոգվածները:



Մեր կուսակցությունը կոչվում է Հայ Յեղափոխական Դաշնակցություն: Իր կազմության օրերին նրա անունն էր «Հայ Յեղափոխականների Դաշնակցություն»: Նույն նպատակին ձգտող, բայց տարբեր խմբակցությանց պատկանող Հայ հեղափոխականներ, դաշնակցելով իրար հետ ընդհանուր գործի համար՝ կազմեցին մեր կուսակցությունը: Այսպիսով իր կազմության օրերին նրա նպատակը գործնական էր: Նա ոչ այնքան հետամուտ էր ամեն կողմով

Համամիտ մարդիկ գտնելու եւ բերելու իրար քով, որքան նույն գործին ու նպատակին ձգտող հեղափոխականներ դարձնելու իրար դաշնակից: Այս պատճառով նա գործեր ունեցավ, առաջ քան ծրագիր ունեար: Դրանք տարբեր մտայնություն ունեցող մարդիկ էին, բայց բոլորովին նույն գործին ու նպատակին էին հետամուտ. այդ նպատակը տաճկապատկան Հայաստանի ազատագրությունն էր: Մտածումի նույնությունն այսպիսով նախապայման չէր կուսակցությանն անդամակցելու: Ծրագրի ընդհանուր գծերը նույնն էին եւ պատճառաբանությունն ընդհանրապես նույն հիմքերն ունեւր, բայց այդ հանգամանքը առաջնակարգ նշանակություն չունեւր. կարելուրը գործն էր: Ով որ ձգտում էր հայ ժողովրդի ազատագրության եւ գործնապես աշխատում էր այդ նպատակի համար, դրանով իսկ իրավունք էր ստանում Դաշնակցության անդամակցելու: Ժողովրդի խավերից դուրս եկած գործիչները բնավ մտահոգ չէին այն մասին թե ի՞նչն է իրենց պայքարի վերջնական նպատակը. «ազատություն», ասում էին նրանք եւ զենք առնում, անցնում երկիր՝ հարստահար ժողովրդին օգնելու համար եւ հայերին ազատելու թուրքի լուծից: Մտավորական խավն էր, որ երբեմն գրամարտ էր մղում ծրագրի համար. մարտիկը գիտեր իր թշնամին իբր թուրք եւ գնում էր նրա ձեռքից հայ ազատելու:

Կուսակցության գործնական բնույթը արգելք էր դառնում ծրագրային խնդիրների վրա երկարորեն կանգ առնելու եւ այդ կարգի հարցեր քննում էին ու նրանց շուրջը պայքար ստեղծում առավելապես այն մարդիկ ու խմբակները, որ գործի մեջ թերանում էին: Դաշնակցության հիմնադիրներն անզամ ծրագրային խնդիրների մեջ շատ բարակը չէին մանուկ: Ընդհանրապես պարզ էր շարժման նպատակը – այդքանը բավ էր գործեր հղանալու, կազմակերպելու եւ վարելու համար: Ոչ թե չէին գիտակցում ծրագրային խնդիրների արժեքը, այլ չէին կարծում, որ նրանց մանր քննությունն ու լուծումը գործնական հեղափոխության համար անխուսափելի անհրաժեշտություն լիներ: Այս պատճառով մի որեւէ հեղափոխական ձեռնարկի ծրագիրն ավելի շատ ժամանակ էր խլում եւ ավելի մեծ վիճաբանությունաց տեղիք տալիս, քան բովանդակ կուսակցության ընդհանուր ծրագրի մշակումը: Հավանորեն ամեն-

քը մտածում էին. «նախ ազատագրվենք, հետո կտեսնենք թե ինչպես պետք է կազմակերպել ժողովրդի կյանքը»: Այս գործնական ոգին մեր կուսակցության հիմնական հատկությունն է եղած եւ շարունակում է մնալ մինչեւ այսօր: Ծրագրային խնդիրները հիմա շատ ավելի արժեք ունեն, քան առաջ, բայց շարունակում են նվազ արժեք ունենալ քան գործնական հեղափոխության խնդիրները:

Սկզբում կուսակցությունը կոչվում էր «Հայ Յեղափոխականների Դաշնակցություն», բայց շուտով դարձավ «Հայ Յեղափոխական Դաշնակցություն»: Այս հանգամանքը անհետեւանք չմնաց հետագային: Կուսակցականների գիտակցության մեջ Դաշնակցությունն իբրեւ հեղափոխական կուսակցություն սկսավ ձեւավորվել ավելի, քան իբր հեղափոխականների դաշնակցություն: Ուշադրությունը՝ ժամանակի ընթացքին՝ կուսակցության անդամների որակից անցավ բուն իսկ կուսակցության բնույթին: Ոչ այնքան հեղափոխականների դաշնակցություն, այսինքն հեղափոխական մարդկանց միություն, այլ հեղափոխական դաշնակցություն, այսինքն հեղափոխական մի որոշ ծրագիր հետապնդող կուսակցություն, որ ունի հեղափոխական գործելակերպ: Եվ աստիճանաբար Դաշնակցությունը դարձավ ոչ թե առհասարակ հեղափոխականների միություն, այլ դաշնակցական իմաստով հեղափոխականների կազմակերպություն: Հիմա նա նույն մտածումն ու ծրագիրն ունեցող հեղափոխականների կուռ միություն է եւ ոչ թե նույն նպատակն ունեցող հեղափոխականների դաշնակցություն: Հիմա մեր նպատակներն ունեցող մարդիկ, որ գործակցում են մեզ, դրանով չեն դառնում «դաշնակցական». նրանց մենք այսօր համարում ենք գործակիցներ, համակիրներ, աջակիցներ, օժանակներ, բայց ոչ կուսակցականներ եւ մեր կազմակերպության անդամներ: Մենք չենք մերժում նրանց գործակցությունն ու աջակցությունը, բայց նրանց տարբերում ենք մեզանից: Մենք նրանց նույնպես հեղափոխական ենք համարում, բայց ոչ դաշնակցական: Նրանց «հեղափոխական» ճանաչելու հետեւանքով է, որ մենք ընդունում ենք նրանց գործակցությունը եւ հնար ենք տալիս մեր կազմակերպության մեջ եւ մեր դրոշի տակ հետապնդելու իրենց նպատակները, որ նաեւ մերն են, բայց մենք նրանց զատում ենք մեզանից եւ չենք համարում

մեր կուսակցութեան անդամ: Այսպիսով ոչ ամենքը, որ Հեղափոխական են, դրանով իսկ դաշնակցական են եւ ոչ ամենքը, որ ձգտում են Հայ ժողովրդի ազատագրութեան Հեղափոխական ճանապարհով՝ դրանով իսկ մեր կուսակցութեան անդամ են: Կուսակցութեանը Հիմա գործակցում է այլամիտների հետ, բայց չի նույնանում նրանց հետ իբր նույն կուսակցութեան: Գործնական խնդիրները վերադաս են այսօր, ինչպես որ էին երեկ, բայց նրանք բնավ չեն համարվում կուսակցական միակ շաղախը՝ իր անդամներին գողելու համար: Մի ժամանակ մեզ գործակցողը, թեկուզ եւ չլիներ համախոհ, համարվում էր կուսակից, այսօր կուսակից է նա, որ ոչ միայն գործակցում է մեզ այլեւ համախոհ է մեզ:

Այս հանգամանքը մեր կուսակցութեանը դարձնում է մի կուսակցութեան եւ մեծապես նպաստում է նրա ներքին ուժին եւ կարգապահութեան: Նա վերացնում է նախորեն ամեն տարտամութեան եւ դրանով անհնարին է դարձնում ամեն ներքին քայքայում: Որովհետեւ գործն ու նպատակը մեծ ազդակներ են մարդկանց միացման համար, բայց ավելի մեծ ու գորավոր ազդակներ են մտածումի եւ նկարագրի նույնութեանը: Սրանով «գործակիցները» տարբերվում են «ընկերներից»: Գործակիցները լավագույն դեպքում հավատարիմ են նույն գործին, իսկ «ընկերները» նույն կուսակցութեան, որ ոչ միայն այդ գործն ունի, այլեւ շատ ուրիշ գործեր: Գործերի հաջող կամ անհաջող վախճանը կարող է երկարատեւ կամ կարճատեւ դարձնել գործակցութեանը, բայց կուսակցական ընկերների կապը մնում է ամուր եւ անխորտակելի թե լավ թե վատ օրերին: Ու թեեւ մեր կուսակցութեանն այլեւս չի կոչվում «Հայ Յեղափոխականների Դաշնակցութեան» բայց նա մնում է եւ պետք է մնա իբր «յեղափոխական Դաշնակցութեան»: Մարդկանց միջեւ հիմա ընտրանք ենք անում, բայց գործի բնույթը պահում ենք նույնը: Դաշնակցութեանը հիմա այլազան Հեղափոխականների միութեան չէ, այլ նույնամիտ ու նույնատիպ Հեղափոխականների ընկերութեան: Շեշտը հիմա մենք դնում ենք «Հեղափոխական» բառի վրա, որ մեզ համար ուրույն բովանդակություն ունի եւ բովանդակ կուսակցութեան բնույթն ենք ուզում շեշտած լինել ավելի, քան նրա անդամների բնույթը: Մենք հիմա տարբեր տի-

պար ենք եւ տարբեր մտայնութեան Հեղափոխականների շրջանում, առաջ միայն Հեղափոխական էինք ոչ Հեղափոխական հանրութեան մեջ: Հիմա մենք «դաշնակցական» Հեղափոխականների կուսակցութեան ենք, ավելի լավ է ասել՝ «ընկերութեան» ենք, ինչպես խորին իմաստութեամբ կոչած է Հայ ժողովուրդը՝ մեզ անվանելով ընկերութեան մարդիկ:

* * *

Մեր կուսակցութեանը կոչվում է «Հայ Յեղափոխական Դաշնակցութեան»: Իր հայ բառով նախորոշված է մեր կուսակցութեան հիմնական գծերից մի քանիսը: Նա ուրեմն մի հայ կուսակցութեան է: Այս կարճ բառը ընդարձակ մեկնութեան տեղիք է տալիս:

Լինելով հայ կուսակցութեան, դրանով իսկ Դաշնակցութեանը սահմանափակ կուսակցութեան է. իր կազմակերպական դաշտը վերջանում է այնտեղ, ուր վերջանում է Հայ ժողովուրդը: Նա իր անդամներն առնում է հայերի միջից եւ ամեն տեղ, ուր որ հայեր կան: Պատահաբար որեւէ այլազգի կարող է անդամ լինել Դաշնակցութեան, բայց կուսակցութեան նպատակը Հայ Հեղափոխական տիպարների եւ ճիզերի կազմակերպությունն է եւ Հայ Հեղափոխական գործի ղեկավարությունը: Նա մի որոշ տեղ ամփոփված կազմակերպություն չէ, որովհետեւ ամփոփ չէ ինքը հայութեանը. նա հայութեան մեջն է եւ նրանից է իր անունը ստանում՝ նյութական թե բարոյական, ուստի գնում է հայութեան հետեւից՝ թե՛ նրան եւ թե՛ իրեն մենակ չթողնելու համար: Նա կարող է այլազգի կազմակերպությանց համակիր ու գործակից լինել, բայց նա ինքն իր մեջ մնում է հայկական եւ օտար կազմակերպություններից զատվում է իբր ուրույն ազգի կազմակերպություն: Իր ժողովրդի ներսը նա զատվում է մյուս կազմակերպություններից իր մտածումով, Մրագրով, Կանոնադրով ու գործելակերպով, իսկ օտարներից իր ազգային պիտակով՝ ամենից առաջ: Նա որեւէ միջազգային Հեղափոխական կուսակցութեան ազգային հատված չէ, այլ ինքնուրույն է անկախ կուսակցութեան է մի ուրույն ազգի: Ազգի ուրույնութեանը սահմանն է Դաշնակցութեան, ինչպես ինքն իր գոյութեամբ

գորավիզ է ազգի ուրույնության: Ազգի ինքնության արտահայտիչներից մեկն է նա: Ինչպես հայ եկեղեցին հայության ուրույն կազմակերպությունն է տիեզերական քրիստոնեության, այնպես էլ Դաշնակցությունը հայության ուրույն կազմակերպությունն է տիեզերական հեղափոխության: Իր հիմքերով տիեզերական Դաշնակցությունը մնում է ազգային եւ հայ իր ծավալման սահմաններով: Համաշխարհային հեղափոխական մտքի հայ գործակալն է Դաշնակցությունը հայոց ազգի շրջանում, Համաշխարհային ազատագրական շարժման գործավարն է նա հայության մեջ: Իբր մարդ՝ նա օտար չէ մարդկային իրավական եւ ընկերային գերազույն ըմբռնումներին, բայց այդ ըմբռնումները նա ձգտում է իրացնել հայ կյանքի մեջ եւ հայերի ձեռքով: Սրա համար նա համակիր է հեղափոխական շարժումների, ուր եւ պատահեն եւ ջակից է նրանց, ուր հասնում է իր ձեռքը: Բայց դրանով չի նույնանում նրանց հետ իր Ծրագրով ու Կանոնագրով, այլ նման է բնույթով՝ սակայն անջատ իր գործի միջավայրով ու անդամներով:

Այս հայ բառի իմաստը ուրույն բովանդակություն է ստացած Հայաստանի Հանրապետության ստեղծումի ընթացքին եւ այնուհետեւ: Մեր ծրագիրը պահանջում էր երկու լայնորեն ինքնավար հայ շրջաններ՝ մեկը Ռուսաստանում եւ մյուսը Տաճկաստանում: Նա պահանջում էր Կովկասի հայաշատ գավառները գատել վարչապես ու դարձնել մի ինքնավար շրջան, իսկ Տաճկաստանի հայաշատ գավառները գատել վարչապես ու դարձնել մի ուրիշ ինքնավար շրջան: Կովկասի ինքնավար շրջանը նա պահանջում էր դաշնակցորեն կապել թաթարական եւ վրացական ինքնավար շրջանների հետ եւ իբր մի դաշնակցորեն կապված վարչական միավոր՝ դաշնակցական կապերով կցել Ռուսաստանին, իսկ Տաճկաստանի հայաբնակ ինքնավար շրջանը անմիջորեն կապել Տաճկաստանին: Այսպիսով մենք պահանջում էինք ինքնավար երկու շրջան վարչապես գատ եւ քաղաքականապես անսնջատ: Մենք ձգտում էինք թե՛ թուրքիայում եւ թե՛ Ռուսաստանում ներքնապես անկախ լինել մեր գործերի մեջ եւ արտաքուստ միացած. պետական հանուր գործերը վարել մեր ձեռքով: Այս ծրագիրը մերժում էին ամենքը, քանի դեռ ծրագիր էր միայն. այսօր երբ իրացած է, մերժում ենք մենք, նրա հղացող-

ներն ու մշակողներս եւ պաշտպանում են նրանք, որ երբեմն մերժում էին չարաչար:

Նախորդ ծրագրով մենք մի ազգային կուսակցություն էինք, մեր կազմակերպության եւ պահանջների տեսակետով, որ գործում էինք տարբեր պետությանց մեջ: Կուսակցության միություն հիմունքը հայ ժողովրդի միությունն էր, որ ապրում էր անջատ՝ Ռուսաստանում եւ Թուրքիայում երկու տարբեր իրավական կարգերի տակ, երկու տարբեր ընկերային եւ տնտեսական պայմանների մեջ, երկու տարբեր ցեղաբանական միջավայրում: Հայությունը մեկ էր իբր ժողովուրդ, բայց գատ էր իբր քաղաքացի. եւ այս պատճառով Դաշնակցությունը մեկ էր իբր հայ կազմակերպություն, բայց գատ էր իբր տարբեր երկրների կուսակցություն: Նա թուրքիայում մեկն էր Թուրքիայի կուսակցություններից եւ Ռուսաստանում մեկը Ռուսաստանի կուսակցություններից: Նա մեկ էր իբր հայ կուսակցություն, բայց երկու էր իբր տարբեր պետությանց քաղաքական ազդակ: Նրա նպատակը միեւնույն հայ ժողովրդի քաղաքական եւ տնտեսական բարեկեցությունն էր, բայց երկու տարբեր երկիրների մեջ: Երկու երկրի մեջ եւս նա հեղափոխական կուսակցություն էր եւ հետամուտ էր միապետական կարգերի վերացման, երկու վայրում եւս բնական դաշնակիցն էր այն բոլոր կուսակցությանց ու հոսանքների, որ նույն նպատակն ունեին այդ վայրերի մեջ: Այդ է պատճառը, որ նա գործակցում էր ուրիշ հեղափոխական կուսակցությանց հետ Ռուսաստանում եւ Երիտասարդ Թուրքերի հետ Տաճկաստանում: Որովհետեւ Դաշնակցությունը լինելով մի եւ անբաժան՝ միաժամանակ թուրքիայի ներքին քաղաքական ազդակներից մեկն էր, ուստի մասնակցում էր այդ երկրի ներքին հեղափոխական եւ քաղաքական խնդիրների լուծման. նույն պահվածքն ուներ նաեւ Ռուսաստանում: Նա հեղափոխական էր թե՛ Ռուսաստանում, թե՛ Տաճկաստանում եւ այդ երկրների ազատասեր քաղաքացին լինելով՝ նա ռուս հայենասեր էր Ռուսաստանում եւ թուրք հայրենասեր Տաճկաստանում, միշտ մնալով հայ ժողովրդասեր եւ իր ապրած պետությանց ներքին հեղաշրջումը համարելով նախապայման իր պատկանած ժողովուրդի բարեկեցության: Նա ձգտում էր հայերին նույնիրավ քաղաքացի դարձնել թե՛

Ռուսաստանում, թե՛ Թուրքիայում եւ աշխատում էր ա՛յն գաղափարը պատվաստել տիրապետող ազգերին, թե Հայրենիքը ոչ միայն իրենց է պատկանում այլ մյուս ժողովուրդների հետ նաեւ Հայերին եւ հետեւապես Հայերը ոչ թե պետք է Հպատակներ նկատվին, այլ նույնիրավ քաղաքացիներ: Իբրեւ Ռուսաստանի իրավազուրկ քաղաքացի նա սահմանադրական կարգ էր պահանջում եւ ներքին լայն ինքնավարութիւն Ռուսաստանի մեջ բուն իսկ ռուսազգի իրավազուրկ զանգվածների հետ միասին. նույն պահանջները նա դնում էր նաեւ Տաճկաստանում նույն հիմունքներով մյուս իրավազուրկ ազգերի եւ Թուրք քաղաքացիների հետ միասին: Նա մի կողմից աշխատում էր նույն իրավունքներն ապահովել Հայ ժողովրդին ինչ որ արդեն ունեին ռուսն ու Թուրքը իրենց Հայրենիքում, մյուս կողմից նա գործակցում էր նրանց նոր իրավունքներ ձեռք բերելու եւ նոր կարգեր ստեղծելու ամենքի համար, ուրեմն եւ իր համար: Նա մասնակցում էր այդ երկրների թե շինարարութեան՝ իր աշխատանքով եւ թե հեղափոխութեան՝ իր գործերով: Սահմանափակ էր Դաշնակցութիւնը Հայ ժողովրդի ծոցում, բայց ընդարձակ էր իր գործունեութեան դաշտը: Նա մասնակցում էր Բաքվի բանվորական ցույցերին ու գործադուլներին եւ Պետրոգրադի ռուսանողական շարժումներին, թեեւ Բաքուն ու Պետրոգրադը Հայաստան չէին. բայց որովհետեւ նրանք Ռուսաստան էին, իսկ ինքը նույն երկրի իրավազուրկ քաղաքացին էր, ուստի հարկաժուժ էր հին կարգն ամեն տեղ, ուր հանդիպում էր նրան:

Այսպիսով Դաշնակցութիւնը նախորդ շրջանում ոչ այնքան Հայրենիքն ուներ նկատի, որքան Հայութիւնը: Իր քաղաքական պահանջը ավելի չէր քան լայն ինքնավարութիւն Հայաբնակ գավառների: Նա հիմք առնում էր Հայ տարրի բնակավայրը ոչ պատմական իմաստով, այլ խտութեան չափով: Բարեբախտաբար, Հայութիւնը խիտ էր այն գավառներում, որ երբեմն նրա քաղաքական Հայրենիքն էին կազմում: Հայերնիքի գաղափարը նա ստորադասում էր բնակավայրի գաղափարին: Եթե խստորեն բնորոշենք՝ Դաշնակցութիւնը նախորդ շրջանում հեղափոխական ազգասեր էր եւ ոչ հեղափոխական Հայրենասեր: Գուցե կային ոմանք, որ կարծում էին թե լայն ինքնավարութիւնը մի կայան է անկախութեան

ճամփին, բայց Դաշնակցութեան ղեկավար խավերի մեջ անշատողական միտումներ չկային: Ռուս միապետական մամուլն էր, որ Հայերին վերագրում էր այդ հակումը եւ Հայերն անկեղծութեամբ եւ խորին վրդովումով մերժում էին այդ մեղադրանքը ոչ թե քաղաքականութիւնն անելով, այլ իրողութիւնը մեջտեղ հանելով: Գուցե առաջին մտածողները ունեին այդ գաղափարը, բայց նա երբեք լրջորեն տեղ չէ գրաված կուսակցութեան իմացութեան մեջ:

Այսպիսով Դաշնակցութիւնը ոչ թե ազատ Հայրենիք ստեղծելու էր հետամուտ, այլ բարեկեցիկ Հայ ժողովուրդ՝ իր բնակավայրում: Ոչ թե անշատական էր անկախութեան իմաստով, այլ ինքնավարական էր դաշնակցական իմաստով: Ոչ թե ձգտում էր Հայաբնակ գավառները անշատել Ռուսաստանից ու Թուրքիայից եւ իրար կցելով ստեղծել մի ազատ եւ անկախ Հայաստան, այլ աշխատում էր Հայ ժողովրդի բնակավայրերը զատել վարչապես իբր ռուսյն, ներքնապես ինքնավար շրջաններ, սակայն, կապված այն պետութեան, որի մեջ պատմութիւնը դրած էր Հայ ժողովրդին: Նա ձգտում էր մայրենի լեզվով դատ ու դատաստան ունենալ եւ կրթութիւն, գավառի ներքին գործերը ինքը վարել եւ իր լեզվով, բայց ձգտում չուներ իր գործն ունենալու, իր պոստն ու երկաթուղին եւ իր դրամը: Սա մի ձգտում էր պահելու ազգն ու ազգայնութիւնը իբր թիվ եւ կերպարանք՝ պետական օրենքների բարեփոխ հովանու տակ: Նա ձգտում էր Հայերին իրավունք ապահովելու, որ իբր Հայ ապրեն օտար ազգի պետութեան մեջ ոչ թե նրանց բարյացակամութեան շնորհիվ, այլ պետական օրենքի երաշխիքով. ոչ թե հանդուրժված մի տարր, այլ իբր իրավասու եւ իրավասեր ազգ: Ուստի նա կուսակից էր դաշնակցորեն կազմված Ռուսաստանի եւ Թուրքիայի, ուր Հայաբնակ գավառները միասնաբար՝ իբր ռուսյն վարչական միավոր՝ կազմելու էին այդ պետութեանց քաղաքիչ մասերը: Նրա համար քաղաքական կազմութեան օրինակ էր հանդիսանում Զվիցերիան եւ Ավստրիան. Զվիցերիան իբր տիպար Կովկասի համար, ուր տարբեր ազգեր առանց իրենց մշակութային ինքնութիւնը ժխտելու՝ ապրում են մի վարչական կարգի տակ, իսկ Ավստրիան իբր վարչական տարբեր միութեանց միութիւն: Այս լուծումը որ տեսապես թվում էր բանական եւ արդար, կարծում

էին թե լավագուցն լուծումն է, որ ապահովում է ազգերի ինքնու-
թյունը եւ կեր է տալիս պետութեանց միարար քաղաքականութեան:
Այս լուծումը պետութեան եւ պետական ժողովրդի կամքը սահմա-
նափակում էր համապետական խնդիրներով, իսկ տարբեր ազգերի
ինքնավարութիւնը՝ ներքին խնդիրներով: Այն ամենը, որ համա-
պետական արժեք ու նշանակութիւն ունենէր եւ թողնուած էր կենտ-
րոնական իշխանութեան, ուր ձայն ունենէին նաեւ տարբեր ազգերն
իրենց թվի համեմատ, իսկ այն ամենը, որ տեղական նշանակու-
թիւն ունենէր, թողնուած էր տարբեր ազգերին կազմակերպելու եւ
վարելու: Ազգերը հաշտուած էին կլանվիլ մեծ պետութեանց մեջ
իրբ քաղաքական միավոր, բայց ձգտում էին շեշտել իրենց ինքնու-
թիւնը իբր վարչական եւ մշակութային միավոր: Այս մտածման եւ
ծրագրի հիմունքն այն համոզումն էր, որ Ռուսաստանը բնավ Կով-
կասից հեռանալու չէ եւ չկա մի ուժ, որ ստիպէ նրան հեռանալ:
Տաճիկն անգոր է, Պարսկաստանը թույլ, Եվրոպան բաժան եւ տա-
րամերժ, Չինաստանը՝ թմրած, Ճապոնը՝ հեռու, ուստի եւ անշա-
հազրգիւ:

Մեծ պատերազմը, սակայն գլխիվայր շրջեց ամեն նախատեսու-
թիւն: Ռուսաստանը հեռացավ եւ Կովկասը մնաց մենակ ու
ազատ: Մի պահ Դաշնակցութեան ծրագիրը գործադրութեան հար-
մարութիւն ունեցավ գոնե Կովկասի համար: Հեղափոխութեան շր-
ջանին Կովկասը դարձավ վարչապետ գաղտնի միավոր, բայց կապ-
ված Ռուսաստանին: Այդ վիճակը դեռ լավ չորոշված՝ Կովկասը
իրբ Կովկաս, մնալով երեք ժողովրդի միացյալ պետութիւն, բա-
ժանվեց Ռուսաստանից: Այն տարբերը, որ սկզբունքով դեմ էին
ամեն մի վարչական բաժանման եւ դավանում էին մի եւ անբաժան
Ռուսաստան — վրաց ընկերվար — ռամկավարները — առաջինը
եղան, որ անջատեցին Վրաստանը Կովկասից՝ հակառակ Դաշնակ-
ցութեան կամքին ու ցանկութեան: Դաշնակցութիւնն այսպիսով
ստիպված եղավ երեսը դարձնելու դեպի հայաբնակ գավառները,
որ արդեն գրաված էին նրա ուղադրութիւնը ինքնապաշտպանու-
թեան տեսակետով: Պատմութիւնն այսպիսով մղեց Դաշնակցու-
թիւնը դեպի հայրենիք եւ ինքնավար, բայց դաշնակցորեն Ռու-
սաստանին կապված հայաբնակ գավառների կուսակիցները դար-

ձան Միացյալ եւ Անկախ Հայաստանի պաշտպաններ: Քաղաքական
մտքի այս հեղաշրջումը կատարվեց ազգամիջյան պայքարների եւ
ընդհարումների եւ հայ թուրքական ուժերի բախման թո՛հ ու բո՛հի
մեջ: Դաշնակցութիւնը քաղաքական տեսակետով դարձավ մի բո-
լորովին նոր կուսակցութիւն, մնալով սակայն մի եւ նույն: Նա
հիմա նույնպես ձգտում էր հայ ժողովրդի բարեկեցութեան, բայց
ոչ թե օտար պետութեանց շրջագծի մեջ, այլ նրա բուն պատմական
հայրենիքում: Ժողովրդի բարեկեցութիւնը նա այլեւս չէր կա-
պում Ռուսաստանի եւ Թուրքիո ներքին բարեփոխութեան, այլ իր
հայրենիքի — Հայաստանի ազատութեան հետ: Նա դադարում էր
այլեւս Ռուսաստանի եւ Թուրքիայի ներքին կուսակցութիւններե-
րից մեկը լինելու եւ գործոն մասնակցութիւն ունենալու նրանց
ներքին հեղաշրջման մեջ, այլ դառնում էր Հայաստանի գործոն ու
ղեկավար կուսակցութիւնը, որ ձգտում էր հայաբնակ բոլոր շր-
ջաններն անջատել ու միացնել իրար՝ ստեղծելու համար միացյալ
եւ անկախ Հայաստան: Նա որ անջատողական չէր, հիմա դարձավ
անջատման կողմնակից: Նա որ պահանջում էր դաշնակցորեն մի-
ացյալ Կովկաս, հիմա դարձավ ազգայնորեն անջատ եւ սահմանա-
ված Կովկասի կուսակից: Նա, որ գործում էր Ռուսաստանի եւ
Թուրքիայի բովանդակ տարածութեան վրա այդ պետութեանց անի-
րավ կարգերի դեմ՝ ամփոփեց իր գործունեութիւնը Հայաստանի
մեջ, դրսի հայութիւնը նկատելով իբր օժանդակ ազդակ հանուր
Հայրենիքի: Այսպիսով իր քաղաքական գործունեութեան դաշտը
նեղացավ, բայց ստացավ մի նոր եւ գորավոր հիմունք — Հայրենի-
քը: Ոչ թե հայ ժողովրդի բարեկեցութիւնը միայն դարձավ իր
նպատակը, այլ «բարեկեցիկ հայն իր ազատ եւ միացյալ հայրենի-
քում» դարձավ իր կարգախոսը: Սա մի հիմնական փոփոխութիւն
էր Դաշնակցութեան ծրագրի, մտայնութեան ու գործի մեջ, որ
դեռեւս չի ձեւակերպված իբր ծրագրային պաշտոնական տեսաբա-
նութիւն, բայց տաս տարուց ավելի է, որ գործոն ուժ է իրական
կյանքի մեջ եւ իբր ղեկավար սկզբունք ընթացք է տալիս մեր մտա-
ծումին ու գործին:

Դրանով ճշտվում է Դաշնակցութեան վերաբերումը դեպի գա-
ղութներն ու բնիկ հայութիւնը: Առաջ նա հայերի մի կուսակցու-

թյուն էր, որ հեղափոխության ճամփով աշխատում էր բարեշրջել այն երկրների կարգերը, ուր հայութուն էր ապրում՝ առավելապես աշխատելով բարեփոխել հայ մեծագույն զանգվածների բարեկեցությունը Ռուսաստանում եւ Թուրքիայում: «Հայ յեղափոխական դաշնակցություն» հայ բառի մեջ նա դնում էր այդ քաղաքական բովանդակությունը: Հիմա նա հայ բառի մեջ դնում է տարբեր քաղաքական բովանդակություն: Նա կրկին հայ ժողովրդի բարեկեցության է ձգտում, բայց ոչ թե քաղաքացիական, այլ քաղաքական. նորից ընկերվար է, բայց ոչ Ռուսաստանի եւ Թուրքիայի ընկերական կյանքն է աշխատում հեղաշրջել, այլ Հայաստանի ընկերական կյանքը ընկերվար հիմքերի վրա դնել: «Հայաստան» այսպիսով իբր ուրույն պահանջ հիմա մտնում է իր քաղաքական ծրագրի մեջ, որ առաջ չկար: Առաջ պահանջածը հայաբնակ գավառներ էին՝ վարչապես ինքնավար, հիմա նա ինքնավար շրջաններ է պահանջում քաղաքականապես ազատ եւ անկախ: Նա առաջ աշխատում էր հայ տարրի քաղաքացիական իրավունքներն ապահովել օտար պետությունց մեջ եւ ուզում էր նրանց տիրակից դառնալ, հիմա նա ձգտում է հայերի քաղաքական իրավունքներն ապահովել նրա բուն հայրենիքում - Հայաստանի մեջ, ուր ձգտում է նրանց միահեծան տեր դարձնել: Իր գործունեության շեշտը նա հիմա դնում է ոչ թե քաղաքացիական, այլ քաղաքական իրավունքների վրա եւ Հայաստան է պահանջում, հայ ժողովրդին քաղաքական իրավունքներ ապահովելու համար: Որովհետեւ եթե հայն ունենա քաղաքական իրավունք իր հայրենիքի մեջ, այսինքն լինի տեր ու տնօրեն իր կյանքի եւ հայրենիքի իբր անկախ պետություն, այն ժամանակ միմիայն իր կամքից կախված կլինի իր քաղաքացիական իրավունքները գծել եւ իր տնտեսական եւ ընկերային կյանքը տնօրինել: Նա հիմա չի հրաժարվում իր հին դերից լինել համայն հայության իրավանց պաշտպան ամեն տեղ, ուր ապրում են նրանք. բայց մինչդեռ գաղութների մեջ աշխատում է հայերի իրավունքը ձեւակերպել եւ ապահովել իբր ուրույն ազգային զանգված՝ մշակութային իմաստով, նա աշխատում է հայ ժողովրդին իրավունքներ ապահովել բուն իսկ իր հայրենիքում՝ քաղաքական իմաստով: Գաղութները այսօր եւս նրա համար օժանդակ ազդակ են բուն հայրենաբնակ հա-

յության բարեկեցության համար, բայց մինչդեռ առաջ նրանց օգտագործում էր հայության ինքնավարական իրավունքներն ապահովելու, այսօր հրավիրում է աջակցել նրանց քաղաքական անկախ գոյությունը պայքարին:

Եվ այս ձգտումը օրավուր պայծառանում է դաշնակցականի եւ նրա շնորհիվ հայ մարդու դիտակցություն մեջ: Ավելի արդար է եւ հնարավոր, որ հայութունը քաղաքական իրավունքներ ունենա իր հայրենիքի մեջ, քան այն բոլոր վայրերում, ուր ապրում է նա: Ավելի բանական, արդար եւ իրավացի է հայության պատմական բնավայրը անջատել ու միացած տալ նրան իբր հայրենիք՝ ուրիշ ազգերի նման եւ նրանց հավասար՝ իր քաղաքական կյանքով սարքելու, քան ամեն մի պետության մեջ քաղաքացիական իրավունքներ ապահովել ազգի հատվածներին: Սա մինչեւ իսկ անհնարին է, թե գործնապես, որովհետեւ զստ հայաբնակ վայրեր չկան օտար պետությանց մեջ եւ թե հոգեբանորեն, որովհետեւ ամեն տեղ նա մի հյուր է եւ ամենուր նա հյուր է զգում իրեն: Ամեն տեղ, ուր հայն ապրում է, որքան եւ լայն քաղաքացիական իրավունքներ ունենա, որքան եւ նույնիրավ դառնա բնիկ տարրերին - նա միշտ հյուր կնկատվի եւ հյուր կզգա իրեն, եթե շարունակե իբր հայ ապրել իր ուրույն մշակութային կյանքով ու լեզվով: Եվ այն օրը նա կարող է երկրի տերերից մեկը նկատվել եւ քաղաքական իրավունքներ ունենալ, երբ հրաժարի իր ուրույն ազգայնությունից, մշակույթից ու լեզվից եւ դառնա բուլղար՝ Բուլղարիայի մեջ, արաբ՝ Սուրիա եւ Եգիպտոս, հույն՝ Հունաստանում եւ այլն: Արդ՝ հայութունն իրավունք ունի ապրելու իբր ուրույն ազգ իր ուրույն կերպարանքով: Նույն իրավունքն ունին եւ այն մեծ ազգերը, որոնց հայրենիքի հովանու տակ ապրում են հայերը: Նրանք բոլոր իրենց դարավոր կյանքի սարք ու կարգը փոխել հայ զանգվածների ազգային պահանջներին հարմարվելու համար: Լավագույն դեպքում նրանք կարող են հանդուրժել, որ նրանց մոտ ու նրանց պետության մեջ հայերն ապրեն իբր ուրույն համայնք իրենց մշակութային կերպարանքը պահելով. բայց մեզ համարել իրենցից մեկը, իրենց հավասար իրավունքներ ունեցող իրենց հայրենիքի վրա

— սա անհնարին է հոգեբանորեն եւ անիրավացի իրավորեն: Քաղաքական լրիվ իրավունքներ ամեն ազգ միմիայն իր հայրենիքում կարող է վայելել, այսինքն այն երկրի մեջ, որ իրենն է միայն եւ ուրիշ ոչ ոքի չի պատկանում: Որքան եւ հյուրընկալը բարեկամ լինի՝ հյուրն իրեն ազատ կարող է զգալ միայն իր տան մեջ: Ոչ ոք կարող է ազատ զգալ իրեն օտար երկրի մեջ: Ամեն ազգ պետք է իր քաղաքական հայրենիքն ունենա: Այս հաստատուն եզրակացութեան եկած է Դաշնակցութիւնը անցնելով ծանր փորձութեանց միջից եւ այս գիտակցութիւնը պետք է խորանա հայութեան մեջ, որ պահանջն զգա սեփական տուն ու հայրենիք ստեղծելու: Այսպես ուրեմն, մի ժամանակ իր անունին «հայ» բառը կցելով՝ Դաշնակցութիւնը «հայոց ազգ» էր հասկանում եւ նրա բարեկեցութիւնը՝ Ռուսաստանում եւ Տաճկաստանում. այսօր երբ ասում է հայ՝ հասկանում է ազատ հայութիւն միացյալ եւ անկախ Հայաստանի մեջ: Դաշնակցութիւնը հայ կուսակցութիւն է ոչ միայն նրա համար, որ հայ են իր անդամները, գործում է հայութեան մեջ եւ հայ զանգվածի բարեկեցութեան է հետամուտ, ուր էլ որ լինեն, այլ հայ է, որովհետեւ ձգտում է ազատ հայութիւն ստեղծել ազատ Հայաստանի մեջ: Նա հիմա ոչ թե ասում է «ազգ», այլ՝ «ազգ եւ հայրենիք»: Ոչ թե բարեկեցիկ ազգ եւ տիրող ցեղին նույնիրավ, այլ բարեկեցիկ եւ բոլոր պետութեանց նույնիրավ հայրենիք ու ազգ: Ոչ ինքնավար հայութիւն, այլ անկախ հայութիւն, ոչ թե հայարնակ գավառների գաւառ-գաւառ միութիւն, այլ անջատված հայրենիքի միացյալ եւ անկախ գոյութիւն:

* * *

Մեր կուսակցութիւնը «հայ» յեղափոխական դաշնակցութիւն կոչվելով՝ այդ հայ բառի մեջ դնում է եւ մի ուրիշ բովանդակութիւն: Նա հայ կազմակերպութիւն է ոչ միայն ուրիշ ազգերի հակադրութեամբ, իբր նրանցից անջատ ու տարբեր մի ուրույն ազգի կազմակերպութիւն, այլեւ հայ է ինքն իր ազգային հավաքականութեան մեջ՝ իբր հակադրութիւն ներքին հատվածական բաժանումների: Նա Ռուսաստանի հայոց կուսակցութիւնն է եւ ոչ Տաճկաս-

տանի հայութեան, այլ հայոց ազգի կուսակցութիւնն է: Նրա համար չկա հպատակութեան խնդիր, այլ ցեղակցութեան: Առավել եւս նա Ղարաբաղցու կուսակցութիւնն է կամ Սեբաստացու. նա հայութեան քաղաքական ազդակն է, անկախ նրա բնակավայրից: Իր անդամների հպատակութեան կամ տեղացիութեան պիտակը չէ, որ արժեք ունի, այլ նրանց հայ լինելու հանգամանքը: Ամեն մի հայ, ո՛ր տեղացի եւ լինի, Դաշնակցութեան անդամ է, եթե գոհացում է տալիս Կանոնագրի հինգ պահանջներին: Դաշնակցութիւնը չի ճանաչում քաղաքական սահման կամ աշխարհագրական բաժանում, այլ ցեղագրական տարբերութիւն միայն: Նրան անդամակցում է ամերիկաբնակ հայը, բայց նրա անդամը չէ Ղարաբաղցի թաթարը եւ չէր Սեբաստացի թուրքը: Այսպիսով նա զատվում է անմիջական հարեւանից եւ ձեռք է մեկնում հեռավոր ցեղակցին:

Միաժամանակ Դաշնակցութիւնը խտրել չի դնում հարանվանութեանց միջեւ. նրա համար նույնարժեք են լուսավորչականը, կաթոլիկն ու բողոքականը, բավական է, որ նրանք հայ են ծագումով եւ հեղափոխական իրենց տիպարով ու մտայնութեամբ: Դաշնակցութիւնը դավանական կազմակերպութիւնն է, այլ ազգային քաղաքական կուսակցութիւն: Այս երկու հանգամանքները Դաշնակցութեանը տալիս են համազգային բնույթ եւ նրա հետեւորդների մտայնութեանը՝ ազգային գունավորում: Դաշնակցական ամենից առաջ իր մեջ հայն է զգում, հետո միայն տեղացին եւ հարանունը: Նա հայութեան շնորհիվ է, որ ընկեր է մյուս հայերին եւ միեւնոյն կուսակցութեան մեջ, բայց իբր տեղացի նա անգամ կարող է լինել իր հայրենակցական միութեան եւ իբր դավանող՝ իբր եկեղեցու: Դաշնակցութիւնը նրա հայութեան է իր կոչն ուղղում եւ ոչ նրա հայրենակցութեան կամ դավանանքին: Իր քաղաքական ծրագրերը վերաբերում են բովանդակ հայութեան եւ Հայաստան աշխարհին, ոչ թե նրա այս ու այն հատվածին կամ այս ու այն գավառին: Գավառ ու հատված նրա համար արժեք ունեն համազգային ապագայի տեսակետով եւ բովանդակ ազգի ճիգերն է աշխատում կազմակերպել համազգային քաղաքական ապագայի հասնելու համար: Երբ միջամուխ է լինում հայ-թաթարական ընդհարումների կամ Սասունի ապստամբութեան՝ նրան մտահոգում է հայ

տարրի պաշտպանութունն առհասարակ, որովհետեւ իր ծրագիրն այդ տարրի բարեկեցութեան համար է եւ այդ տարրն ունի իբր հիմք պայքարի եւ գործի: Հայ տարրի գոյութիւնն առաջին պայմանն է հայի բարեկեցիկ գոյութեան, ուստի համազգային ինքնապաշտպանութեան գործը առաջին մտահոգութիւնն է Ն. Յ. Դաշնակցութեան, լինի այդ ինքնապաշտպանութիւնը նյութական թե ոգեկան, այսինքն կենդանական գոյութեան թե մշակութային կերպարանքի պահպանութեան համար:

Դարեր շարունակ հայութիւնը չի ունեցած մի կազմակերպութիւն, որ համայն հայութեան քաղաքական շահերն ունենար իբր մտահոգութեան նպատակ: Եկեղեցին, որ մի ժամանակ կատարում էր այդ պաշտոնը, անչքացավ այն օրվանից, երբ տարբեր դավանանքներ բուն դրին հայութեան ծոցում: Հիսունական թվերից հայ մտավորական դասի գիտակցութեան մեջ ազգ եւ եկեղեցի գատկեցին իրարից եւ երկուսը նկատվեցին իբր տարբեր գոյակցութիւններ՝ ոչ թե ազգ ու եկեղեցի՝ նույնացած իրար, այլ եկեղեցին իբր ուրույն դավանական համայնք՝ միեւնույն հայ ազգի ծոցում: Բողոքականն ու կաթողիկը, որ հայոց պատմական եկեղեցուն չէին պատկանում, դրանով չէին դադարում հայ ճանաչվել եւ լուսավորչական եկեղեցին, որ համարվում էր ազգային, նկատվեց հայոց եկեղեցիներին մեկը, թեւեւ ամենից զորավորն իր անդամների թվով եւ պատմական շուքով: Այսպիսով եկեղեցին դադարեց ազգը ներկայացնել եւ Տաճկաստանի հայոց Սահմանադրութիւնը եկավ սահման դնելու ազգին եւ եկեղեցուն, առանց սակայն, անշատելու իրարից: Նա լուսավորչական եկեղեցու Սահմանադրութիւնը լինելով՝ գատում էր լուսավորչական հայութիւնը բողոքականից եւ կաթողիկից, բայց միաժամանակ լուսավորչական հայութիւնն ինքն իր մեջ սահման էր դնում աշխարհիկ եւ հոգեւորական տարրերի միջեւ: Այսպիսով մեր պատմական ազգայնութեան մեջ աստիճանաբար առաջ եկավ մի ճեղքվածք: Իր դավանական ապրումներով հայը մնաց իր եկեղեցու մեջ՝ լուսավորչական, բողոքական թե կաթողիկ, իսկ իր աշխարհիկ ապրումներով գատվեց նրանից: Եվ մինչդեռ հայոց հարցի ծագման օրերին եկեղեցականը դժկամութեամբ դարձավ բերան հայութեան քաղաքական տենչերի, այնուհետեւ նա շեղ

ընթացավ հայ ժողովրդի քաղաքական ճամփից, ու թեւեւ անհատ հոգեւորականներ հարեցին քաղաքական շարժման՝ բայց եկեղեցին իբր ազգային հաստատութիւն մասնակից չեղավ հայոց հեղափոխութեան: Եթե երբեմն դուրս եկավ այդ մեկուսացումից, այդ քայլն արավ ժողովրդի բռնադատութեան տակ: Այսպիսով հայութիւնն իր քաղաքական մտածումով ու գործերով դուրս եկավ եկեղեցու շրջափակից եւ մեր հանրային զարգացման գիծը տարավ աշխարհական ուղղութեամբ: Այս պատմական շարժման մեծագույն ազդակն անուղղութեամբ: Այս պատմական շարժման մեծագույն ազդակն այսօր Դաշնակցութիւնն է: Նա վերադարձ չունի դեպի հին կացութիւնը: Հայութեան քաղաքական կյանքի ղեկավարութիւնը նա իր ձեռքն է առած եւ ազգային մյուս խմբակցութեանց նա շարունակ հրավեր է կարդում քաղաքական, աշխարհիկ գործերի շուրջ գործակցել իրեն կամ պայքարել իր դրոշի տակ ոչ իբր դաշնակցական, ոչ իբր այս ու այն դավանանքին աշակերտող, այլ իբր հայ մարդ: Այսպիսով, որոշ է Դաշնակցութեան դիրքը հայոց եկեղեցիների հանդեպ: Նա գործ ունի ոչ նրանց դավանութեանց, այլ նրանց անդամների հետ, որոնց արժեք է տալիս ոչ թե նրանց դավանութեան, այլ նրանց քաղաքական տրամադրութեան համար: Կախաղան նրա դավանանքն է նկատվում, այլ նրա հեղափոխական գործն է ու տիպարը եւ նա չի մերժում իր նահատակների եւ հերոսների շարքը դասել այլադավան հայերին, ինչպես եւ խտիր չի դնում այլադավան հայ զանգվածների միջեւ, երբ ծրագրում է հայութեան ապագան: Դաշնակցութեան մեջ, իսկ դուրսը Դաշնակցութեան անդադրում քարոզի շնորհիվ կաթողիկ հայ գյուղացին դադարեց «Ֆրանգ» նկատել իրեն եւ հայ զգաց. այդպես նաեւ բողոքականը: Այս տեսակետով Դաշնակցութիւնը հայոց ազգային ինքնագիտակցութեան մեծագույն ազդակը եղավ եւ շարունակում է լինել:

* * *

Դաշնակցութեան հայ կոչումը ճշտում է նրա դիրքը նաեւ հայ աշխարհական շարժման մյուս հոսանքների հանդեպ: Նրանք, որ ստորադասում են ազգի գաղափարը միջազգային գաղափարին,

տարբերվում են մեզանից, որ գերադասում ենք ազգի ըմբռնումը միջազգային ըմբռնումից: «Միջազգային» ասելով մենք հասկանում ենք նույնիսկ ազգերի ազատ դաշնակցությունն եւ ոչ իբր ստորադաս ու գերադաս ազգերի կախումավոր կապակցություն: Մենք հավատարիմ ենք Մեծ Հեղափոխության գաղափարին եւ ձգտում ենք իրացնել այդ գաղափարները ոչ միայն նույն երկրի քաղաքացիների միջև, այլև նույն երկրագնդի ազգերի միջև: Մեր գերագույն նպատակներից մեկն է նույնիսկ դարձնել ոչ միայն անհատներին, այլև ազգերին եւ քաղաքական իրավունքի նորմերը դարձնել միջազգային իրավունքի նորմեր: Ինչպես քաղաքացիական իրավունքը խտրի չի դնում անհատների միջև եւ բոլորին ճանաչում է նույնիսկ միեւնույն օրենքի առջև, այնպես էլ մեր ձգտումն է, որ ազգերն՝ իբր անհատներ՝ ճանաչվեն նույնիսկ միջազգային օրենքի առջև: Ազգը մենք նկատում ենք հավաքական միավոր, որ ունի իր սեփական կերպարանքը. նա պետք է դառնա իրավական անձնավորություն՝ միջազգային իրավունքի հանդեպ: Ինչ հարաբերությունն որ ունին անհատներն իրար հանդեպ՝ եւ օրենքի դիմաց, պետք է ունենան եւ ազգերն իրար հանդեպ՝ միջազգային օրենքի դիմաց, որ ոչ թե ուժի գործիք պիտի դառնա, այլ արդարություն ուժ: Ինչպես չկան գերադաս եւ ստորադաս քաղաքացիներ նույն պետության մեջ, պետք է, որ լինեն վերադաս ու ստորադաս ազգեր նույն երկրագնդի վրա. կարողությունք ու հմտությունք տարբեր իրարից՝ իրավապես նրանք պետք է լինեն նույնիսկ:

Մենք մասնակից ու համակիր ենք միջազգային շարժումների, բայց մենք աշխատում ենք այդ շարժումը նպաստավոր դարձնել Հայ ժողովրդի իրավական կացության համար: Հայ ժողովուրդը մենք չենք համարում միջազգային շարժումների ստորադաս միջոց, այլ գերադաս նպատակ, մյուս ազգերին նույնիսկ: Ազգային վերելքի հոգեբանությունն է իշխում մեր շարքերի մեջ, մինչդեռ մեր հակառակորդ բանակում իշխում է ազգային նվաստության հոգեբանություն: Երկուսս էլ գիտակից ենք մեր ժողովրդի ուժերի չափին. երկուսս էլ լավ գիտենք մեր ժողովրդի կարողության սահմանը, բայց երկուսս էլ անարժեք չենք համարում ժողովրդի ուժն ու կարողությունը, այլապես մենք չէինք հետապնդի ազգային քաղա-

քական ծրագիր եւ նրանք՝ միջազգային հեղաշրջում: Երկուսս էլ կարծում ենք, որ Հայ ժողովուրդը մի ուժ է, բայց մինչդեռ նրանք այնքան նվաստ են կարծում այդ ուժը, որ անհնարին եւ անիմաստ են համարում ազգային քաղաքականությունը միջազգային թոհ ու բոհի մեջ, մենք կռթնած մեր անցյալ գործերին եւ ներկա ճիգերի միշտ մեծացող արդյունքին՝ այնքան զորավոր, բայց մանավանդ զորացող ենք նկատում մեզ, որ խիղախում ենք նույնիսկ գոյություն չգտիլ՝ ուրիշ ազգերի շարքում եւ նրանց հավասար: Նրանք ձգտում են ստորադաս ազգերին հավասար՝ ապրել մի մեծ ու հզոր ազգի մականի տակ իրենց աշխարհագրական բնավայրի մեջ. մենք աշխատում ենք մեծ ու հզոր ազգին նույնիսկ ապրել անկախ ու ազատ մեր սեփական քաղաքական Հայրենիքի մեջ: Նրանք հարմարացումի ասպետներ են, մենք՝ ըմբոստություն. ուստի նրանց շուրջը հավաքվում են հանգստավետ կյանքի սիրահարները, որ աշխարհը դմակ են կարծում իսկ իրենց դանակ, իսկ մեր շուրջը հավաքվում են անհանգիստ տարրերը, որ բողոք ունեն աշխարհի անիրավ կարգերի դեմ եւ ձգտում են արդարակուռ ապագայի: Նրանք լավ են համարում ա՛յն, ինչ որ հրամայում են տերն ու մականավորը. մենք լավ ենք համարում ա՛յն, ինչ որ ստեղծագործում են մեր ազատ միտքն ու զգացումը, մեր անցյալին եւ ուժերին կռթնած եւ մեր կենսական շահերից թելադիր: Այս պատճառով մենք անուղղելի իդեալիստներ ենք, նրանք ճկուն իրապաշտներ: Մենք բարձրանում ենք դեպի տառապանք՝ ժողովուրդն ու կենցաղը ազնվացնելու բուռն տենչով ու վճռականությամբ, նրանք իջնում են դեպի հանգիստ, դեպի բարոյական լճացում ու քայքայում: Երկու բանակի մեջ եւս եռ ու զեռ կա շարունակ. բայց մերը նման է դեպի դիրքերը սլացող բանակի եռ ու զեռին, նրանցը որդնոտող մսի, ուր ամեն մի որդ պարարտանում է հանրային մսի քայքայման գնով: Հասկանալի է, որ այս երկու մտայնության մեջ միության եզր չկա. նրանք անհաշտ են իրար հետ եւ անհաշտ պիտի մնան: Ծահիճը չի կարող արեւ հանդուրժել. մեկի զորությունը մյուսի չքացումն է: Այս պատճառով Դաշնակցությունը ասում է բացորոշ. «Ոչ եկի արկանել խաղաղութիւն, այլ սուր» եւ Մ. Նալբանդյանի հետ կանչում է սրտաբաց. «Օրհնեալ է պատերազմը»:

Դաշնակցության «Հայ» կոչումից ծագում են մի շարք վերաբերումներ դեպի մեր հանրային հաստատություններն ու գործերը: Բոլոր մասնակի միությունները առնվազն հանդուրժելի են Դաշնակցության համար, բայց դուրս են նրա սահմանից: Դաշնակցականը կարող է այս կամ այն հայրենակցական միության անդամ լինել, բայց Դաշնակցությունը հայրենակցական միություն չէ. ինչպես կարող է այս կամ այն հարանվանության անդամ լինել, բայց Դաշնակցությունը հարանվանություն չէ: Դաշնակցականը կարող է այս կամ այն գրական բարբառով գրել, բայց Դաշնակցությունը լեզվական խնդիրներ չունի: Սրանց ներքին հոգսերը, կազմակերպական խնդիրները, լավն ու վատը կարող են դաշնակցականին մտահոգել, բայց կուսակցության հոգածության առարկան չեն: Որեւէ գրական, գիտական, գեղարվեստական, շահակցական եւ այլ կարգի միություններ կարող են դաշնակցական անդամ ունենալ, բայց Դաշնակցությունը վեր ու զատ է այս բոլոր մասնակի եւ անջատ միություններից: Այս բոլոր միությանց մեջ դաշնակցականը կարող է մտնել՝ միշտ մնալով «դաշնակցական»։ այսինքն պահելով իր «դաշնակցական» մտայնությունը, իր Ծրագիրն ու Կանոնադիրը եւ ամեն շանք թափելով նրանց իրացման համար: Նախ Դաշնակցական գործ ու պարտականություն, հետո ուրիշ կարգի աշխատանք ու մտահոգություն: Գուցե նա ունի կարողություններ, որոնց համար Դաշնակցությունն ասպարեզ չունի. բայց այն կարողությունները որ պիտանի են «դաշնակցական» գործին՝ նա պարտավոր է արժեցնել լիովին եւ անվերապահ իր կուսակցության համար: Ինչ որ պետք է Դաշնակցության՝ այն է տրամադրելին այլ գործի համար: Մտնելով այլազան միությանց մեջ՝ Դաշնակցականը օգտագործում է եւ պետք է օգտագործե նրանց մի մեծ, ընդհանուր եւ համազգային նպատակի համար, որ ձեւակերպում է իր ծրագիրը. «միացյալ, անկախ եւ ընկերավար Հայաստան»: Բոլոր մասնավոր միությունները հանրային շահեր ունեն նկատի եւ այս կամ այն հանրային շահն են համարում հիմնական եւ հաճախ՝ գերադաս: Առանց այս սահմանափակ մտայնությունն ունենալու՝

«դաշնակցականը» մտնելով այդ կարգի միությանց մեջ, պետք է ջանա նրանց հետապնդած հանրային բայց մասնակի շահերը ներդաշնակության բերել համազգային գերադուրջն շահի հետ, որ իր ծրագրի հետապնդածն է, եւ պիտի ջանա իր զրոշմը դնել այդ միությանց գործի վրա, որ արդյունք են տարբեր մտածության եւ շահիմացության: Այդ միությունները պետք է նկատել Հ. Յ. Դաշնակցության ենթակա մարմիններ, ինչ որ անխորհուրդ կլինեք եւ անիմաստ, քանի որ Դաշնակցությունը չունի մասնավոր շահեր ու հոգեբանություն — այլ պետք է նկատել ուժեր, որ կարող են նպաստել մեր ընդհանուր գործին: Ոչ այն ամենը ինչ որ մեր հետ չէ, մեզ հակառակ է. եւ ոչ այն ամենը, ինչ որ մեր կազմածը չէ, դրանով իսկ դեմ է մեզ: Մեր մասնակցության, քաջակրթության եւ պաշտպանության արժանի են բոլոր միությունները, որ թեկուզ մի մատ ջուր կարող են հոսեցնել դեպի մեր հանրային ջաղայքի առուն: Քանի դեռ խնդիրը վերաբերում է Դաշնակցության բուն գործին եւ մեր «դաշնակցական» հանգամանքին՝ մենք իրավամբ կարող ենք ասել. «որ ոչ ընդ իս ցանէ՝ ցրէ», այսինքն ով մեզ հետ չի ցանում, ցրիվ է տալիս սերմը, ով չի ընդունում մեր Ծրագիրը, Կանոնադիրն ու որոշումները նա «դաշնակցական» չէ, ավելի կամ պակաս մեր հակառակորդն է եւ համենայն դեպս միշտ տարբեր է մեզանից: Բայց երբ խնդիրը վերաբերում է մեր նպատակի հետապնդումին՝ այն ժամանակ սատանաներն անգամ դաշնակից են մեզ եւ օգտակար, եթե մի որոշ ժամանակ ու մինչեւ մի որոշ տեղ ուղեկցող են մեզ եւ գործի ընկեր: Այս պատճառով «դաշնակցականն» ամեն տեղ եւ ամենքի հետ կարող է լինել, մաքսավորի եւ մեղավորի հետ կարող է սեղան բազմել, բայց միշտ եւ ամեն տեղ մնալով «դաշնակցական» եւ քարոզելով «երկնքի արքայությունը», որ իր ծրագիրն է եւ գործելակերպը: Եվ եթե որեւէ մաքսավոր որեւէ կերպ նպաստե մեր գերադուրջն նպատակի իրացման՝ դա մի շահ է ընդհանուր գործին: Եվ բնավ արգելք չկա, որ նա շարունակե մնալ մաքսավոր, թեեւ ավելի լավ կլինեք, որ նա դառնար մեզանից մեկը, մեր դավանակիցն ու գործակիցը: Դաշնակցականն անզիջող է իր համոզումների մեջ, բայց հանդուրժող է ուրիշների համոզման հանդեպ: Նա հետամուտ է իր ծրագրի

իրացման, բայց կարող է տարբեր կարողությունները եւ ազատ ժամանակը տրամադրել ուրիշ նպատակների, եթե նրանք անուղղակի նպաստում են մեր ծրագրի իրացման: Դաշնակցությունը կոչում է ունի Հայ մարդու բոլոր պահանջներին գոհացում տալու եւ ոչ հայոց ազգի բովանդակ շահերը պաշտպանելու: Նա արթնացնում է Հայ ժողովրդի քաղաքական մտածումը եւ ռազմական ոգին եւ կազմակերպում է Հայության քաղաքական կամքը եւ Հեղափոխական կորովը մի որոշ քաղաքական եւ տնտեսական ծրագրի իրացման հետամուտ: Այս աչքով է նայում Հայ մարդուն եւ Հայ զանգվածին. այս նպատակին տանող կարողություններն են նրա ուշադրությունը գրավում եւ իր համազգային նպատակին օգտակար գործերն ու ճիգերն է նա գնահատում: Իր անդամներից այն է պահանջում ինչ որ օգտակար է եւ անհրաժեշտ իր ծրագրի իրացման համար, մնացած բոլոր տեսակետներով իր անդամները ազատ են ձգված իրենց մասնավոր նախասիրությունց եւ գործերի մեջ: Դաշնակցությունը պաշտոն ու զբաղում է. նա մի որոշ մտայնություն է եւ բարոյական: Նա պահանջում է ոմանց լիակատար անձնվիրությունը մեր գործի համար, մյուսների պատրաստակամությունը գոհաբերելու՝ երբ հարկը պահանջե: Բայց քանի դեռ չի հնչած ժամը գերագույն գոհաբերության, «դաշնակցականը» պարտավոր է Կանոնագրի հինգ պահանջներին գոհացում տալ եւ ամեն տեղ, ուր որ մտավ՝ լինի միություն թե պարզապես օտար շրջանակ, Կուսակցության գաղափարը տարածել եւ մասնակի նպատակները ընդհանուր ծրագրին ու գործին ներդաշնակել: Դաշնակցությունն այսպիսով թե իր ընկերներից եւ թե օտարներից պահանջում է այն ամենը, ինչ որ համազգային քաղաքական արժեք կարող է ունենալ եւ իր գերագույն նպատակին ծառայել, որ իր ծրագրի իրացումն է կյանքի մեջ: Ինչ որ պահանջում է անհատ ընկերներից, նույնը հետամուտ է ստանալու եւ տարբեր ու մասնակի միություններից: Նրանց գործունեության մեջ եւս իրեն հետաքրքրում է համազգային արժեք ունեցող կողմը. ոչ մարդասիրականը, ոչ մասնագիտականը, ոչ արվեստականը, այլ ինչ որ կարող է նպաստել համազգային քաղաքական նպատակի իրացման, որ այլ բան է, քան իր ծրագրի իրացումը:

«Դաշնակցական խումբ, մարմին թե անհատ իրենք են, որ ճշտում են իրենց վերաբերումը դեպի կուսակցական ամեն մի ներքին խնդիր եւ դեպի Հանրային ամեն մի մարմին ու գործ: «Դաշնակցականը» պետք է մոռանա երբեք, որ ինքը մի Հայ կուսակցության անդամ է եւ մի քաղաքական եւ Հեղափոխական կուսակցության անդամ: Այս «Հայ», «քաղաքական» եւ «Հեղափոխական» բառերը նախորոշում են իր բունելիք դիրքի բնույթը, իր ընթանալիք ճամփի ծիրը, առանց պատասխան տալու այս ու այն հարցումին, այդ պատասխանն ինքն է, որ պետք է գտնել եւ տա՝ միշտ մնալով «դաշնակցական»: Նա պետք է մոռանա, որ ինքն ունի մի ծրագիր, որի իրացման հանձնառու է եղած՝ կուսակցության անդամակցելով: Թե ինչ պետք է ձեռնարկել կուսակցության մեջ եւ արտաքին ո՞ր ձեռնարկներին պետք է մասնակցել կուսակցության ծրագրին լավապես ծառայելու համար. ի՞նչ պահվածք պետք է ունենալ անհատական կյանքի մեջ կուսակցության վարկն ու հայքը բարձր պահելու համար, սրանք խնդիրներ են, որ ինքը պետք է որոշի, եթե մենակ է որեւէ շրջանի մեջ, եւ իր ընկերների հետ համախորհուրդ պետք է որոշի, եթե կազմակերպություն կա իր բնակած վայրի մեջ:

Վարմունքի այս ձեւը պարտադիր է բոլոր «դաշնակցականների» համար՝ լինեն դեկավար թե պարզ անդամներ: Մենակությունը պատճառ է, որ «դաշնակցականն» անգործ ու անտարբեր մնա իր ապրած միջավայրում եւ իր գործոն դիրքը չճշտել հանրային իրադարձությանց եւ ուժերի հանդեպ: Իր «դաշնակցական» հանգամանքով նա մի ազդակ է կյանքի մեջ եւ պարտավոր է քաղաքական մտածում արթնացնել եւ գործ առաջ բերել իր ապրած միջավայրում Հայ զանգվածի մեջ: Այս նախաձեռնության ոգին բխում է մեր Կանոնագրից, որ պահանջում է «ամեն ջանք թափել» իրականացնելու մեր ծրագիրը: Այդ ծրագիրն է վարիչ սկզբունքը բովանդակ Դաշնակցության եւ ամեն մի դաշնակցականի. այդ ծրագիրն է նաեւ, որ թելադրում է մի որոշ պահվածք եւ ընթացք դեպի Հանրային ուժերն ու գործերը, դեպի օտար անձերն ու միությունները՝ լինեն նրանք Հայ թե այլազգի: Ինչպես գործերը տրված հրամանին հլու՝ շտկում են իրենց դեմքը աջ կամ ձախ եւ

չարժվում են մատնանիշ ուղղութեամբ, այնպես էլ կուսակցութեանը եւ կուսակցականը պարտավոր են շարժվել Ծրագրի եւ Կանոնադրի ուղղութեամբ: Ամեն ոք պարտական է լսել այդ կանչը, որ հրաման է, հորդոր եւ սաստ միանգամայն: Հրաման՝ փորձառուններին, հորդոր՝ նորեկներին եւ սաստ՝ շեղընթացներին:

Այս կարգապահութիւնը մեծագույն ազդակներից մեկն է մեր կազմակերպութեան եւ հեղափոխիչ դեր է կատարած եւ շարունակում է կատարել մեր կազմալուծ եւ ստրկածին ազգի մեջ: Սա մի կարգապահութիւն է, որ չի պարտադրվում, այլ ամեն ոք ինքն է որոշում իր համար իր իսկ հանձնառութեամբ: Ոչ ոք չի ինդրած կամ ստիպած, որ սա կամ նա դաշնակցական դառնան: Ամեն ոք ազատ է անդամկցել կամ ոչ: Բայց մեկ անգամ, որ հանձնառու եղավ Կանոնադրի հինգ պահանջներին գոհացում տալ՝ այնուհետեւ նա պարտավոր է կատարել իր հանձնառութիւնը հավատարմութեամբ: Սա մի կարգապահութիւն է, որ բռնական չէ. սա տիրոջ հարկադրանքը չէ ստրուկի վրա. սա չի ծագում մի օտար ուժից, այլ բխում է սեփական գիտակցութիւնից ու կամքից: Սա մի ուժ է, որ ազատ մարդն ազատորեն դնում է ինքն իր համար իր ազատ կամքով: Սա ազատ մարդկանց գործակցութեան մի պայման է ազատորեն ընդունված, բայց ստրկորեն իրագործված, ուր մարդն ինքն իր ստրուկն է եւ ոչ օտարի, ինքն իր կամակատարը եւ ոչ օտարի, որ ասել է թե ազատ է լիովին: Որովհետեւ ազատութիւնն անկարգութիւն չէ եւ ոչ սանձակոտոր մի ընթացք: Ազատութեանը ինքնադիր օրենքների եւ ինքնընտրի կարգերի հոժարակամ եւ անվերապահ հնազանդութիւնն է: «Ազատ» ու «հնազանդ», որ թվում է թե ժխտում են իրար, իսկապես իրար լրացնում են: Մարդկային ճակատագիրն է ըմբոստանալ ու հնազանդիլ. սա տիեզերական կռուցի մի ցոլացումն է մարդու կյանքի եւ հոգու մեջ: Խնդիրն այն է թե ինչի՞ դեմ ըմբոստանալ եւ ո՞ւմ հնազանդել: Իր նմանին հնազանդել հակառակ իր իսկ կամքին՝ սա կլինի ստրկութիւն եւ ստրկամտութիւն. իր սեփական որոշումին հնազանդել՝ սա կլինի սանձարձակութիւն. հավաքական մի մարմնի որոշումներին հնազանդել, որին համամիտ է նաեւ ինքը՝ սա կլինի ազատութիւն բառի իսկական եւ շինարար առումով: Դաշնակցութեանը

նը ազատ մարդկանց ընկերական խմբակցութիւն է եւ նրանց կուսակցական կազմակերպութիւնը, դրա համար նա գերազանցորեն կարգապահ է քան որեւէ այլ մարմին: Սա մի կարգապահութիւն է, որ արդիւնք չէ արտաքին բռնադատութեան, այլ ներքին գիտակցութեան եւ խզմտանքի: Ոչ թե վախն է, որ «դաշնակցականին» պահում է կարգապահ, այլ ամոթն իր ներքին լավագույն հակումների հանդեպ, որոնց թելադրանքին անսալով՝ նա մի հանդիսավոր օր երդում է տված ընկերների ներկայութեամբ գոհացում տալ Կանոնադրի հինգ պահանջներին: Նա ձգտում է հավատարիմ մնալ իր երդման եւ զգուշանում է շեղումներից: Նա ազատ է միանգամայն, բայց եւ կաշկանդված է խստորեն, սակայն, ոչ թե դրսից մեկն է, որ պահում է նրան, այլ ինքն է, որ ձգտում է հավատարիմ մնալ իր բնույթի ազնվագույն հակումներին: Իր անկարգապահ ընթացքը ոչ այնքան օրինազանցութիւն է, որքան բարոյական անկում. հանցանք եւ օրինազանցութիւն կլինի եթե պարտադիր կարգի եւ կանոնի ստեղծումը կատարված լինի ուրիշի կամքով եւ բռնանար իր վրա հակառակ իր կամքի. բաց դա անկում է, որովհետեւ ինքն է ձեւակերպած պարտադիր կարգն ու կանոնը կամ ինքն է հանձնառու եղած նրանց հնազանդելու կամովին:

Այս պատճառով անհատապաշտ մարդիկ «դաշնակցական» լինել չեն կարող: Նրանք ահեղորեն կաշկանդված կզգան իրենց դաշնակցական Կանոնադրի ճիւղանների մեջ եւ նրա ծրագրի գծած ուղիներով վրա: Անհատապաշտը շատ ավելի արժեք է տալիս իր անձնական իմացութեան քան հավաքական իմաստութեան: Նա կարծում է թե ամեն ոք ինքն իր վարիչն է եւ տերն ու տնօրենը եւ ազատ է այն պայմանով միայն, որ իր քմայքը օրենք ճանաչվի ամեն տեղ եւ ամեն ժամանակ: Նա մոռանում է, որ ամենից անտեր է նա, որ կարծում է թե ինքն է իր տերը եւ, որ ամենից երբորեն են այն մարդու քայլերը, որ կարծում է թե ինքն է իր վարիչը: Ամեն լարում եւ ամեն պրկում իր թուլացումն ունի եւ ամեն մի ուժ իր հենարանը: Անհատական կամքի խթանը բավական չէ մարդուն միշտ պիրկ ու արթուն պահելու համար: Մենակյացը հաճախ մոլորութեան մեջ է իր աչքը փակում, իսկ անձնամիտը՝ մոլորութեան մեջ: Մարդը հանրային կենդանի է եւ այնքան արժեք ունի, որքան հանրային է: Իր հա-

մակրանքի լայնությամբ չափվում է իր հոգու մեծությունը: Համակրական շրջանակի լայնացումը տանում է դեպի հերոսություն եւ վերջնազույն նեղացումը՝ դեպի ոճիր: Անհատական ճիգն ու մտածումը կարող են առավել մի հոգեկան դաշտ հերկել, եթե հանրային ապրումներից չեն սրված. հավաքական մտածումն է, որ հեղաշրջում է կյանքի կերպարանքը: Այս ասպարեզում նույնպես՝ միտքն ու զգացումն այնքան արժեք ունեն, որքան հանրային են կամ ատակ են հետագային դառնալու հանրության միտք ու զգացում: Կամքն արգասավոր է միմիայն հանրային միջավայրում եւ այնքան ժամանակ, որքան ենթակա է հանրային խթանների, որ հասնում են օգնության, երբ անհատական կամքի խթանը թուլանում է: Հանրային մարդը զիջում է իր մտածումն ու կամքը մի տեղ, մի ուրիշ տեղ հաղթանակելու համար: Զիջումը չբացում է, այլ շեղում արգելքի հանդեպ: Կուսակցական մարդը իր ընկերների գործակցության մեջ է տեսնում իր մտածումի գործնական եւ իրական արժեքը եւ նրանց հավաքական մտածումի մեջ՝ իր անհատական կամքի պիտանությունը: Ոչ ոք կարող է իրեն ճանաչել ճշմարտապես՝ մենակ մնալով եւ ոչ ոք կարող է հանրային մտածումներ իրացնել՝ անհաղորդ մնալով իր նմաններին: Ոչ ոք կարող է հանրօգուտ գործ ստեղծել իր երկու ձեռքով եւ հանրօգուտ մտածումներ ունենալ՝ իր մտքով միայն: Կուսակցության հավաքական մտածումն այն հեսանն է, որ սրում է անհատի մտածումը, իսկ կուսակցության հավաքական կամքը այն կոթն է, որին հարմարվելով՝ անհատական մտածումը կարող է աջ ու ձախ կտրել: Կազմակերպության սալի վրա են հղկվում անհատական խառնվածքի խանգարիչ ցցվածքները եւ նրա հակակշռի տակ է, որ կամեցողության հաճախ կույր ուժը դառնում է հանրորեն պիտանի ազդակ: Ոչ ոք, որ հնազանդել չգիտե՝ կարող է երբեւիցե հնազանդության բերել. հնազանդությունը մեքենականությունն ունի, որ մարդ պետք է իր հոգու մեջ ճանաչած լինի, հետագային ուրիշների վրա գործադրելու համար: Կոկոզավիզ անհատապաշտը ինքն է միայն, որ կա. իր կոշիկը կարող է հագնել, բայց հանրային հեղաշրջումներ անկարող է կատարել, որովհետեւ այդ կարգի գործերը լինում են համադիր ճիգերով, հավաքական մտածումով եւ գործակից աշ-

խատանքով, այսինքն, անհատի մեջ անձնականը մերժելով եւ հանրայինը առաջ քաշելով: Նա, որ չգիտե օրինակի հետեւել, երբեք չի կարող օրինակ դառնալ: Կուսակցականն իր փորձ ընկերին նայելով է, որ դառնում է փորձված ընկեր: Հավաքականության մեջ է, որ մշակվում են հանրային բարքի օրինակները, կանոններն ու կարգերը եւ մշակվում են՝ փոխադարձ գործակցությամբ: Հնազանդել այս կարգերին ու կանոններին, հետեւել այս օրինակներին՝ նշանակում է եւ հավաքական կյանքի գոյությունն ապահովել, իսկ հավաքական կյանք ապահովել նշանակում է անհատական կյանքի բովանդակությունն ապահովել. որովհետեւ «մարդը» մարդու մեջ հավաքական կյանքի ցուցումն է եւ հավաքական ճիգերի արդյունքը. եւ մարդ այնքան ավելի մեծ արժեք ունի, որքան պայծառորեն ցուցնում է իր խմբակցությունը: Այս դեպքում է միայն, որ անհատի խոսքն ստանում է արժեք ու կշիռ, որովհետեւ նա բանաձեւում է հավաքականության միտքը, զգացումն ու բարքը, որովհետեւ նա խոսում է այն, ինչ որ կարող էր եւ իր ընկերն ասել, եթե նրա չափ խոսել իմանար. որովհետեւ նա մտածում է այն, ինչ որ՝ թեեւ ոչ նույն պայծառությամբ, բայց էպպես մտածում է հավաքական մարմնի անդամը. որովհետեւ նա գործում է այնպես, ինչպես կգործեր իր ընկերը, եթե նույն վճռականությունն ունենար: Զանգվածի համամտությունը, համազգացումն ու համաձայնությունն այսպիսով խթանում են անհատի կորովը եւ դարձնում են նրան հանրային շարժումների ազդակ, հանրային ապրումների թարգման, հանրային մտածումի առաջնորդ: Այսպիսով, անհատը կամ ինքն է օրինակ առնում կամ ինքն է օրինակ դառնում եւ ներքնապես ազատորեն մտածելով եւ ազատորեն ինքն իրեն հղկելով, ազատորեն վճիռ արձակելով եւ գործի՝ ձեռնարկելով՝ նա դառնում է ինքնաբեր եւ ինքնակամ մի կրկնություն հավաքական տիպարի, մտայնության ու բարքի: Նա մի տարբեր ցուցումն է դառնում նույն խորքի, որ իբր «անհատական» գիտակցվելով ներքնապես, իրոք հանրային է իր էության մեջ: Նրա զգացումը, միտքն ու գործը այնքան ավելի փայլուն են երեւում, որքան ավելի շնորհք ու վճռականությունն ունի իր հոգին եւ այնքան ավելի զորավոր է իր ազդեցությունը եւ վարակիչ իր օրինակը, որքան

ավելի մեծ զանգվածների արձագանք է ինքը: Նա չի կարող պարծենալ իր մտածումով, իր կամեցողությամբ, իր անկախությամբ, բայց իրոք նա է, որ ինքնուրույն կամք ու մտածում ունի եւ անկախ ու ազատ նկարագիր: Այս կարգի մարդիկ են, որ երեւութապես ազատ ու անկախ չեն, քանի որ անդամ են մի կուսակցության, բայց փաստորեն ղորավոր են եւ ազդեցիկ, քանի որ տիպար են մի հավաքականության: Այս կարգի մարդկանց հիշատակն է, որ պահում է պատմությունը, որովհետեւ նրանք հավաքականության ունեցածը մատուցում են նրան՝ ավելի ցայտուն, վճռական ու հմայիչ տեսքով. որովհետեւ հավաքականությունն իր դեմքն է տեսնում նրանց կյանքի հայելու մեջ եւ ընդունում է թե նրանք «ոսկր են յոսկերաց եւ մարմին ի մարմնոյ»:

Կուսակցությունն այսպիսով կաշկանդում է իր անդամին՝ ազատություն տալով նրան. կապում է հանձնառությամբ՝ եւ արձակում, որ ստեղծագործե. գծում է ուղիները՝ բայց թողնում է, որ ամեն ոք գնա իր կարողության չափով. պարտադրում է որոշումները՝ բայց թողնում է, իրագործես ինչ որ ամենից ավելի լավ կարող ես իրագործել: Բանական ազատության մի մարգավայր է Դաշնակցությունը, ուր ամեն ոք կոչված է ստեղծագործելու եւ արժեքներու իր կարողությունը համազգային քաղաքական շահերի օգտին: Այս է պատճառը, որ չկան ավելի լավ ունկնդրված բանախոսներ, քան ունի Դաշնակցությունը եւ ավելի լավ կատարված որոշումներ, քան հանում է Դաշնակցությունը, որովհետեւ նրանք պայծառ ու ողորկ ձեւ են տալիս կուսակցական զանգվածի մտածումներին, բանաձեւում են նրա պահանջներն ու տենչերը եւ վարում են կյանքը նրանց որոշումների համաձայն: Ու քանի որ դաշնակցականները հայ են եւ Դաշնակցությունը հայ հեղափոխական կազմակերպություն, հետեւապես միեւնույն ժողովրդի զավակներն են եւ նույն ազգի լավագույն երազն են ձգտում իրացնել եւ լավագույն տիպարը մարմնացնել՝ ուստի նրանց խոսքը, որ ուղղված է «ընկերներին», դառնում է մի խոսք, որ ունկնդրում է համայն հայությունը եւ դաշնակցականի գործը, որ կատարվում է իր ընկերների որոշման համաձայն, դառնում է լայն զանգվածների համակրանքի առարկա. ոչ այն համակրանքի, որ ծափ ու ծնծղա է

զարկում, այլ այն համակրանքի, որ ապրում է հոգիների խորքը. եւ մենք տեսնում ենք թե ինչպես Դաշնակցությունը վատաբանում են անհատներ, բայց պահում են զանգվածները, խաչակրություն են քարոզում նրա դեմ եւ ստանում են օվսաննաներ իբր արդյունք: Այս ամենը պետք է ականջներին օղ անեն մեր այն բոլոր ավազ ու կրտսեր ընկերները, որ կարծում են թե իրենց անհատական մտածումն ու կարծիքը ավելի կշիռ ունեն, քան դաշնակցական հանրության մտածումն ու կարծիքը. որ իրենց անձնական պատասխանատվությունը գերադասում են կուսակցության հավաքական պատասխանատվությունից, որ երբեմն միտում են ցույց տալիս չքեղորեն մեկուսանալու իրենց անհատական տարակարծության մեջ: Ոչ ոք մեծացած է մեկուսացումով, ամենքը շահած են հաղորդումով: Զանգվածը հանցավոր լինել չի կարող, քանի որ ինքն է դատավորն ու օրենսդիրը: Զանգվածների հետ լինել նշանակում է հանցանքներից խուսափել: Պատասխանատվությունից զերծ է նա, որ թեկուզ անդունդն է գահավիժում զանգվածների հետ միասին. մինչդեռ պատասխանատու մնում է նա, որ մնում է մեկուսի իր անհատական խելքով ու «իմաստությամբ»: Պատմությունը նրանց դավաճան է անվանում. կուսակցությունը՝ անպիտան սնդամ եւ կյանքը՝ հանրորեն անարժեք:

* * *

Մենք տեսանք թե ո՞վ է «դաշնակցականը», բայց ո՞րն է Դաշնակցությունը. ոչ թե կուսակցությունը, այլ Դաշնակցությունն իր էություն մեջ: Բոլոր հին ու նոր ընկերները, բոլոր հին ու նոր մարմիններն իրենց գործերով միասին կազմում են մեր կուսակցությունը: Եվ նրանք, որ նահատակված ու մեռած են վաղուց, ե՛վ նրանք, որ բանտ ու աքսորի մեջ են այսօր կամ ազատ գործում են աշխարհի հեռավոր կողմերում. ե՛վ այն գործերը, որ ծրագրված են. ե՛վ այն ձեռնարկները, որ կան, ե՛վ այն կուսակցական կյանքը, որ եռում է ամենուր – այս ամենը մեր կուսակցությունն են կազմում: Այստեղ մտնում են թե՛ մեր ծրագիրը, թե՛ մեր Կանոնագիրը, թե՛ մեր որոշումները: Բայց ո՞րն է սրանցից Դաշնակցությունը. արդ-

յոք այս կամ այն Կենտրոնական Կոմիտեն կամ Երջանային ժողովը: Այս մարմիններն ու ժողովները դաշնակցական գործ են կատարում բայց զատ զատ կամ միասին առած Դաշնակցությունն չեն, թեև կուսակցությունն են: Դաշնակցությունը կուսակցության Ընդհանուր ժողովն է: Նրա վճիռներն են միայն, որ ճանաչվում են «դաշնակցական»: Որեւէ Երջանային ժողով կարող է հարյուրավոր որոշումներ կայացնել, բայց այդ որոշումները «դաշնակցական» կճանաչվին այն չափով, որքան չեն հակասում Ընդհանուր ժողովի որոշումներին: Այս կամ այն սոսկական «դաշնակցականը» կամ մարմինը կարող են բազմատեսակ գործեր հղանալ եւ կատարել, բայց նրանք չեն համարվի «դաշնակցական» գործ ու հղացում եթե դեմ են Ընդհանուր ժողովների ոգուն եւ թողած ավանդության: Հ. Յ. Դաշնակցության Բյուրոն, որ հավատարիմ ավանդապահն է կուսակցության եւ Ընդհանուր ժողովի որոշմանց իրագործողը, կարող է չեղյալ նկատել մի շրջանի որոշում եւ անգո՛մի կուսակցական մարմին, եթե նրանք դեմ են Ընդհանուր ժողովների վճիռներին եւ նրանց ավանդության: Ընդհանուր ժողովի մշակած Կանոնագրին է, որ պարտադիր է բովանդակ Դաշնակցության համար: Որեւէ Երջան չի կարող մի մասնավոր Կանոնագիր մշակել եւ պարտադիր հռչակել իր իսկ շրջանի համար, եթե նրա հիմունքները հակասում են ընդհանուր Կանոնագրին, որ Ընդհանուր ժողովի գրոշմն են կրում: Բոլոր ընկերները եւ մարմինները պատասխանատու են գերադաս մարմիններին եւ ժողովներին, միմիայն Ընդհանուր ժողովն է, որ պատասխանատու չէ ոչ ոքի առջեւ: Նրա դատավորը հայոց պատմությունն է, մինչդեռ մարմինների եւ ընկերների գերագույն դատավորը Ընդհանուր ժողովն է: Նա կարող է պատուհասել եւ վարձատրել, բայց ինքը ենթակա չէ պատուհասի եւ վարձատրության: Ամեն մի «դաշնակցական» մարմին ու անդամ պարտավոր են իրենց ընթացքը շտկել այն ուղղությամբ, որ մատնանշում է Ընդհանուր ժողովը, միայն ինքն է, որ իր ընթացքը որոշում է ազատ եւ անկախ: Նա հենվում է իր անդամների իմացական կարողության եւ փորձառության, լսում է բոլոր շրջանների եւ մարմինների կարծիքն ու տրամադրությունը, նկատի ունի ամենքի պահանջն ու դիտողությունը, բայց ենթակա

չէ նրանց: Այս ամենը, որ գալիս են կուսակցության շրջաններից ու շարքերից՝ խորհրդակցության, դիտողության եւ կշռադատության նյութ են միայն, բնավ պարտադրանք: Ոչ մեկ անհատ, մարմին կամ շրջան կարող են Ընդհանուր ժողովին հրամայական լիազորագիր ուղարկել եւ ոչ մեկը նրանցից իրավասու է իրեն Դաշնակցությունից դուրս հռչակել, եթե իր կարծիքը չանցնի Ընդհանուր ժողովի մեջ: Ընդհանուր ժողովի շեմքը կոխելով՝ ամեն ոք հանձնառու է նրա որոշումները պարտադիր նկատել իր շրջանի համար, որովհետեւ Ընդհանուր ժողովը բուն իսկ Դաշնակցությունն է, նրա միտքն ու կամքը: Նա Դաշնակցությունն է իր ներկա կազմով եւ անցյալ պատմությամբ, այնտեղ չնչում են ոչ միայն դաշնակցական զանգվածի ոգին, մարմինների եւ ժողովների մտածումն ու տրամադրությունները, այլեւ այն հազարավոր հերոսների եւ նահատակների հիշատակը, որ իրենց գործով ստեղծած են Դաշնակցությունը եւ իրենց արյունով ամրապնդած են նրա հիմունքները: Ընդհանուր ժողովն իր վճիռներն արձակում է ոչ միայն իր իմացության ու փորձին կռթնած, այլեւ նրանց հիշատակին եւ ավանդության:

Մինչեւ Ընդհանուր ժողովի դուրը լինելով խստորեն կարգապահ եւ կաշկանդված կուսակցականներ, պատգամավոր ընկերները ներս մտնելով դառնում են լիովին ազատ եւ անկաշկանդ: Այստեղ ոչ ոք եւ ոչինչ կարող է արգելք դառնալ պատգամավորի մտքի ու խղճի ազատության: Այստեղ դադարում է ամեն իշխանություն եւ հեղինակություն եւ Ընդհանուր ժողովն ինքն է դառնում միակ իշխեցնողն ու հեղինակությունը: Այստեղ խոսում, դատում ու վճիռ է արձակում ոչ թե այս ու այն պատգամավորը, այլ նույն ինքը քառասնամյա Դաշնակցությունը: Ինչ որ նա վճռե՛ վերջնական է եւ անառարկելի, ինչ որ կանոնագրե՛ պարտադիր է ամենքի համար. ինչ որ մտածե եւ բանաձեւե՛ ան է «դաշնակցական» միտքն ու կամքը: Կուսակցության ներքին բարեշրջումը աղբյուրանում է շրջանների մեջ եւ այստեղ է հորդում գետի պես. զանգվածների մտածումն ու տրամադրությունը ծիլ արձակելով զատ-զատ շրջանների մեջ՝ այստեղ է ստանում իր վերջնական կերպարանքը եւ պարտադրվում ամենքին: Ընդհանուր ժողովը կարող էր ասել

կուսակցութեան. «զգոյսդ ի քոյոց քեզ մատուցանեմ», այսինքն քո ունեցածն է, որ մատուցանում եմ քեզ, բայց վերջնապես բանաձեւած եւ Հանրորեն պարտադիր:

Բոլոր ինքնասիրութեաններն ու Հավակնութեանները դադարում են Ընդհանուր Ժողովի մեջ՝ լինեն անհատական, շրջանային թե հատվածական. ոչ ոք բռնանում է մյուսի վրա՝ լինեն անհատ թե շրջան, եւ վճիռները տրվում են միջին եզրով, որ իմաստութեանն ինքն է: Մայրագույն աջերն ու ծայրագույն ձախերը գոհանում են միջին եզրը գտնելով. մեկը մտածում է, որ իր տեսակետը թեեւ չհաղթանակեց, բայց նրանից մի բան անցավ ժողովի որոշման մեջ. մյուսը մտածում է, թեեւ իր տեսակետը խստորեն քննադատվեց, բայց եւ այնպես Հիմնովին խորտակված չէ. մի բան մտավ նրանից ժողովի որոշման մեջ: Եվ այսպես կյանքը թելադրում է, շրջաններն ուղարկում են Ընդհանուր Ժողով, Ժողովը քննում ու կշռադատում է եւ Հանած վճիռը կազմում է մի նոր փուլը Դաշնակցութեան պատմութեան, ու նաեւ մի փուլը Հայոց նորագույն պատմութեան, որքանով Դաշնակցութեան գործը Հայոց պատմութեան մի մասն է կազմում: Այսպես է, որ կուսակցութեանը մնում է մեկ եւ անբաժան, բայց փոփոխվում է ժամանակի հետ: Այսպես է, որ ամեն քառամյակ մի ընդհանուր բնույթ ունի Դաշնակցութեան պատմութեան մեջ, որովհետեւ ապրում ու գործում է միեւնոյն Ընդհանուր Ժողովի շունչով: Այսպես է նաեւ, որ ոչ մեկ մարմին իրավունք է համարում իրեն «Դաշնակցութեան» նկատել, թեեւ բոլորն իրենց «դաշնակցական» են համարում եւ ոչ ոք համարձակութեան ունի Հանուն Դաշնակցութեան խոսելու եթե չի կրկնում կամ չի մեկնաբանում Ընդհանուր Ժողովի որոշումները: Այսպես է դարձյալ, որ անհատ ընկերների մտածումները որոշ ուղղութեան են ստանում եւ աշխարհի չորս կողմն ընկած դաշնակցական ընկերներն ու մարմինները միեւնոյն դիրքն են բռնում միեւնոյն խնդիրների հանդեպ: Այստեղ նույնպես գործում է ազատութեան արգասավոր սկզբունքը: Դաշնակցականները չեն թուլանում իրար, այլ իրենց մտածումն են արտահայտում եւ իրենց համոզումը: Նրանք ոչ թե հնազանդում են վերին կարգադրութեան՝ իբր անկերպարան հլուներ, այլ արտահայտում են իրենց

համոզումն՝ իբր գիտակից մարդիկ, որովհետեւ շրջանների պատգամավոր ընկերները նախքան քվե տան մի կարծիքի, որ պետք է դառնա կուսակցութեան աշխարհայացքի տարրերից մեկը կամ նախքան Հավակնութեան տան մի որոշման, որ գործունեութեան նոր ուղիներ է հարթում կուսակցութեան առջև՝ նրանք նախապես համոզվում են ներքուստ եւ լիովին: Դրա համար հաճախ մեր Ընդհանուր Ժողովներն այնքան երկար են տեւում եւ վճիռները տրվում են մեծ մասամբ միաձայն: Որովհետեւ սա տարբեր կուսակցութեանց պատգամավորների մի ժողով չէ, ուր ամեն մի պատգամավոր հայտնում է իր տեսակետը եւ քվեն է որոշում վերջնապես. այլ միեւնոյն կուսակցութեան Ընդհանուր Ժողովն է, ուր կան տարամիտ ընկերներ, բայց չկան հակառակորդ բանակներ, ուր ամենքի համար թանկ է կուսակցութեանը եւ նրա անբեր գոյութեանը պայման է հետագա ամեն գործունեութեան. ուր կարծիքներն ավելի կշիռ չունեն, քան կուսակցութեան ծրագիրն ու հետապնդած գերագույն նպատակը, ուր բոլոր ընկերները պետք է մտածումով նույնանան, որ դուրս գալով ժողովից՝ իրենց շրջանների մեջ միեւնոյն ուղղութեամբ վարեն մտքերն ու գործերը եւ իբր նորադարձներ, նոր եռանդով ու խանդավառութեամբ վարակեն շարքերը: Այս ձեւով միայն կարող է կուսակցութեանը մնալ միաձուլ եւ անսասան եւ հայ ժողովրդի կյանքի մեջ կատարել այն պատմական դերը, որ վիճակված է նրան:

* * *

Ոմանք կարող են շփոթել մեր Ընդհանուր Ժողովը պառլամենտի հետ եւ մեր Բյուրոն՝ կառավարութեան: Թեեւ երկուսն էլ ընտրված պատգամավորների վճռաբեր մարմիններն են, բայց նրանք մեծապես տարբեր են իրարից: Պառլամենտը մի երկիր է ներկայացնում, Ընդհանուր Ժողովը՝ մի կուսակցութեան: Այնտեղ մի երկրից տարամիտ անձեր են հավաքված իբր տարատեսակ շահերի պաշտպան, այստեղ նույն կուսակցութեան համամիտ անդամներն են հավաքված իբր միեւնոյն շահերի պաշտպան: Այնտեղ ներկա են հակառակորդ բանակների սպայակույտեր, այստեղ

մի համերաշխ բանակի սպայակույտ է հավաքված: Չկա մի պարտադիր ծրագիր պառլամենտի բոլոր անդամների համար եւ ոչ մի պարտադիր Կանոնագիր, որ բոլորի ընթացքը ճշտեր պառլամենտից դուրս. մինչդեռ կուսակցութեան բոլոր անդամները նույն ծրագիրն են պարտադիր համարում եւ նույն Կանոնագիրը: Ընկերային երեւոյթների մեջ եթե կա մեկը, որ կարող է Ընդհանուր ժողովին զուգահեռ կազմել՝ - եկեղեցական հին ժողովներն են, ուր հավաքվում էին նույն դավանանքն ունեցող մարդիկ, որ հետեւում էին նույն կրօնին (ապրելու եղանակին), ձեւակերպում էին իրենց դավանանքն ու վարքի կանոնները (Օրագիր եւ Կանոնագիր), որ պարտադիր էր ամենքի համար: Պառլամենտը բովանդակ ազգն է ներկայացնում, Ընդհանուր ժողովը ազգի կազմակերպութեանը մեկը: Նա օրինադրում է բովանդակ երկրի համար, Ընդհանուր ժողովն՝ իր կուսակցութեան: Նա կազմակերպում ու հակակշռում է հանրային կյանքի բոլոր մարգերը, սա պայքարի կազմակերպութեան է եւ պայքարներից մի տեսակի - քաղաքական հեղափոխական: Գործնական տեսակետով Ընդհանուր ժողովը մի ռազմական խորհուրդ է, որ գծում է պայքարի մտաւոր նպատակներն ու ընթացքը եւ թողնում է մնայուն սպայակույտին իրագործելու: Դաշնակցութեանն ունի պետութեան գործառնութեաններ - զինվորական, ներքին, արտաքին, դատական, լուսավորութեան, ելեւմտական - եւ Ընդհանուր ժողովը որոշում ու վճիռ է տալիս այս ամենի մասին. բայց մինչդեռ պառլամենտի վճիռները բովանդակ պետութեան կյանքին են վերաբերում, Ընդհանուր ժողովն իր կուսակցութեան մասին է միայն վճիռներ տալիս:

* * *

Այս տեսակետից ամեն մի քաղաքական կուսակցութեան մի պետական սաղմ է եւ նպատակաւոր պարագաների մեջ կարող է պետութեան դառնալ՝ անպետութեան ժողովրդի մեջ եւ կառավարութեան՝ պետութեան մեջ: Պատմութեան բերումով նա իր կուսակցական կազմակերպութեանը կարող է դարձնել պետական կազմակերպութեան: Այնտեղ, սակայն, ուր պետութեան եւ կուսակցութեան

նույնանում են - ստեղծվում է մի չարաշուք բռնութեան, որովհետեւ այն կարգերը, որ սահմանված են որոշ խմբակցութեան համար՝ պարտադրում են ամենքին եւ այն ծրագիրը, որ մշակված է որոշ նպատակներով համարվում է պիտանի բոլոր նպատակների համար: Իշխանութեան անցնելով՝ կուսակցութեանը պետք է դադարի կուսակցութեան մնալ, որովհետեւ բովանդակ ազգը մի կուսակցութեան լինել չի կարող - ազգը այլազան շահերի, մտայնութեանց եւ տիպարների մի զանգված է եւ կազմակերպութեանը չի կարող պետական կազմ լինել, քանի որ պետութեանը շատ ավելի այլազան գործառնութեաններ ունի, քան կուսակցութեանը: Նա կարող է ներկայացնել զանգվածային շահեր, բայց ոչ բոլոր շահերը: Նա կարող է հանդես բերել հանրային ծավալուն մտայնութեան եւ համախմբել ազգութեան որոշ տիպարները, բայց ոչ բոլոր մտայնութեաններն ու տիպարները: Իշխանութեան հասած կուսակցութեանը մի մասն է երկրի ազգաբնակչութեան եւ կոչված է ոչ թե ամենքին թեքելու իր լուծի տակ, այլ ամենքի հետ միասին գտնելու շահերի եւ ուժերի միջինը եւ նրանց ընթացք տալու: Իշխանութեան հասնելով կուսակցութեան գործը չի դադարում, այլ ծավալում ու բարդանում է. նա հիմա կարող է ավելի շատ բեմերից խոսել եւ ավելի տիրաբար, ավելի շատ ուժեր համախմբել եւ ավելի ընդարձակ գործերի ձեռնարկել, բայց նա չի կարող նույնանալ բովանդակ ազգի հետ, թեեւ կարող է շահել գործը մեծամասնութեան: Մեծամասնութեանը սակայն հարում է ոչ թե ծրագրի ամբողջութեան, այլ նրա այս կամ այն կետին եւ այնքան ժամանակ «կուսակցական» է, որքան կուսակցութեանը հետամուտ է այդ կետերի իրացման: Բավական է, որ կուսակցութեանը հետամուտ լինի իր ծրագրի լիակատար եւ արմատական իրացման՝ որ համակիր մեծամասնութեանը զնալով հալվի եւ կուսակցութեանը մնա իր հին սահմանների մեջ: Իսկ եթե կամենա համառիլ եւ մնալ իշխանութեան գլուխ՝ նա ստիպված է դիմել բռնութեան եւ գործել անհամակիր բազմութեան մեջ - իր քարոզն ու հորդորը դարձնելով սաստ եւ իր խոսքի համոզիչ ուժին ընկեր տալով սվին ու մտրակ: Այստեղ վերջանում է հեղափոխութեանը եւ սկսում է բռնակալութեանը: Այս անփառունակ վախճանից խուսափելու համար կու-

սակցութիւնն եւ պետութիւնն պետք է խստորեն տարբերվեն «դաշնակցականի» գիտակցութեան մեջ: Դաշնակցութիւնը հետամուտ է հայ պետութիւնն ստեղծելու եւ ոչ թե ինքը հայ պետութիւնն դառնալու: Պետութիւնն ազգի քաղաքական կերպարանքն է եւ ոչ թե կուսակցութեան: Կուսակցութիւնը պետութեան ազդակներէն մեկն է, բայց պետութիւնը չի եւ լինել չի կարող: Նրանք, որ կարծում են, թե անկախ Հայաստանը Դաշնակցութեան մարմնացումն է լինելու, նրա նահանգները՝ շրջաններ, նրա վարչութիւնները՝ կոմիտեներ, շատ թուր ըմբռնում ունեն եւ՛ կուսակցութեան եւ՛ պետութեան մասին: Այս մտածումը «դաշնակցական» է, այլ եթե կուզեք՝ «մեծամասնական»* է: Նրանք է, որ պետութիւնն եւ կուսակցութիւնն շփոթում են իրար հետ եւ ստեղծած են անօրինակ բռնութիւն, որ ժխտում է շահերի եւ մտածման ամեն տարբերութիւն: Մտածման մի եղանակ է նա ճշմարիտ համարում, որ իր իրավունքն է. եւ նույն եղանակն է ամենքին պարտադրում, որ բռնութիւնն է: Նա իրեն չի նկատում պատմական եւ ընկերային ազդակներէն մեկը այլ համարում է միակը: Այս մտայնութիւնը խորթ է Հ. Յ. Դաշնակցութեան եւ խորթ պիտի մնա: Նա չի բռնանում, այլ հորդորում է հանձնառութեան: Նա պայքարում է անիրավութեան դեմ եւ խուսափում է անիրավութիւնից: Նա հրավեր է կարդում, որ հայ մարդը քաղաքական ազատութեան ձգտելու եւ իր ծրագիրն է առաջադրում իբր լավագույն լուծում հայ ժողովրդի հիմնական պահանջների, բայց նա չի բռնադատում, որ ամեն ոք իր մտածումն ու գործելակերպն ունենա: Դաշնակցականն ինքն է բռնանում իր վրա եւ ոչ կուսակցութիւնը նրա վրա: Նա կարգապահ է ներքին համոզումով եւ ոչ արտաքին բռնութեամբ: Նա կուսակցից է որոշ քաղաքական կացութեան. եւ որոշ տնտեսական կարգի ոչ այն պատճառով, որ ստիպում են նրան, այլ որովհետեւ այդ է իր համոզումը:

Այս հանգամանքը պետք է մոռանալ մանավանդ ազգային գործերի մեջ, ուր դաշնակցականը հաճախ իշխանութեան մաս է կազմում: Պետք է որոշապես տարբերել կուսակցութիւնն եւ իշխանու-

* Բուլշեւիկյան (խմբ.)

թիւն: Կուսակցութիւնն իշխանութիւնն է, այլ իշխանութեան ազդակներէն մեկն է միայն: Նա կարող է իշխանութեան հասնել, բայց պետք է իր ինքնութեանը գիտակցի լինի: Նա պետք է միշտ հաշվի առնի այն «անտարբեր» զանգվածները, որոնց լուռ համամութեամբ անցած է իշխանութեան գլուխ: Նա պետք է հաշվի առնի ոչ միայն կուսակցական քվեները, այլեւ այն մարդկանց, որ նրան քվե տված են առանց կուսակցական լինելու: Նա պետք է հաշվի առնի, ոչ միայն նրանց, որ քվեարկած են թեր, այլեւ նրանց, որ քվեարկած են դեմ եւ պայքարած են իբրեւ կատաղի հակառակորդ, որովհետեւ իշխանութիւնը ազգի եւ համայնքի վարչական կամքն ու կերպարանքն է եւ ոչ կուսակցութեան: Անցնելով իշխանութեան գլուխ՝ նա դառնում է ազգի եւ համայնքի բերան եւ ոչ միմիայն իր կուսակցութեան: Նա պետք է աշխատել իր ծրագրի այն կետերը իրացնել, որ հուսալի է թե հանրութեան հավանութեան կարծանանս: Սա չի նշանակում ծրագրից հրաժարվել - քանի որ ձեռնարկած գործերը ծրագրից են բխում կամ նրա մի մասն են կազմում - սա նշանակում է հարմարվել միջավայրին եւ ծրագրի հետապնդումը արդյունավոր դարձնել:

«Դրոշակ», 1929 թիվ 8,9,10,11,12, 1930 թիվ 1,2

Առանձնատիպ՝ 1930 Փարիզ (Մտտեհաշար «Դրոշակ»ի, թիվ 68

ՄԵՐ ԿԱՆՈՆԱԳԻՐԸ

Ա

Հ. Յ. Դաշնակցության կանոնագրի առաջին հոդվածն իրավունք է տալիս ամեն մի չափահաս Հայի անդամակցելու մեր կուսակցության, պայմանով սակայն, որ նա ընդունե մեր Ծրագիրն ու կանոնագիրը եւ երգվե հավատարիմ մնալ նրանց: Այս մասին բավական խոսած եմ իմ մեկ գրուկի մեջ, որի անունն է. «Մտածումներ Հ. Յ. Դաշնակցության մասին»: Այս անգամ ես պիտի խոսեմ հատկապես մեր կանոնագրի մասին, աշխատելով պարզել նրա դերն ու նշանակությունը մեր կուսակցության համար: Նյութի բնույթն այնպես է, որ ստիպված եմ մի քանի կրկնություններ անելու, որի համար ընթերցողի ներողամտությունն եմ խնդրում: Աշխատած եմ մտածումներս վճիտ ու որոշ ձեւակերպել, որ մատչելի դառնան մեր բոլոր շարքային ընկերներին:

ԿԱՆՈՆԱԳՐԻ ԴԵՐԸ ԿԱԶՄԱԿԵՐՊՈՒԹՅԱՆ ՄԵՋ

Երբ մի քանի մարդ կյանքի որեւէ երեւույթի մասին միատեսակ կարծիք ունին՝ նրանց ասում են համամիտ մարդիկ: Սրանք կարող են շատ կամ քիչ լինել, մեկ կամ մի քանի երեւույթների մասին միատեսակ կարծիք ունենալ, բայց նրանք մի՛շտ համամիտ են եւ համամիտ կհամարվին, քանի դեռ նույն երեւույթների մասին տարակարծիք չեն դարձած: Կարող է պատահել, որ մի խումբ մարդիկ այսինչ երեւույթների մասին համամիտ լինեն այսինչ խմբի հետ, իսկ ուրիշ երեւույթների մասին համակարծիք լինեն ուրիշ խմբի հետ, բայց նրանք պարզապես համամիտ կնկատվին եւ ուրիշ ոչինչ:

Շատ անգամ մարդիկ ոչ միայն իրար համամիտ են, այլեւ հաճախ գործակից են, այսինքն միասնաբար նույն գործն են անում կամ նույն նպատակին են ծառայում: Մարդկանց այս կամ այն խումբը

միաժամանակ կարող է գործակցել մի քանի խմբերի հետ. այսպես օրինակ՝ իբր մարդիկ՝ անդամ լինել այսինչ միության, իբր հավատացյալ՝ այսինչ դավանության, իբր քաղաքացի՝ այսինչ կուսակցության, իբր բարեսեր՝ այսինչ ընկերության եւ այլն: Նրանք կարող են նաեւ այսօր գործակցիլ այսինչ խմբին, վաղը՝ մի ուրիշ խմբի բայց մեկ խմբի գործակցին թե մի քանի խմբերի՝ նրանք մի՛շտ կհամարվին գործակիցներ: Այսպիսով տեսնում ենք թե մարդկային ընկերության մեջ անհատներն ու խմբերը կարող են իրար համակարծիք գտնվիլ եւ ուրեմն՝ համամիտ նկատվիլ եւ միասնաբար գործեր կատարել եւ ուրեմն՝ գործակից համարվիլ:

Կուսակցությունը համամիտ եւ գործակից մարդկանց միություն է: Այս համամտությունն ու գործակցությունը սակայն տեւական բնույթ ունին: Հաճախ որեւէ ձեռնարկի շուրջ համախմբվում են մարդիկ, որ իրար հետ առժամապես կապված են այդ ձեռնարկը հաջողեցնելու համար. եւ երբ հաջողում կամ ձախողում են՝ ցրվում են, որովհետեւ նրանց կապը առժամյա բնույթ ունի: Կուսակցության կամ ընկերության անդամներն այդպես չեն. նրանց կապը տեւական է: Այս տեւական կապն է, որ մարդկային խմբերը դարձնում է ընկերություն, կուսակցություն կամ միություն: Նրանք կապված են իրար եւ համամիտ ո՛չ թե կարճ ժամանակի եւ մի որոշ ձեռնարկի համար, այլ երկար ժամանակի եւ շատ գործերի համար: Այսպես են օրինակ Հայ Կարմիր Խաչը, Համազգայինը, Բարեգործականը, ինչպես նաեւ առեւտրական, գործակցական եւ այլ կարգի միություններ: Այդ ընկերությանց եւ միությանց անդամները կապված են տեւապես որոշ նպատակների համար եւ որոշ ձեւով: Նրանց նպատակները եւ փոխադարձ կապի ձեւը նախորդում է նրանց կանոնագիրը: Այդ կանոնագիրն է, որ համամիտ մարդկանց խմբերը դարձնում է կազմակերպություն, որոշելով անդամների եւ մարմինների փոխադարձ կապերը: Այս տեսակ մի կազմակերպություն է եւ մեր կուսակցությունը, որ ունի որոշ նպատակ եւ որոշ կանոնագիր:

Ընկերությունները եւ միությունները ինչպես նաեւ կուսակցությունները տարբերում են իրենց նպատակներով եւ փոխադարձ կապերի ձեւով: Այսպես՝ առեւտրական ընկերության նպա-

տակն է ապրանքների փոխանակութեամբ դրամ շահեցնել իր անդամներին, գործակցական ընկերութեան նպատակն է ածան եւ ընտիր ապրանք մատակարարել իր անդամներին կամ միասնաբար ապրանք արտադրելով՝ շահը հավասար բաշխել արտադրողներին: Բարեսիրական ընկերութեանց նպատակն է օգնութեան հասնիլ կարոտներին: Այս ընկերութեանց կանոնագիրը նախորոշում է անդամների եւ մարմինների իրավունքն ու պարտականութիւնն այն ձեւով, որ նպաստավոր լինի իրենց նպատակի իրագործման: Ինչպես տեսնում եք ընկերութեանց եւ միութեանց նպատակները կամ շահասիրական են, կամ շահակցական, կամ բարեսիրական. կան, որ նպատակ ունին ժողովուրդը լուսավորելու, կան որ հետամուտ են մարզանքն ընդհանրացնելու, կան որ ձգտում են գիտութիւն մշակել, ուրիշներ՝ այս կամ այն կրօնը տարածել եւ այլն: Սրանցից ոմանք իրենց անդամների նյութական շահն ունին նկատի, ոմանք՝ ուրիշների բարեկեցութիւնը, մի քանիսը մարդկութեան բարձրագույն շահերը: Այս կարգի կազմակերպութիւնն են եւ քաղաքական կուսակցութիւնները եւ նրանց շարքին՝ Հ. Յ. Դաշնակցութիւնը:

Հ. Յ. Դաշնակցութեան նպատակն է վերադարձնել հայոց ազգին իր պատմական հայրենիքը եւ հաստատել այնտեղ ընկերվարական կարգեր՝ հայ պետութեան հովանու տակ: Այսպիսով մեր կուսակցութիւնը ո՛չ շահասիրական եւ ո՛չ շահակցական միութիւն է. միաժամանակ նա բարեսիրական ընկերութիւն է: Եւ շահակցական եւ շահասիրական ընկերութիւնները մտածում են իրենց անդամների նյութական շահերն ապահովել. բարեսիրական միութիւնները ձգտում են իրենց անդամներից դուրս գտնված կարոտյալներին օգնել: Քաղաքական կուսակցութիւնները, ինչպես նաեւ Հ. Յ. Դաշնակցութիւնը հետամուտ են պաշտպանելու այն դասակարգի տնտեսական եւ քաղաքական շահերը, որի գիտակից անդամները իրար գործակցելով՝ կազմած են կուսակցութիւնը: Ուրեմն ո՛չ թե կուսակցութեան անդամների շահերն է, որ պաշտպանում է Դաշնակցութիւնը, այլ այն դասակարգի շահերը, որին պատկանում են դաշնակցականները: Հ. Յ. Դաշնակցութիւնը հայ աշխատավոր դասակարգի կուսակցութիւնն է: Այդ դասակարգը իր բովանդակ զանգվածով մեր կուսակցութեան անդամ է. բայց այդ հանգա-

մանքն արգելք է, որ մեր կուսակցութիւնը այդ զանգվածի շահերը պաշտպանեւ եւ նրա քաղաքական եւ տնտեսական բարեկեցութիւնը իր գերագույն նպատակը համարեւ: Այս նպատակին հասնելու համար է, որ իրար մոտ եկած են աշխատավոր դասակարգի գիտակից անդամները եւ որոշ կանոնագրով ստեղծած են մի որոշ կազմակերպութիւն եւ տեւապես գործակցում են իրար հետ: Կանոնագիրն է այսպիսով, որ ցրիվ անհատներն ու խմբերը տեւապես կապում է իրար հետ եւ դարձնում կազմակերպութիւն: Առանց կանոնագրի, որ նախորոշում է անդամների եւ մարմինների փոխադարձ կապը՝ համամիտ եւ գործակից անհատներն ու խմբերը չէին կարող կուսակցութիւն համարվիլ: Կանոնագիրը կուսակցութեան որոնաշարն է, որով կանգուն է նա եւ գործունակ: Այս է պատճառը, որ ամեն ընկերութիւն, միութիւն եւ կուսակցութիւն աշխատում է իր կանոնագիրը անխախտ պահել եւ խստիվ գործադրել, որովհետեւ գիտեւ եւ համոզված է թե Կանոնագիրն է իր գոյութեան պայմանը եւ հարատեւութեան խարխուլը:

ԿՈՒՍԱԿՑՈՒԹՅԱՆ ՀԱՄԱԿԻՐՆ ՈՒ ԱՆԴԱՄԸ

Մեր կուսակցութիւնն ունի շատ համակիրներ ու գործակիցներ եւ ավելի շատ ատեցողներ եւ հակառակորդներ: Համակիրն ու գործակիցը առանձին առած՝ պատահական անձեր են եւ ցրիվ ուժեր, որոնց բերած նպաստը արժեք է ստանում կուսակցութեան գործի շնորհիվ: Նրանք տեւապես կապված չեն մեզ հետ եւ կուսակցութեան արժեքն ու հեղինակութիւնը նրանցից չէ կախված: Նրանք ո՛չ մեկ պարտականութիւն ունին մեր հանդեպ ինչպես նաեւ ո՛չ մեկ իրավունք, որ նախատեսված լինի մեր կանոնագրով: Մեր կապերը նրանց հետ կենցաղական են եւ ոչ կանոնագրական: Իրենք են որոշում իրենց նպաստի եւ օժանդակութեան չափն ու ժամանակը. նրանք այսօր կարող են համակիր ու գործակից լինել իսկ վաղը անհամամիտ եւ հակառակորդ. այսօր անձնվիրութեամբ աշխատել, վաղը մատը մատին չզարկել: Համակիրը մեր կազմակերպութեան անդամ է, հետեւապես ազատ է իր վարմունքի եւ մտածութեան մեջ: Մինչդեռ կուսակցութեան անդամը տեւապես կապ-

ված է մեզ հետ եւ իր իրավունքն ու պարտականութիւնը նախորոշված է մեր կանոնադրով: Մեր փոխադարձ կապը մեր անդամների հետ կանոնադրական է եւ այդ սահմանների մեջ՝ ընկերական: Կուսակցութեան անդամը պարտավոր է համամիտ լինել ծրագրին եւ գործակցել կուսակցութեան ձեռնարկներին եւ պարտավոր է ո՛չ թե մի որոշ ժամանակ եւ մի որոշ ձեռնարկի համար, այլ այնքան ժամանակ, որ կմնա կուսակցութեան անդամ եւ այն բոլոր ձեռնարկների համար, ուր կպահանջվի իր մասնակցութիւնը: Նա երզված է հավատարիմ լինել կուսակցութեան ծրագրին եւ կանոնադրին: Այն օրը, որ դադարի համամիտ լինել եւ գործակից՝ դրժած կնկատվի իր երզմանը եւ կդադարի կուսակցութեան անդամ համարվել: Պարզ համամիտը կարող է համակիր լինել մեր ծրագրին եւ հակառակ՝ մեր գործին. կամ թե՛ գործակցել մեզ հետ մեր այս կամ այն ձեռնարկութեան մեջ եւ հակառակ լինել մեր ծրագրին: Այդ իր իրավունքն է. նա ազատ է լիովին: Բայց կուսակցութեան անդամը չի կարող մեր ծրագրին ու կանոնադրին համամիտ լինել եւ մեր գործին հակառակ. կամ գործն ընդունել եւ մերժել Մրագիրն ու Կանոնագիրը: Նա պարտավոր է եւ՛ մեր Մրագիրն ու Կանոնագիրն ընդունել եւ՛ մեր գործին մասնակցել, այլապես մեր կանոնադրի առաջին հոդվածով կդադարի կուսակցութեան անդամ համարվել:

Պարզ համակիրն ու գործակիցը մեր կուսակցութեան անդամ չլինելով՝ ազատ է ինչպես մեր կանոնադրի պաշտպանութիւնից, այնպես եւ հետապնդումից: Համակիրները մեզ բարեկամ են եւ ոչ թե ընկեր. եւ մեր վերաբերումը նրանց հանդեպ կարող է եւ պետք է լինի բարեկամական եւ ոչ ընկերական: Նրանց վրա չէ, որ հենված է կուսակցութիւնը իր քաղաքական պայքարի մեջ: Նրանց օժանդակութիւնը պետք է միշտ գնահատել եւ նկատի ունենալ, բայց ձեռնարկների ժամանակ կուսակցութեան անդամների թիվն ու կշիռը պետք է իբր հիմք առնել: Նրանց համար մեր Մրագիրն ու Կանոնագիրը պարզ առիթներ են իրենց համակրանքն ու գործակցութիւնը ցուցադրելու, մինչդեռ կուսակցութեան համար Մրագիրն ու Կանոնագիրը գոյութեան պայման են եւ կյանքի մասսա: Մրագրով նախատեսանված նպատակների համար է, որ

կազմված է կուսակցութիւնը եւ կուսակցութիւնը կայուն ու տեւական է իր կանոնադրով: Թեեւ համակամ եւ համամիտ մարդիկ են, որ իրար մոտ գալով մշակած են մեր Մրագիրն ու Կանոնագիրը, բայց մի անգամ մշակվելուց եւ ընդունվելուց հետո՝ նրանք շատ ավելի կայուն ու տեւական են դարձած քան նրանց մշակող եւ ընդունող ընկերները: Տարիները սահում են իրար ետեւից, հազարավոր մարդիկ մտնում են կուսակցութեան շարքերը, իրար հետ գործակցում, ապրում ու մեռնում կամ նահատակվում՝ բայց Մրագիրն ու Կանոնագիրը մնում են հաստատուն եւ իշխում են ու ղեկավարում մեր կուսակցութեան անդամներին: Կանոնադրի հիման վրա է, որ մտնում են նորերը, կանոնադրով են ընտրվում մարմինները, կանոնադրով են պատժվում անկարգները եւ վտարվում անսաստողները: Եվ դա բնական է եւ հասկանալի, որովհետեւ այն օրը, որ Մրագիրն ու Կանոնագիրը վերանան՝ կազմակերպութիւնը կքայքայվի եւ կուսակցութիւնը կլուծվի: Անդամները կմնան իբր սոսկական անձեր, բայց կուսակցութիւնը կչքանա: Նրանց գողող կապը կխզվի եւ այլեւս չեն կարող տեւապես եւ միասնաբար քաղաքական նպատակ հետապնդել: Մինչ այդ՝ կուսակցութեան համախմբված մարդիկ մտածելու մի եղանակ ունենին, որ նախորոշված էր ծրագրի մեջ եւ փոխադարձ կապի եւ ստորադասութեան մի ձեւ ունենին, որ նախորոշված էր կանոնադրի մեջ. ամենքը կնդունեին այդ նպատակը եւ կպահանջեին այդ կապը: Բայց երբ չքանան եւ՛ Մրագիրն եւ՛ Կանոնագիրը՝ կչքանա եւ կուսակցութիւնը եւ նրա անդամները կդառնան անհամամիտ եւ անկապակից անձերի ցրված բազմութիւն:

Մի անգամ եւս կրկնենք, որ պարզ համակիրն ու գործակիցը չեն կարող կուսակցութեան անդամ համարվել: Նրանք կարող են շատ հարգելի մարդիկ լինել, շատ խելացի, հայրենասեր եւ ազգասեր, շատ պարկեշտ եւ գիտուն, բայց նրանք միշտ կմնան համակիր, երբեք կուսակցութեան անդամ, քանի դեռ կազմակերպված չեն, այսինքն՝ քանի մեր ծրագիրն ընդունելով՝ կանոնադրական կապով միացած չեն մեզ հետ իբր նույնիրավ ընկերներ: Նրանք կարող են մեր կուսակցութեան մեծամեծ ծառայութիւններ մատուցած լինել, բայց իրավապես մեր կուսակցական կյանքի, մեր ծրագ-

րի եւ կանոնադրի վրա ազդել չեն կարող: Համեստադուչն անդամի ձայնը մեր կուսակցութեան մեջ ավելի կշիռ ունի, քան մեծատաղանդ համակիր մարդու կարծիքը: Համակիրը դուրս է մեր կուսակցութեանից եւ պետք է դուրս համարվի: Նա ոչ պարտականութեան ունի մեր հանդեպ եւ ոչ իրավունք: Նա կարող է այսօր նպատակ մեր գործին, վաղը հեռանալ մեզանից, այսօր հիանալ մեզ վրա, վաղը վարկաբեկել: Իր վարմունքի մեջ նա ազատ է եւ անկախ: Նա մեր գործակիցն է իր քմայքի կամ շահերի բերումով. այսօր այդ քմայքն ու շահերը նրան մեր գործակիցը կարող են դարձնել, վաղը՝ մեր հակառակորդը: Իր անձնական նկատումները մեր հակադէմքն ենթակա չեն: Նա պարտական չէ մեզ հաշիվ տալու իր ընթացքի մասին եւ ոչ մե՛նք իրավունք ունինք պահանջելու: Նա ենթակա չէ մեր կանոնադրին, հետեւապես ենթակա չէ նաեւ մեր հսկողութեան եւ հակադէմքին: Մեր ընկերը մեր լծակիցն է. համակիրը ազատ է լուծից:

Ընկերները սակայն պետք է մի բան մի՛շտ նկատի ունենան: Ով դուրս է մեր կուսակցութեանից՝ դեռ չի նշանակում որ անպիտան մեկն է: Մեր շարքերից դուրս կան եւ կարող են լինել շատ պիտանի, պարկեշտ եւ տաղանդավոր մարդիկ, որ կարող են մեր այս կամ այն ձեռնարկին մեծապես օգտակար լինել: Առանց մերժելու նրանց արժանիքը եւ երախտագետ լինելով նրանց մատուցած ծառայութեան համար՝ ընկերները պետք է շփոթեն համակիր ու գործակից անձները մեր կուսակցութեան անդամների հետ եւ պետք է միշտ հիշեն թե դաշնակցական է այն մարդը, որ ընդունում է մեր Մրագիրն ու Կանոնագիրը:

Ինչպես համակիրն ու գործակիցը ազատ են մեր կուսակցութեան հանդեպ՝ մեր կուսակցութեանն իր հերթին ազատ է նրանց հանդեպ: Ինչպես նա իր համակրանքն ու գործակցութեանը չի զլանում մեր կուսակցութեան՝ քանի մեր գործը նպատակավոր է համարում իր նկատումներին, մենք նույնպես չենք զլանալու մեր հարգն ու երախտիքը նրան, քանի ծառայում է մեր նպատակին: Մեր կապը նրանց հետ տեւական չէ, այլ ժամանակավոր: Այդ կապն այնքան կարող է տեւել, որքան մեր շահերն ու նկատումները իրար չեն խաչաձեւում: Կուսակցութեանը եւ իր անդամները պետք է

աշխատեն շատ համակիր անձեր շահել, բայց մազաչափ չչեղվի մեր կանոնագրից ու ծրագրից: Մեր իսկական համակիրն ու գործակիցը նա է, որ իր համակրանքն ու գործակցութեանը չի սակարկում, այլ մեզ հետ է՝ ինչպես որ կանք: Չի կարելի ծրագրի որեւէ կետ փոխել եւ կանոնագրի որեւէ հոդված անտեսել՝ համակիրներ շահելու համար: Կուսակցութեան նպատակը համակիրներ շահելը չէ, այլ կուսակցութեան անդամներ պատրաստելը եւ կանոնագրի անխախտ պահպանումով՝ իր ծրագրած նպատակին ձգտելը: Եթե այս անշեղ ընթացքին համակիր եւ գործակից անձեր գտնվին՝ լավ. նրանք մեր բարեկամներն են, մեր դնահատանքին եւ հարգանքին արժանի: Այս տեսակետից նայելով խնդրին՝ մեր շարքերի մեջ կան մարդիկ, որ իսկապես համակիրների դասի մեջ պիտի լինեն եւ ընդհակառակն կան համակիրներ, որ մեր ընկերների շարքի մեջ պիտի դրվեն: Բայց քանի որ մեկն ընդունած է Մրագիրն ու Կանոնագիրը իսկ մյուսը՝ ո՛չ, մեկն ընկեր է նկատվում, մյուսը՝ համակիր: Եվ ուրիշ կերպ լինել չի կարող, քանի պահում ենք մեր կազմակերպութեանը:

ՄԵՐ ԿԱՆՈՆԱԳՐԻ ՀՈՐԻՆՎԱԾՔԸ

Կուսակցութեան ծրագիրը մեր նպատակի մասին է խոսում եւ նպատակն է հիմնավորում, իսկ Կանոնագիրը խոսում է մարմինների եւ անդամների փոխադարձ կապի մասին: Կուսակցութեան ընթացիկ կյանքի մեջ ծրագիրը նվազ է հիշվում քան Կանոնագիրը, որ հարատեւ գործում է: Մրագիրը հասկանալու համար պահանջվում է մի որոշ կրթութեան եւ մտքի մեծ ճիգ, մինչդեռ Կանոնագիրը ըմբռնելու համար պարզ մեկնությունը բավական է, որովհետեւ կազմակերպութեան ընթացիկ կյանքը ամեն օր գործնական դաս է տալիս կանոնագրի մասին: Այս հանգամանքը ոմանց այն կարծիքին է բերած թե Դաշնակցութեանը պարզապես կազմակերպություն է հայութեան, մոռանալով, որ ամեն կազմակերպություն մի որոշ նպատակ ունի եւ ինքնանպատակ լինել չի կարող: Մեր կազմակերպությունը ծրագրի իրագործութեան համար է, հե-

տեւապես մեր ծրագիրը գերադաս է կանոնագրից, թեև կանոնագրի պարտադրանքը մենք շատ ավելի հաճախ ենք զգում քան ծրագրի գոյութունը:

Վերից նայելով մեր կուսակցության շենքին, ինչպես որ այդ շենքն երեւում է մեր կանոնագրի միջից՝ նրա հիմքը ժողովներից է սկսվում եւ ժողովով է վերջանում: Իրավասութունը մեր կուսակցության մեջ ժողովների ձեռքին է: Մարմինները ժողովներից են բխում եւ ժողովներին ենթակա են: Ժողովները գերադաս են, իսկ մարմինները ստորադաս: Ժողովներն օրինադրում են եւ մարմիններն իրագործում: Ոչ մեկ մարմին կարող է իր գերադաս ժողովը լուծել, բայց ժողովները կարող են ստորադաս մարմինները լուծել, երբ տեսնեն թե նրանք իրենց որոշման հակառակ ընթացք ունին: Մարմինների եւ անդամների իրավունքները կշիռ ու արժեք ունին, որովհետեւ ժողովները այդպես են նախատեսած:

Կուսակցության հիմքը կազմում է խմբական ժողովը, իսկ շենքի կատարը՝ Ընդհանուր ժողովը, որից գերադաս ժողով չունի Դաշնակցությունը: Այս հանգամանքը բնորոշում է մեր կուսակցության կերպարանքը. Դաշնակցությունը մենատիրական չէ, այլ ռամկավարական կազմ ունի, այսինքն այնտեղ իշխել չի կարող որեւէ անհատի կամքը, որքան եւ այդ անհատը տաղանդավոր եւ անձնավեր լինի. այնտեղ իշխում է ժողովների կամքը, որ կարող է անհատներին բարձրացնել եւ իջեցնել՝ նայելով նրանց ընթացքին ու գործին: Այդ իսկ պատճառով դաշնակցական ընկերները ո՛չ թե կապված են այս կամ այն անձի հետ, այլ կապված են իրար հետ եւ դաշնակցություն ասելով ո՛չ թե այս ու այն մարմինն է հասկացվում կամ այս ու այն ընկերների խումբը, այլ բոլոր ընկերների համագումարը: Բոլոր ընկերները ինչ գործ եւ կատարած լինեն կամ ինչ շնորհք եւ ցուցադրեն՝ իբրեւ կուսակցության անդամներ նույնիրավ են, այսինքն նույն իրավունքներն ունին եւ իրար հավասար են: Ոչ մեկը նրանցից գերադաս է մյուսից եւ ոչ մեկն իրավունք ունի բռնանալու մյուսի վրա: Բոլոր ընկերները միասին առած կազմում են դաշնակցությունը եւ բոլոր ընկերների հավաքական կամքն է, որ իշխում է կուսակցության մեջ: Այդ հավաքական կամքին ենթակա են եւ՝ մարմինները եւ՝ ընկերները: Այդ

կամքն է տնօրինում կուսակցության ճակատագիրը: Նա է տերն ու տնօրենը բովանդակ կազմակերպության: Բայց այդ գերազույն իրավունքը ընկերներն ստանում են կանոնագրի հիման վրա: Այդ կանոնագրի հիմնական պայմանն ընդունելով է, որ սոսկական մի հայ իրավունք է ձեռք բերում դաշնակցության բախտը տնօրինելու իր նման ընկերների հետ միասին եւ համագումար: Նա երդումով խոստացած է հավատարիմ մնալ մեր ծրագրին եւ կանոնագրին, ուստի եւ տիրացած է այդ մեծ իրավունքին: Այն օրը, որ նա անտեսե իր Կանոնագիրը՝ կղաղրի կուսակցության անդամ նկատվել եւ կզրկվի կուսակցության կյանքը տնօրինելու մեծ ու բարձր իրավունքից:

Մեր կուսակցության հորինվածքի մեջ ժողովներն ու մարմինները հաջորդում են իրար եւ իրար գերադասում: Խմբական ժողովը ընտրում է իր վարիչ մարմինը՝ խմբապետը, գանձնապահն ու քարտուղարը, որոնք խմբի հակակշիռն ենթակա են եւ կարող են փոխվել նույն խմբի կամքով: Մի քանի խմբեր (3-4) միասնաբար ժողով գումարելով՝ ընտրում են ենթակոմիտե. իսկ ավելի շատ խմբեր (50 եւ ավելի ընկերներ), եթե նույն վայրի մեջ են ապրում՝ միասնաբար ընտրում են այդ վայրի կոմիտեն: Եթե այդ 50 ընկերները տարբեր վայրերի մեջ են՝ ընտրության ուրիշ եղանակ են կիրարկում. խմբերն ընտրում են մեկ կամ մի քանի պատգամավոր, որ իրավունք ունին խոսելու խմբի անունից եւ որ իրար քով գալով՝ կազմում են ժողով եւ ընտրում են կոմիտե: Այսպես է ընտրվում եւ մի շրջանի կենտրոնական կոմիտեն, ինչպես նաեւ Դաշնակցության Բյուրոն: Կոմիտեություն ընտրական ժողովը կոչվում է Պատգամավորական*, կենտրոնական կոմիտե ընտրող ժողովը՝ Շրջանային, որին մասնակցում են կոմիտեների եւ նրանց շրջանի պատգամավորները, իսկ Բյուրոն ընտրվում է Դաշնակցության Ընդհանուր ժողովի կողմից, որին մասնակցում են բոլոր կենտրոնական կոմիտեների եւ նրանց շրջանի պատգամավորները: Չկա դաշնակցության մեջ ավելի բարձր եւ իրավասու ժողով քան Ընդհանուր ժողովը, ինչպես չկա ավելի բարձր եւ իրավասու մարմին քան Բյու-

* այժմ՝ ներկայացուցչական (խմբ.):

րոն: Բոլոր մարմինները Համարատու են իրենց ընտրող ժողովներին եւ պատասխանատու են նրանց առջեւ: Բոլոր մարմինները պարտավոր են իրենց ընտրող ժողովների որոշումներն իրագործել: Բոլոր ժողովները Համարաու են իրենց ընտրած մարմինների Հանդեպ եւ իրավունք ունին պատիժ ու պատուհաս տնօրինելու նրանց մասին: Խուճը կարող է փոխել իր ընտրած մարմինը եւ պատժել իր անաստող ընկերը: Ընկերների ընդհանուր ժողովը կարող է իր դիտողութունն անել ենթակոմիտեին եւ կոմիտեին եւ դժգոհության պարագային չվերընտրել մարմինը: Երջանային ժողովը իրավունք ունի Համար պահանջելու կենտրոնական կոմիտեից եւ նրան պատասխանատվության հրավիրելու: Նույնը կարող է անել Ընդհանուր ժողովը Բյուրոյի վերաբերմամբ: Խմբի որոշումները պարտադիր են իր անդամների եւ իր ընտրած մարմնի Համար. ընկերական ընդհանուր ժողովի կամ պատգամավորական ժողովի որոշումները պարտադիր են ենթակոմիտեի եւ կոմիտեի Համար. Երջանային ժողովի որոշումները օրենք են կենտրոնական կոմիտեի Համար, իսկ Ընդհանուր ժողովի որոշումները՝ Բյուրոյի Համար: Բոլոր ժողովների որոշումները սակայն պետք է կանոնագրի Հիման վրա տրվին եւ չհակասեն կուսակցության ծրագրին եւ որդեգրած գործելակերպին: Միմիայն այդ պայմանով որոշումները կարող են պարտադիր Համարվել եւ օրինական ուժ ստանալ:

Ինչպես տեսնում եք՝ ժողովներն են որ մարմիններ են ընտրում եւ նրանց պատասխանատվության կանչում: Մարմինների անդամները քանի դեռ ժողովական են եւ մարմնի անդամ չեն ընտրված՝ ո՛չ մեկ առավելություն ունին մյուս ժողովական ընկերների Հանդեպ: Բայց երբ ընկերների մեծամասնության Հավանությամբ մի քանիսը ընտրվին մարմնի անդամ՝ կացութունը կփոխվի. ընտրվածները կդառնան գործադիր իշխանություն եւ վարիչ, իսկ ընտրողները կմնան ենթակա: Երբային պարզ ընկերը սակայն իրավասու վարիչ կդառնա ո՛չ թե իր կամքով, այլ ընկերների մեծամասնության Հավանությամբ եւ ո՛չ թե ընկերների քմայքով, այլ կանոնագրի Հիման վրա: Կանոնագիրն է, որ նախորշած է թե ի՞նչպես պիտի ընտրվին մարմինները եւ Կանոնագիրն է, որ որոշած է մարմինների իրավասության սահմանը եւ ուրեմն ընկերները ենթարկ-

վում են ո՛չ թե մարմնի անդամներին, այլ կուսակցության կանոնագրին, երբ կատարում են մարմնի կարգադրութունները: Երբային ընկերները երդում տված են ընդունել Կանոնագիրը եւ ենթարկվիլ նրան. այս երդումի ուժովն է, որ շարքային ընկերը պարտավոր է ենթարկվիլ իր գերադաս մարմինների եւ ժողովների որոշումներին: Այս կամ այն ընկերը չէ, որ իրավունք է Համարում նրան հրամայելու, այլ մարմինը, որի մեկ անդամն է այս կամ այն ընկերը, իսկ մարմնին Կանոնագիրն է տված հրամայելու եւ հրահանգելու իրավունքը: Այսպիսով մարմինների կանոնական որոշումներին չենթարկվիլ՝ կնշանակե Կանոնագիրն անտեսել եւ ընկերների մեծամասնությունը անարգել, քանի որ այդ մեծամասնությունը կամքով է, որ մի քանի պարզ շարքային ընկերներ ընտրված են իբր իրավասու եւ ղեկավար մարմին: Այս է պատճառը, որ Կանոնագիրը պատիժներ սահմանած է անաստող ընկերների Համար՝ պարզ հանդիմանությունից սկսած մինչեւ վտարումը կուսակցության շարքերից: Քանի որ Կանոնագիրը կուսակցության ողնաշարն է, առանց որի նա քայլել ու գործել չի կարող՝ ինքնին պարզ է, որ Կանոնագիրն անտեսողը սպառնում է խորտակել կուսակցության ողնաշունը, քայքայել նրա հորինվածքը եւ անգործություն դատարարել: Բնական է որ կուսակցությունը իր շարքերից հանե այդ կարգի անաստող ընկերը, որ չի գիտակցում թե իր առաջին եւ նվիրական պարտականությունն է պահպանել կուսակցության շենքը, որի սյուներն են կանոնագրի հողվածները եւ որի շնորհիվ միայն նա ընդունված է կազմակերպական շարքերի մեջ:

Միմիայն Լ. Յ. Դ. Ընդհանուր ժողովն է, որ իրավունք ունի Երազիր եւ Կանոնագիր փոփոխելու եւ միմիայն այդ ժողովի որոշումներին է, որ պարտավոր են ենթարկվել բոլոր դաշնակցականները ուր եւ գտնվին, բոլոր ժողովները՝ ուր եւ գումարվին եւ բոլոր մարմինները՝ ուր եւ գործեն: Այս իսկ պատճառով բոլոր դաշնակցականները պարտավոր են ենթարկվել կուսակցության կանոնագրին, որովհետեւ նրա մեջ խտացած է Ընդհանուր ժողովի կամքը, որ պարտադիր է բովանդակ Դաշնակցության Համար: Իսկ Ընդհանուր ժողովն իր հերթին բոլոր դաշնակցական ընկերների կամքն է, որ պարտահայտում է իր որոշումներով: Այսպիսով կանոնագրին

չենթարկվել՝ կնշանակե Համայն Դաշնակցութեան կամքն անտեսել եւ բաղմահազար ընկերների հավանութեանն անարգել: Բովանդակ Դաշնակցութեան ձայնն է, որ հնչում է կանոնագրի մեջ եւ ասում է մեր շարքերը մտնողին.~ Բարեկամ, մենք դաշնակցականներս այս կանոնագրով կապված ենք իրար հետ եւ այս կանոնագրին ենթակա են մեր բոլոր ընկերները, ժողովները եւ մարմինները. եթե փափագ ունես մեր շարքերը մտնելու եւ մեզ ընկեր դառնալու՝ պետք է պատվիր դրա երգվես, որ ընդունում ես այս Կանոնագիրը եւ խոստանում ես ենթարկվել նրան, այլապես՝ ազատ ես: Եվ մի անգամ երդում տվողը՝ եթե պատիվ ունի, պարտավոր է ենթարկվել կանոնագրին եւ պաշտպանել նրա բարձր հեղինակութեանը: Ահա թե ինչու դաշնակցական գիտակից մարմիններն ու ընկերները խտորեն կառչած են կանոնագրին եւ նախանձախնդիր են նրա պաշտպանութեան: Մարմինները կոչում ունին պահակ կենալու կանոնագրի պահպանութեան, որովհետեւ բովանդակ Դաշնակցութեան կամքն է խտացած նրա մեջ. թերացումը նրա հանդեպ՝ անրազանք է այդ կամքին: Կազմակերպութեան համար չկա գերազույն օրենք քան իր Կանոնագիրը, ինչպես չկա գերազույն ուղեցույց քան իր ծրագիրը: Կանոնագիրը բարձրագույն հեղինակութեանն է կուսակցութեան համար. նա գերիշխան կամքն է բովանդակ դաշնակցութեան, նրան ենթակա են եւ պետք է ենթարկվին բոլոր ընկերները, ժողովներն ու մարմինները՝ սկսած խմբից մինչեւ Ընդհանուր ժողով եւ խմբապետից մինչեւ Բյուրո: Կուսակցութեան կանոնական կյանքը այն դպրոցն է, ուր անգիտակից Հայ աշխատավորը գործնապես դասնում է օրինապահ եւ իրավազգաց քաղաքացի: Այստեղ է, ուր նա հանգես, տեւական մարզանքով՝ սովորում է իրավունք ճանաչել, պարտականութեան կատարել, օրինապես հնազանդել եւ իրավապես ենթարկել: Ավանդական քմահաճույքի գերեզմանն է Կանոնագիրը եւ շարքերի իրավունսույց ղեկավարը: Նրա պաշտպանութեանը բոլոր դաշնակցական ընկերների իրավունքն է, ինչպես նրան հնազանդելը՝ բոլորի պարտականութեանը:

Այստեղ ես ընդհատում եմ իմ զրույցը: Դեռ առիթ կունենամ խոսելու: Առայժմ այսքան:

ԿՐԿԻՆ ՄԵՐ ԿԱՆՈՆԱԳԻՐԸ (*)

Բ

ԿԱՆՈՆԱԳԻՐ ԵՎ ԱԶԱՏՈՒԹՅՈՒՆ

Մեր կուսակցութեան չպատկանող մադիկ, տեսնելով մեր կարգապահ շարքերը գործի ժամանակ եւ մտածումի նույնութեանը ժողովների եւ մամուլի մեջ՝ կարծում են թե Դաշնակցութեանը մի բուսական կազմակերպություն է, որ կաշկանդում է իր անդամների մտածումն ու կամքը եւ պատրաստում է հլու եւ հնազանդ հետեւորդներ: Մենք գիտենք սակայն թե այդ կարծիքը մի թյուրիմացություն է եւ թերամտութեան արդյունք: Թյուրիմացութեան պատճառն այն է, որ այդպես կարծողները լավապես ծանոթ չեն մեր կուսակցութեան ոգուն ու կյանքին, իսկ թերամտութեանը պարզ երեւում է, երբ տեսնում ենք թե նրանք ծանոթ չեն ընկերային երեւույթների գիտական մեկնութեան եւ քաղաքական պայքարների հոգեբանական կողմին, նրանց պատմական անցյալին եւ ներկա վիճակին: Լինելով անկազմակերպ մի զանգված՝ նրանք չեն կարողանում հասկանալ կազմակերպութեան արժեքն ու բնույթը. լինելով սահմանափակ կամ մասնակի իմացութեան տեր՝ նրանք չգիտեն, որ քաղաքական պայքարի մեջ հաջողելու համար անհրաժեշտ է մտածումների, բայց մասնավանդ կամքերի տեւական համադրություն:

Մի կետ ճշմարիտ է. դաշնակցականը պետք է ընդունի իր կուսակցութեան Մրագիրն ու Կանոնագիրը եւ երդումով հաստատե իր

* «Մեր Կանոնագիրը» կոչված պրակտիկ մեջ ես խոսած եմ մեր կանոնագրի դերի և հորինվածքի մասին, ինչպես նաեւ այն տարբերութեան մասին, որ ունին մեր կուսակցութեան անդամներն ու համակիրները: Այս պրակտիկ մեջ ես շարունակում եմ իմ զրույցը ընկերների հետ: Լավ կլիներ, որ այս պրակտիկ առաջ՝ ընթերցողը կարդացած լիներ առաջին տետրակը, բայց այս հանգամանքն արգելք չէ, որ կարդան այս պրակտիկ: Մտածումներս թեև նույն նյութին են վերաբերում, բայց անջատ են իրարից: Սա մի գիտական հետազոտություն չէ և ոչ մի ուսվածք, այլ ընկերական մի պարզ զրույց է, ուր կարելի է լսել այս կամ այն կետից և ընդհատել ուզած ժամանակ:

Համամտութեան ու հնազանդելու հոժարութեանը: Բայց այս պարագան ո՛չ թե բռնութիւնն է, այլ պայման, ինչպէս թատրոնի տոմսը հաճախորդի համար. առանց տոմսի թատրոն մտնողը չի կարող բռնութիւն համարել, երբ դռնապանը նրան ներս չառնէ: Ոչ ոք չի ստիպում, որ մեկն անպատճառ դաշնակցական լինի. բայց եթե փափագ ունի դաշնակցական դառնալու՝ պետք է ընդունի կուսակցութեան Ծրագիրն ու Կանոնագիրը եւ իր հոժարութեանը երդումով հաստատի: Երբ մեկն իբր հավասար եւ նույնիրավ ընկեր անցնի կազմակերպութեան շարքերը այնուհետեւ նա լիովին ազատ է իր կարծիքը հայտնելու մեր կուսակցութեան թե՛ ծրագրի, թե՛ կանոնագրի, թե՛ գործի մասին. նա ազատ է խնդիր հարուցանել ծրագիրն ավելի որոշ ու լրիվ ձեւակերպելու, կանոնագրի այս կամ այն կետը զեղչելու կամ փոխելու, կուսակցութեան հերթական գործին այս կամ այն նոր ընթացքը տալու մասին. մի խոսքով նա իրավունք ունի իր կուսակցականի հանգամանքը լիովին արժեցնելու:

Բայց այստեղ մի կարեւոր հանգամանք կա, որ պետք է խստորեն ուշադրութեան առնել: Այո՛, ընկերն ազատ է իր կարծիքները հայտնելու, բայց ազատ չէ իր կարծիքին համեմատ գործելու: Պետք է նախ՝ որ իր կարծիքին ընկերների մեծամասնութեանը համամիտ լինի. պետք է, որ այդ համամտութեանը ընկերների մեծամասնութեան հավանութեամբ դառնա ժողովական որոշում եւ պարտադրվի մարմիններին գործադրել այդ որոշումը. այս դեպքում միայն ընկերը կարող է իր կարծիքի համեմատ գործել: Սակայն այս դեպքում նա այլեւս ո՛չ թե իր կարծիքի համեմատ գործած կլինի, այլ ժողովական որոշման հնազանդած կլինի. ո՛չ միայն ինքն է, որ հնազանդած կլինի, այլեւ բոլոր այն ընկերները, որոնց վրա կտարածվի այդ որոշման պարտադրանքը: Այսպիսով անհատ ընկերների կարծիքը՝ մեծամասնութեան հավանութեամբ՝ դառնում է վճիռ ու որոշում, եւ նրան պարտավոր են հնազանդել թե՛ նրանք, որ այդ կարծիքին էին եւ թե՛ նրանք, որ այդ կարծիքը չունեին եւ մնացին փոքրամասնութիւն: Ընկերների մեծամասնութեան կարծիքը կուսակցութեան կարծիքն է այն շրջանի համար, ուր այդ մասնավոր կարծիքը դարձած է վճիռ ու որոշում: Եթե խումբն է այդ վճիռն արձակողը եւ որոշումը կայացնողը՝ որոշումը պարտադիր

է խմբի բոլոր անդամների համար. եթե պատգամավորական ժողովն է վճիռ արձակած՝ այդ վճիռը պարտադիր է կոմիտեութեան բոլոր ընկերների համար ինչպէս նաեւ կոմիտեի համար. եթե Երջանային ժողովն է որոշում հանած՝ այդ որոշման ենթակա են կենտրոնական կոմիտեն եւ նրա շրջանի բոլոր ընկերները՝ թեկուզ եւ շատերը համամիտ չլինեն այդ որոշման. եթե Լ. Յ. Դ. Ընդհանուր ժողովն է, որ մեծամասնութեամբ հավանութեան տված է անհատ պատգամավորի անձնական կարծիքին՝ այդ կարծիքը պարտադիր է բովանդակ Դաշնակցութեան համար, ո՛չ միայն բոլոր ընկերների այլեւ բոլոր մարմինների համար ուր եւ գտնվին: Այսպիսով դաշնակցական ընկերներն ազատ են իրենց գործածելներն առաջադրելու, բայց քանի դեռ մեծամասնութեան հավանութեանը շահած չեն, ո՛չ իրավունք ունին իրենց կարծիքը պարտադրելու եւ ո՛չ իրենց կարծիքի համեմատ գործելու: Դաշնակցականը պարտավոր է որոշումների հնազանդել եւ ո՛չ թե կարծիքների հետեւել, նա պարտավոր է ժողովական վճիռներ իրագործել եւ ո՛չ թե իր կամ ուրիշի կամքը կատարել: Ոմանց այս վիճակը ծանր է թվում. բայց այդ նշան է, թե դեռ գիտակից եւ մարդկանց կուսակցական չեն, որովհետեւ այնտեղ ուր անհատական կարծիքն ու կամեցողութեանը փորձում են գործ դառնալ առանց մեծամասնութեան օրինական համամտութեան, այնտեղ այլեւս կազմակերպություն չկա, այլ կա միայն անկարգ ամբոխ, ուր ամեն ոք իր քմայքին է հետեւում եւ շուրջ տիրոջ չի ճանաչում:

Կա եւ մի ուրիշ կարեւոր հանգամանք, որ նույնպէս պետք է նկատի ունենան մարմիններն ու ընկերները: Մեր կանոնագրով միմիայն Լ. Յ. Դ. Ընդհանուր ժողովն իրավունք ունի ծրագիր եւ կանոնագիր փոխելու, ստորադաս մարմինները իրավասու չեն այս կետի մեջ: Նրանք կարող են միայն առաջարկներ անել Լ. Յ. Դ. Ընդհանուր ժողովին, որ եթե մեծամասնութեամբ համամիտ գտնվի՝ վճիռ կտա գործադրելու: Այստեղից ինքնին հետեւում է, որ ստորադաս մարմիններն ու ժողովները, ինչպէս եւ անհատ ընկերները իրենց շրջանների մեջ՝ այնպիսի կարծիքներ եւ առաջարկներ կարող են բերել, որ չեն հակասում կուսակցութեան ծրագրին եւ կանոնագրին: Ու նաեւ՝ ստորադաս ժողովներն ու մարմինները

կարող են այնպիսի կարծիքներ եւ առաջարկներ ընդունել եւ վճիռ ու որոշում դարձնել, որ հակառակ չեն կուսակցութեան Ծրագիրն ու Կանոնագրին: Մարմիններն ու ժողովները գործում են կանոնագրի սահմանների մեջ. իրենց պարտականութիւնն է, այդ Կանոնագիրը պաշտպանել: Նրանք չեն կարող այնպիսի վճիռներ արձակել, որ հակասե այն կանոնագրին, որի պաշտպանութիւնը առավելապես նրանց է հանձնած ընկերների մեծամասնութիւնը: Մարմինը կարող է տարբեր տեսակետ ունենալ կանոնագրի այս կամ այն հոդվածի մասին, ինչպես նաեւ գործերի այս կամ այն ընթացքի մասին, բայց այդ տեսակետն ավելի չէ իր արժեքով, քան անհատ ընկերների անձնական կարծիքը: Քանի դեռ այդ տեսակետը Հ. Յ. Դ. Ընդհանուր Ժողովի հավանութեան չէ արժանացած՝ նա գործնական եւ գործադրական արժեք չունի: Այս տեսակ դեպքերում մարմին եւ սոսկական ընկեր պարտավոր են իրագործել Հ. Յ. Դ. Ընդհանուր Ժողովի որոշումները, ինչպես նաեւ իրենց գերադաս ժողովների վճիռները: Պետք չէ մոռանալ, որ բոլոր ընկերները իրենց պատվի վրա երդում են արած ընդունել կուսակցութեան Ծրագիրն ու Կանոնագիրը եւ հավատարիմ մնալ նրանց, հետեւապես նախքան որեւէ կարծիք հայտնելու եւ վճիռ արձակելու՝ ընկեր թե մարմին՝ պարտավոր են հաշիվ տալ իրենց թե մինչեւ ո՞ր աստիճան այդ կարծիքն ու վճիռը համաձայն են մեր կուսակցութեան ծրագրին եւ կանոնագրին: Մտքի ազատութեան ջերմ պաշտպան է Դաշնակցութիւնը, հետեւապես նա չի կարող բռնանալ կարծիքների վրա, բայց կազմակերպութեան իրավունքն է եւ սրբազան պարտականութիւնը պահանջել ընկերներից, որ հարգեն իրենց հանդիսավոր երդումը եւ անսաստողներին, իբր անհավատարիմ եւ անպատիվ տարրեր՝ վտարել իր շարքերից:

Այս կետի մեջ եւս պետք է տարբերութիւն դնել ազատ համամտութեան ու գործակցութեան եւ կուսակցական համամտութեան ու գործակցութեան միջեւ: Բաղաբաղական կուսակցութիւնը չի կարող խիստ կարգապահութիւն չպահանջել իր անդամներից եւ չպարտադրել, որ Կանոնագիրը գործադրվի տեւապես: Անկանոնական ընթացքը քայքայում կրօնի կազմակերպութեան, հետեւապես կխորտակե այն ուժը, որի միջոցով մենք հույս ունենք մեր ծրագիրն իրա-

գործելու: Մինչդեռ կուսակցութիւնը իր անդամներից պահանջում է հնազանդութիւն իր Ծրագրին ու Կանոնագրին՝ մնացած հայութեան նա հորդորում է եւ համոզում, որ աջակցին իր գործին: Նա պատիժներ է տնօրինում այն ընկերների համար, որ հավատարիմ չեն մնում իր Ծրագրին եւ Կանոնագրին, մինչդեռ մնացած հայութիւնն ազատ է պատժից ու պատուհասից: Դրսի մարդիկ ազատ են մեզ համակրելու կամ հակակրելու, բարեկամ կամ թշնամի լինելու՝ մինչդեռ մեր ընկերը մեզ թշնամի լինել չի կարող եւ ոչ մեր գործին հակակիր, որովհետեւ դրսի մարդն ազատ է, իսկ մեր ընկերը կապված է իր երդումով: Դրսի մարդիկ կարող են ազդել մեր կուսակցութեան վրա այն չափով, որքան ընկերների մեծամասնութիւնը համամիտ գտնվին նրանց քարոզած գաղափարներին. այսպես են մեծ գիտունները, ընկերավարութեան նշանավոր առաջնորդները: Նրանք վարդապետում են բովանդակ մարդկութեան եւ նրանց հետեւում են բազմահազար ունկնդիրներ եւ ընթերցողներ: Նրանց գաղափարները թափանցում են եւ մեր մտավորական ընկերների մեջ, դառնում են համոզում, քարոզվում են մեր շարքերին, շահում են մեծամասնութեան համամտութիւնը եւ ժողովական կարգով դառնում են վճիռ ու որոշում եւ պարտադրվում բոլոր ընկերներին: Բայց նույնիսկ այստեղ՝ դուք տեսնում եք թե Կանոնագիրն է, որ հնար է տալիս դրսի ազդեցութեան մուտք գործելու մեր կուսակցութեան մեջ եւ ժողովական որոշումն է, որ այս կամ այն նոր տեսակետը, գործածելը կամ կազմակերպական եղանակը պարտադիր է դարձնում մեր շարքերի համար: Այսպես է, որ մեր կուսակցութիւնը չի լճանում եւ մեր ծրագիրն ու Կանոնագիրը չեն քարանում, այլ կյանքի զարկին դուրսհան՝ տրոփում է եւ մեր կուսակցութեան զարկերակը եւ նա մնում է կենդանի եւ դիմացկուն՝ չնայած ահա վոր փորձութիւնների: Նա գնում է ժամանակի հետ, որովհետեւ ընկերների մտածումը հետեւում է ժամանակի ընթացքին եւ անունում ու յուրացնում է դրսից այն ամենը, որ հարմար եւ պիտանի է համարում իր կենսունակութեան համար: Ընկերների վերափոխված եւ թարմացած մտածումը հորինում է տեսական ու գործնական նոր գաղափարներ, որ վարի խավերից բարձրանում են վեր եւ իրավասու ժողովների մեջ դառնում են վճիռ ու որոշում:

Այստեղից հետեւում է ինքնին, որ ծրագրի եւ կանոնագրի քննութիւնը ինչպես նաեւ մարմինների եւ ընկերների ընթացքի լավ ու վատ գնահատանքը կարող է եւ պետք է լինի կուսակցութեան ներսը, որ կարենա շահել մեծամասնութեան հավանութիւնը եւ վճիռ դառնալով՝ ազդե կազմակերպութեան կյանքի վրա: Դրսի աշխարհի համար մենք կանք եւ պետք է մնանք իբր միաձույլ եւ կարգապահ կուսակցութիւն, ուր իշխում է մի կամք, մեկ մտայնութիւն եւ որ ունի մի որոշ ընթացք: Իսկ մեր ժողովների մեջ մենք ո՛չ միայն իրավունք այլ մանավանդ պարտականութիւն ունենք մեր ծրագրային եւ կանոնագրային թերիները մատնանշելու եւ մեր մարմինների եւ ընկերների ընթացքը քննադատելու՝ լավագույն վճիռների եւ որոշումների հասնելու համար: Քննական ոգին շինարար է ներսը եւ քայքայիչ երբ դրսից է գործում: Դրսից մեզ ու մեր գործը կարող է քննադատել հակառակորդն ու թշնամին, նաեւ բարյացակամ համակիրը. իսկ մեր ընկերները պարտավոր են կազմակերպութեան ներսը քննադատել, եթե նպատակ ունին կուսակցութեան կյանքը բարելավելու եւ լավագույնին հասնելու:

ԿԱՆՈՆԱԿԱՆ ՇԵՂՈՒՄՆԵՐ

Մեր Կանոնագիրը նախատեսած է այնպիսի վճիռներ, երբ մարմինները՝ հանգամանքների բերումով՝ ստիպված են շեղելու գերադաս ժողովների որոշումներից: Այսպիսի վիճակներ շատ անգամ պատահած են մեր կուսակցութեան պատմութեան մեջ, երբ պատասխանատու մարմինները կենտրոնական վարիչ մարմնից հեռու լինելով եւ արտաքին արգելքների հանդիպելով նրանց հետ կապ պահելու՝ ստիպված են եղել կանխորոշված մի շարժում հետաձգելու իր ժամկետից կամ փոփոխելու որեւէ կանխատեսված ձեռնարկի բնույթն ու ծավալը: Կանոնագիրն իրավունք տալով այսպիսի շեղում անելու՝ անմիջապես կցում է թե մարմինն այդ շեղումը կարող է կատարել՝ սակայն «ի՛ր պատասխանատվութեամբ»: Այս վերապահումը ցույց է տալիս, որ Կանոնագիրը նախատեսելով ստի-

պողական հարկը շեղելու գերադաս մարմինների որոշումներից, միաժամանակ այդ շեղումը կատարող մարմինն պատասխանատու է նկատում իր շեղումի համար. այսինքն՝ մարմինը իր շեղումը կատարելուց հետո՝ պետք է հաշիվ տա գերադաս ժողովին թե ի՞նչ ստիպողական պատճառներ ունեցած է այդ շեղումը կատարելու: Սա նշանակում է թե Կանոնագիրը պահանջում է, որ մարմինները անպայման ենթարկվին գերադաս ժողովների որոշումներին եւ դուրս չգան նրանց դժած սահմանից, այլապես պատասխանատու են իրենց շեղ ընթացքի համար: Միմիայն ստիպողական պարագաների մեջ թույլ տրված է շեղում կատարել եւ մարմինը պարտավոր է իր քայլն արդարացնելու համար ապացուցել թե ստիպված էր այդպիսի վարվելու, այլապես հանցավոր կնկատվի:

Կանոնագրի այդ կետը ոմանք օգտագործում են չարաչար իրենց քմահաճույքին ընթացք տալու համար եւ օգտվելով այն հանգամանքից, որ գերադաս ժողովները ուշ-ուշ են գումարվում՝ խեղճին փչած մի վայրկյանին կամ ինչ-ինչ նկատումներով՝ շեղում են կանոնագրից եւ չեն իրագործում գերադաս մարմինների որոշումները: Անտեսելով Կանոնագիրը եւ ժողովական որոշում՝ նրանք անտեսում են համայն դաշնակցութեան կամքը, մոռանալով թե այդ կանոնագրի հիման վրա եւ նրա շնորհիվ է, որ իրենք, որ պարզ շարքային ընկերներ են՝ դարձած են ղեկավար եւ պատասխանատու մարմին. նրանք մոռանում են, որ իրենց առաջին պարտականութիւնն է խստիվ պահպանել կանոնագրի տրամադրութիւնները եւ հնազանդել ժողովական որոշումներին՝ օրինակ դառնալու համար իրենց ենթակա ընկերներին եւ մարմիններին:

Այս կարգի երեւույթները շատում են կազմակերպութիւնը եւ խանգարում են կուսակցութեան կյանքի բնականոն եւ կանոնական ընթացքը. վերից եկած օրինակը վարակում է ստորադաս մարմիններն ու շարքերը: Մեր շարքերը տեսնելով թե Կանոնագիրն ու որոշումները չեն գործադրվում եւ շեղումները հաճախ են պատահում՝ թեեւ ստիպողական պարագաներ չկան՝ իրենք նույնպես թերանում են իրենց պարտականութեան մեջ եւ ըմբոստանում են ավելի շատ, քանի որ կանոնագրին նվազ տեղյակ են եւ անձամբ նվազ մարզված կուսակցական. եւ մարմինները փոխանակ կուռ ու

կարգապահ շարքեր ստեղծելու եւ պահելու՝ մի օր իրենց դեմ տեսնում են ծառայած անկարգապահ ընկերներ եւ օրինազանց ստորադաս մարմիններ ու ժողովներ: Մի որոշ չափով դեռ կարելի է ներողամիտ աչքով դիտել շարքային ընկերների եւ խմբերի անկարգութիւնը. նրանք կարող են բավականաչափ հրահանգված չլինել. բայց անկարելի է անտարբեր մնալ մարմինների հանդեպ, որ իրենց անկանոնական որոշումներով եւ անհիմն շեղումներով սպառնում են քայքայել կազմակերպութիւնը. անհնարին է անտարբեր դիտել թե ինչպես այնտեղ, ուր Կանոնադիրն ու որոշումները պետք է իշխեին եւ ղեկավարեին՝ քմահաճույքն է սանձարձակ ձեւավարում:

Այս կարգի երեւոյթների հանդեպ իսկական դաշնակցականի պարտքն է ծառանալ եւ պահանջել, որ մարմինները հնազանդին դաշնակցութեան գերագույն կամքին, որ արտահայտված է կանոնագրի մեջ: Մարմինները չեն Դաշնակցութիւնը եւ ոչ ընկերների այս կամ այն խումբը: Դաշնակցութիւնը մարմինների եւ խմբակցութիւնների սեփականութիւնը չէ: Դաշնակցութիւնը բոլոր ընկերների համագումարն է, որ իր կամքն արտահայտում է Հ. Յ. Դ. Ընդհանուր ժողովների մեջ եւ խտացնում նրա որոշումների եւ կանոնագրի մեջ: Դաշնակցութիւնն ապրում ու գործում է իր կենդանի ընկերների կանոնական կապով եւ նահատակ ընկերների հմայքով: Դաշնակցութեան կամքի իրագործումը բոլոր ընկերների եւ մարմինների պարտականութիւնն է: Մարմիններն ընտրվում են Կանոնադիր ու ծրագիր պաշտպանելու եւ իրագործելու համար: Եթե նրանք թերանան այս պարտականութիւնն ու հանձնառութիւնը կատարել՝ դրանով իսկ կկորցնեն իրենց գոյութեան իրավունքը եւ ընկերների սրբազան պարտականութիւնն է հեռացնել ասպարեզից այդ տեսակ մարմինները, ստեղծելու համար ավելի պարկեշտ եւ նվազ քմահաճ մարմիններ, որ գիտակցեն կուսակցութեան գերագույն շահերը եւ քմահաճույքը չչփոթեն կանոնագրի հետ:

Պատմական չարադետ իրադարձութեանց հետեւանքով մեր ժողովուրդը ժառանգած է ստրկական հոգեբանութիւն, ուստի անիշխանական է եւ քմահաճ: Կարգն ու կանոնը նրան թվում է բռնու-

թիւն թե՛ այն ժամանակ երբ վարիչ է, թե՛ այն ժամանակ երբ ենթակա է վարչութեան: Երբ նա վարիչ է՝ ձգտում է ո՛չ թե կարգի հետեւել եւ կանոնով գործել՝ այլ իր քմահաճույքն արժեցնել եւ բրտորեն բռնանալ, իսկ երբ ենթակա է՝ նա ճգնում է իր քմահաճույքով վարած տեսնել կուսակցութեան գործերը եւ ո՛չ թե կանոնագրով: Այս ապականոն ընթացքը անցյալում ստեղծած է եւ ներկայիս շարունակում է ստեղծել աղետալի կացութիւն թե՛ ազգային եւ թե՛ կուսակցական կյանքի մեջ, որ մեր քաղաքական տհասութեան հետեւանք է: Կարգի եւ կանոնի չհնազանդող անհատներն ու խմբակները հնազանդում են սակայն այս կամ այն անձին եւ խմբակին եւ ստեղծում են կողմնակցութիւն (թայֆա), իսկ անհատներն իրենց շուրջը համախմբում են ուրիշ անձեր ու խմբակներ՝ քայքայելով այն շարքերի կանոնական ընթացքը, որ կոչված են հայ աշխատավոր զանգվածին ապահովել ազատ եւ անկախ հայրենիք, այսինքն՝ մի իրավական եւ կանոնական կացութիւն: Թրջական, քրդական եւ պարսկական ցեղային հոգեբանութիւնը, որ դարբերով ազդած է մեր ժողովրդի վրա, համառաբար արմատախիլ չի լինում նույնիսկ մեր շարքերի միջից, որով ժողովական որոշումները եւ կանոնագրի տրամադրութիւնները հաճախ ձեւական արժեք են ստանում եւ ընկերների եւ մարմինների քմահաճույքն աշխատում է գործել ու վարել այդ որոշումների եւ կանոնների սահմաններից դուրս եւ իր ուզածին պես մեկնել Կանոնադիր ու որոշում: Դժբախտաբար այս հետամնաց հոգեբանութիւնը դեռ բավական զորավոր է մեր ընկերական խավերի մեջ, ուր պայծառորեն չեն գիտակցում թե ո՞րն է կանոնական հակամարտութիւնը եւ ո՞րը քմահաճ ըմբոստութիւնը, որով շատ անգամ կազմալուծվում է ամեն գործ ու ձեռնարկ եւ ստեղծում է շփոթ ու դժգոհանք: Այս իսկ պատճառով կանոնագրի հիմնական ծանոթութիւնը դաշնակցականի առաջին պարտականութիւնն է, նրա պաշտպանութիւնը՝ իր սրբազան իրավունքն է եւ պարտքը, նրան հոժարակամ հնազանդելը՝ իր կուսակցական պատիվը եւ նրա անշեղ գործադրութիւնը եւ ուղիղ մեկնութիւնը գիտակից ընկերների եւ մարմինների առաջին հոգար:

Կուսակցական մարմիններն ու ընկերները պետք է ամուր կառ-

չեն մեր կանոնադրին, որ միակ ու գերագույն վարիչն է մեր կազմակերպական կյանքի եւ պիտի զգուշանան քմահաճ կարգադրություններ անել եւ որոշումներ հանել, բայց մանավանդ «պատասխանատվության» ապավինելով՝ խանգարեն կարգ ու կանոնը կուսակցութեան մեջ: Միշտ պետք է հիշել, որ կուսակցությունը տեւական է, իսկ մարմինները անցավոր եւ կուսակցությունը տեւական է իր ծրագրով եւ կանոնադրով: Պետք է երբեք մոռանալ, որ երեկվան շարքային պարզ ընկերները կանոնադրով է, որ այսօր դարձած են ղեկավար մարմին եւ որ այնքան ժամանակ կարող են վարիչ մնալ, որքան չեն սղոցում այն ճյուղը, որի վրա նստած են: Կանոնադրին ստեղծված է շինարար աշխատանք կատարելու եւ ո՛չ թե քմահաճույք արժեցնելու համար:

Ո՞Վ Է ՄԵՐ ԸՆԿԵՐԸ

Այն մարդուն, որ ապրում ու գործում է ընթացիկ բարոյականի համեմատ՝ ասում են «պարկեշտ մարդ»: «Պարկեշտ ընկեր» կարող ենք ասել կուսակցութեան ա՛յն անդամին, որ իբր կուսակցական՝ գործում է կանոնադրի համեմատ, այսինքն՝ կատարում է այն պարտականությունը, որ կանոնադրով գրված է նրա վրա եւ օգտվում է այն իրավունքից, որ ունի նույն կանոնադրով: Բայց կուսակցութեան անդամները բազմաթիվ են եւ բազմազան բնավորութեան տեր եւ մեր կապերն իրար հետ բազմատեսակ են, իսկ մեր Կանոնադրը մի վտիտ գրքույկ է եւ ոչ թե մի սովոր օրենսդիրը: Նա չի կարող եւ պետք չունի ամեն դեպք ու պատահար նախատեսելու եւ կանոնադրելու: Ձյուն շատ եկող երկիրների մեջ, ճամփաների քովերը բարձր ձողեր կան տնկված, որ ձմեռը, երբ ձյունը ծածկում է գար ու փոս՝ ուղեւորին ցույց են տալիս ճամփի ուղղությունը՝ վեր մնալով ձյունի երեսից: Մեր կանոնադրի հոդվածները այդ երկար ձողերի պաշտոնն են կատարում, վեր մնալով մեր բազմատեսակ վարմունքներից: Նրանք մեզ մատնանշում են մեր վարմունքի ընդհանուր ուղղությունը, մնացածը թողնելով մեր սրտին ու կամքին եւ մեր ողջամտութեան: Կուսակցութեանը պետութեան

չէ: Պետությունը գործ ունի բազմատեսակ եւ տարամերժ տարրերի հետ եւ պարտավոր է նրանց անհամար բախումները կարգավորել իր օրենքներով: Մեր Կանոնադիրը բարյացակամ խորհրդատու է եւ խստապահանջ, բայց զուսպ վերահսկող. նա մատնանշում է մեր ընթացքը առանց մանրամասնութեան եւ անսաստողին պատուհասում է առանց մանրակրկիտ ձեւականութեան: Ընդարձակ բացեր թողած է նա գործադրողի կամքին, որ եթե չարյացկամ մեկն է եւ ձեւապաշտ բծախնդիր՝ կարող է բարյացակամ Կանոնադիրը դարձնել պատուհաս եւ անարժեք բախումները դատ ու վեճ: Կանոնադիրը համառոտ է եւ հսկան, որովհետեւ նրա մշակողն է Դաշնակցութեան ընտրանին եւ մշակած է ո՛չ թե հպատակների, այլ ընկերների համար: Դաշնակցությունը համակամ եւ համամիտ անձերի տեւական միություն է, որ երբեմն կարող են իրար հետ բախումներ ու գժտություն ունենալ, բայց երբեք չեն կարող տարամերժ եւ հակադիր լինել, եթե իրոք դաշնակցական են: Դաշնակցականներն ընկեր են իրար եւ ընկերական ոգին շատ հոճախ տեղ չի թողնում կանոնադրի միջամտութեան:

Այո՛, Դաշնակցութեան անդամներն ընկեր են իրար եւ իրար կանչում են «ընկեր»: Բայց ի՞նչ սահմանների մեջ եւ մինչեւ ո՞ւր ընկեր են իրար: Բազմահար մարդիկ այսօր դաշնակցական են աշխարհի չորս կողմը, որոնց ո՛չ տեսած ենք, ո՛չ ճանաչում ենք: Բայց բավական է, որ մեկը նրանցից իր մարմնի հաստատակիրը ձեռքին երեւա մեր մեջ, որ մենք նրան տարիներ ընկեր նկատենք: Ի՞նչն է այս սրտազին վարմունքի դրդիչն ու պատճառը: Հաստատադրին նայելով՝ մենք իսկույն հասկանում ենք, որ նորեկը ժամանակին երդված է մեզ նման հավատարիմ լինել մեր ծրագրին ու կանոնադրին, հետեւապես նա մեր համամիտն է եւ գործակիցը: Այսպիսով մենք «ընկեր» ենք իրար կանոնադրի սահմանների մեջ եւ նրան ենք համարում «ընկեր», որ մեզ նման ձգտում է մեր ծրագրի իրագործման եւ հնազանդում է մեր կանոնադրին: Ընկերական կապն ու շփումը ամրապնդում են մեր կանոնադրական եւ ծրագրային սերտությունը եւ փոխադարձաբար՝ կանոնադրական եւ ծրագրային կապը առատ սնունդ է տալիս մեր ընկերական զգացումին: Այստեղից պարզ է ինքնին, որ մենք կարող ենք եւ պետք

է ընկերական կապ ու վերաբերում ունենանք մեզ ծանոթ եւ ան-
ծանոթ անձերի հետ միմիայն ա՛յն պատճառով, որ նրանք՝ ինչպես
ասում են՝ մեր հավատի մարդիկ են, մեզ պես են մտածում ու գոր-
ծում, այլապես ո՛չ մեկ հիմք կա ծանոթ եւ անծանոթ՝ բայց մեզ ոչ
համամիտ եւ ոչ գործակից մարդկանց ընկեր նկատելու եւ նրանց
հանդեպ ընկերական վերաբերում ունենալու: Երբ մեկն իմ ծրագի-
րը չի ընդունում, իմ կանոնադրին չի ենթարկվում, իմ կուսակցա-
կան աշխատանքին չի գործակցում՝ այլեւս ի՞նչ ընկեր: Նա արժա-
նի չէ այդ մեծարժեք անունին: Նա կարող է լինել ու մնալ շատ
հարգելի բարեկամ, շնորհալի խոսակից, ուրախ ըմպակից, պար-
կեշտ խաղակից, եւ այլն եւ այլն. բայց ընկե՞ր – բնավ եւ երբե՛ք:
Մեր ընկերը նա՛ է, որ նու՛յն նպատակին է ձգտում ինչ որ մենք
եւ նու՛յն կանոնադրին է ենթարկվում ինչ որ ամենքս եւ հետեւա-
պես ուխտած եւ երզված է մի՛շտ մեզ հետ լինել մեր թե՛ լայն եւ
թե՛ նեղ օրին: Անկարգապահը մի որոշ չափով կորցնում է իր ըն-
կերական արժանիքը, անպարտաճանաչը կորցնում է դրանից շատ
ավելին. իր թերութանց մեջ համառողը դառնում է անվստահելի
եւ անվստահության մեջ հարատեւողը՝ վտարելի, որ եւ կատարում
է մարմինը խղճի հանդորրությամբ: Ընկերների եւ մարմինների
պարտականությունն է ընկերաբար հորդորել, մեծի պես խրատել,
փորձվածի պես զգուշացնել, իբրեւ մարմին՝ ազդարարել եւ վեր-
ջապես իբր օրինապահ՝ պատժել ու վտարել: Ոչ մեկ մարմին իրա-
վունք ունի պահանջելու ավելին քան Կանոնադրին ու կանոնական
որոշումը, բայց եւ ոչ մեկ ընկեր իրավունք ունի անաստելու կա-
նոնադրին եւ կանոնական որոշումներին: Ընկերոջ իրավունքն է
ծառանալ ապականոն պահանջի դեմ, բայց եւ իր պարտականու-
թյունն է կատարել կանոնական պահանջը: Կանոնադիրը սանձն է
թե՛ ընկերների, թե՛ մարմինների:

Մեր ընկերական հարաբերությունները ավելի ավանդական սո-
վորույթով են դեկավարվում, քան կանոնադրի հողվածներով. բայց
այսպես է այնքան ժամանակ, որքան կուսակցության անդամն ավե-
լի ընկեր է զգում իրեն, քան իրավատեր անդամ: Երբ ընկերը շե-
ղում է կանոնադրից՝ ընկերական կապերին ապավինելով եւ ան-
կարգապահ քայլեր է անում՝ բարյացակամ վերաբերում հուսալով՝

մարմինների պարտականությունն է զգաստության հրավիրել այդ
ընկերը, որ շեղումով չմոլորվի եւ ծուռ քայլերով՝ չսայթաքի գա-
հավեժ: Ավանդական սովորույթին պետք է փոխարինե օրինապահ
վերաբերումը այդ կարգի ընկերների հանդեպ, որովհետեւ անկար-
գապահ ընթացքը սառեցնում է ընկերական ջերմությունը եւ սո-
վորույթի մեղմությունը դառնում է կարծր պաշտոնականություն:
Սովորույթը հանդուրժումի այն չափն է, որ կարող է թույլ տալ
մարմինը ընկերների հանդեպ. այդ հանդուրժումը սակայն չի կա-
րող հասնել մինչեւ կանոնադրի անտեսումը: Սովորույթն այնքան
արժեք ունի եւ հանդուրժելի է, որքան դեմ չէ մեր կանոնադրին,
որին պատկանում է վերջին ու կտրուկ խոսքը երբ բախվում են
իրար ընկեր ու մարմին: Ինչ-ինչ բարի դիտումներով մարմինը կա-
րող է հետաձգել կանոնադրի միջամտությունը բախումների ժա-
մանակ. նույն տեսակ բարի դիտումներով ընկերները կարող են
առժամապես համբերատար գտնվել մարմինների թերացման հան-
դեպ, բայց մարմինները չեն կարող հանդուրժել մինչ այն աստի-
ճան, որ կուսակցական բարքն ապականվի, ինչպես եւ ընկերներն
իրավունք չունին համբերատար լինել մինչ այն աստիճան, որ զեղ-
ծում եւ ապօրինություն տիրապետեն: Սովորույթը չի կարող կա-
նոնադրի տեղը գրավել: Սովորույթը ավանդության հմայքն ունի
եւ գրավիչ է հաճախ, բայց նա անորոշ է ընդհանրապես եւ միտած
է մեղկություն: Ընկերական սերը շինարար է կանոնադրի սահման-
ների մեջ եւ քայքայիչ ու լույծ՝ երբ դուրս է գալիս այդ սահման-
ներից: Սովորույթը սպեղանի է մանր վերքերի, բայց փթախտը կա-
նոնադրի դանակը կարող է բուժել: Վարիչ մարմինը պետք է ջերմ
սեր ունենա դեպի ընկերները, բայց կանոնադրի հատու հարվածը
միշտ պետք է պատրաստ լինի իր ձեռքին, որովհետեւ հին ու ճշ-
մարիտ խոսք է թե. «Որ ոչ լուսից ունկամբ՝ լուսից թիկամբ»:^{*}

Այսպիսով ընկերական սերն ու կանոնադրին իրար չեն ժա-
տում, այլ լրացնում են իրար. երբ չի ազդում առաջինը՝ միջա-
մտում է երկրորդը: Բայց երրորդը պետք է միջամտե ա՛յն ժամա-
նակ, երբ առաջինն անզոր է եւ ապարդյուն: Մարմինները առաջին

* Ով չի լսի ականջով՝ կլսի թիկունքով (սյսինքն ծեծով):

Հերթին պարտավոր են հորդոր ու խրատ կիրարկել՝ ընկերական սերը գործի կանչելով եւ վերջին վայրկյանին կանոնադրի հեղինակութեան դիմեն, երբ հորդորն ու սերը անզոր գտնվին: Կանոնադրի գործադրութեան հետաձգումը մարմինների իրավունքն է եւ պարտականութիւնը, որովհետեւ նրանք գործ ունին ո՛չ թե հպատակների, այլ ընկերների հետ, բայց կանոնադրի անտեսումը հանուն ընկերութեան՝ նշան է մարմինների մեղկութեան: Վերջին հաշվով՝ կանոնադիրն է, որ ղեկավարն է կուսակցութեան եւ ոչ ընկերական վերաբերումը կամ ավանդական սովորույթը: Որքան թեթեւամիտ է այն մարմինը, որ բախումի պարագային անմիջապես քաշում է կանոնադրի սուրը, նույնքան մեղկ է այն մարմինը, որ ուր պետք է սուր քաշել՝ հորդոր ու խրատ է կիրարկում:

1937, Մայիս

ԲՈՎԱՆԴԱԿՈՒԹՅՈՒՆ

ԴԱՇՆԱԿՑԱԿԱՆԸ	5
ՄԵՐ ԿԱՆՈՆԱԳԻՐԸ	92
ԿԱՆՈՆԱԳՐԻ ԴԵՐԸ ԿԱԶՄԱԿԵՐԳՈՒԹՅԱՆ ՄԵՋ	92
ԿՈՒՍԱԿՑՈՒԹՅԱՆ ՀԱՄԱԿԻՐՆ ՈՒ ԱՆԴԱՄԸ	95
ՄԵՐ ԿԱՆՈՆԱԳՐԻ ՀՈՐԻՆՎԱԾՔԸ	99
ԿՐԿԻՆ ՄԵՐ ԿԱՆՈՆԱԳԻՐԸ	105
ԿԱՆՈՆԱԳՐԻ ԵՎ ԱԶԱՏՈՒԹՅՈՒՆ	105
ԿԱՆՈՆԱԿԱՆ ԵԵՂՈՒՄՆԵՐ	110
ՈՐՎ Է ՄԵՐ ԸՆԿԵՐԸ	114

**ՆԻԿՈԼ ԱՂԲԱԼՅԱՆ
(Ն. ԳԱՆԳՈՒՅՑ)**

**ՄՏԱԾՈՒՄՆԵՐ
Գ. Յ. ԴԱՇՆԱԿՑՈՒԹՅԱՆ ՄԱՍԻՆ**

Տպաքանակը՝ 5000: